


323.1(9).542
u-82

800
248-07

9(47.925)
u-83



19 AUG 2011

956

9(47.925)
Ա-83

ԱՐԱՄԱՅԻՍ

Հոգևոր Հայր
24 JAN 2006
Հոգևոր Հայր
Եկեղ. ծխակ. (Երևան)

9(47.925)
Ա-83

ԶԱՐՅՈՒՐԵԼԻ ՈՋԻՐԸ

ՄՈՒԾ—ՍԵՍՈՒՆ

~~2.68~~
~~240~~

1001
1001

ԲԵԿԱՆ ԵՅՐ ԻՄ ՅՈՒԾԵՐԻՑ. — ՎԱՆ. — ՆԻԿՈԼԸ. — ԿԱՐՈՆ ՈՒ ՄԱՐՈՆ

А Р А М А И С Ъ

Турецкія звѣрства въ

Мушѣ и Сасунѣ

~~1001~~

Հ.Ս.Խ.Հ. ՀԱՆՐԱՅԻՆ ԳՐԱԴԱՐԱՆ
Հ.Ս.Ր.Ա. Публичная Библиотека
7/11-1922
ՊԵՏԱԲԱՆԿԱՆԻ ԱՆՎԱՆ
ИМЕНА, ИМЕННИКОВА

Բ ա զ ու
ԵՎԵր.-տպ. Ն. Երեւանցիայի
1916

02. 2013

ՀԱՅԿԱՆ ԿՆՏԱԿ

ՄԱՍԻՆԱԿ

6029

ՀԱՅԿԱՆ ԿՆՏԱԿ

ՀԱՅԿԱՆ ԿՆՏԱԿ

ՀԱՅԿԱՆ ԿՆՏԱԿ



9

2462-91

240-90

Մեր աչքի առաջ մի աներեակայելի, մի զարհուրելի ոճիր կատարուեց: Մի ազգութեան խոշորագոյն հատուած, որ հազարաւոր տարիների ընթացքում արհաւիրքների միջից իր գոյութիւնն էր պահպանել զարմանալի տոկոսութեամբ մինչև մեր օրերը, և որ—թէև առկայծող—այնուամենայնիւ քաղաքակրթութեան պատրոյզն էր եղել երկու մեծ երկրամասերի շփման սահմաններում,—այժմ գրեթէ բնաջնջման ենթարկուեց արիւնարբու զազանների ետթաղաններով: Գերեզմաններից վեր էին կացել Հուլազունները, Չինգիզ-խաներն ու Լենկ-թէմուրները և թեատարած, սանձարձակ սաւառնում էին հայկական բարձրափանդակում՝ արիւն ու մահ, սուգ ու շիււան սփռելով շուրջանակի:

Այդ դեռ ոչինչ. Օսմանլին ուրիշ տեսակ վարուել չէր կարող. նա շնչանեղձ կը լինէր առանց արեան բազնիսների. բայց որ սուկալի է, այդ այն է, որ նահատակ ժողովրդի մարտիրոսութիւնը սրբազործուեց քաղաքակրթ Մուստոֆերմանիայի օրհնութեամբ. և որ քառմնելի է, այդ սարսափները կատարուեցին լուսաւոր, յառաջադէմ ազգերի աչքի առաջ: Բաւաղան էր միայն, որ հայերի սրտախորով ճիշդ թնդալուց

Աւստրո-Պերմանիան մատը ցցէր, ու կատաղած զագանը կը թագցնէր եաթաղանը: Բաւական էր միայն, որ չկոռուող երկիրները, — Շուէյցարիա, Հոլանդիա, Հիւսիսային ու Հարաւային Ամերիկա, Շուէդ-Նորվեգիա, Ռումինիա, և այլն, և այլն, սրբազան ցասումով նոյն իսկ իրանց պլատոնական նողկանքն արտայայտէին ու մի քիչ եռանդուն միջոցներ ձեռք առնէին, և սղէան այնպիսի ահարկու չափերի չէր հասնի. սակայն բոլորը տարուած իրանց Շէյոկեան հաշիւներով՝ — «Մեզ չի վերաբերում», — եթէ ոչ բարձրաձայն, սպա լուծեամբ ասացին ու ստորագրեցին տաճկական դաւը:

Կծոտող շան զնչին զնչկալ են դնում. տաճիկ կառավարութեան գունչը կապող չեղաւ. նա մնաց սանձարձակ, առանց զնչկալի, բաց թողած խաչուող հայերի ջանին...

Ո՛ւր մնացին դարերից ի վեր հնչող մարդասիրական քարոզները. ո՛ւր մնաց «բոլոր մարդիկ եղբայրներ են» նշանաբանը. ո՛ւր մնացին սօցիալիստական համագումարները, խաղաղասիրական կօնֆէրանսներն իրանց գեղեցիկ որոշումներով, արտայայտած վսեմ ցանկութիւններով... Համամարդկային բարձր գաղափարները մեծ փորձութեան ենթարկուեցին 1914-ի յուլիսից մինչև այսօր, և բոլոր բարձր գաղափարները յօդս ցնդեցին սապնի պղպղակների պէս,

մէջ տեղ թողնելով միայն կոպիտ ոյժը, իբրև վճռող ու յարգարող բոլոր խնդիրների: Հաւատանք քաղաքակրթութեանը. հաւատանք գիտութեանը, բարձր գաղափարներին... Որովհետև էլ էրբէ բարձր գաղափարների մասին այնքան խօսուել ու գրուել, էլ էրբէ են ժողովուրդներն այնքան քաղաքակրթուած և գիտութիւնն այնքան ծաղկած եղել, որքան XX-րդ դարում. և սինա հէնց այդ «Հրաշալի դարում» է, որ սրածութեան ենթարկուեց գիտութեանն ու քաղաքակրթութեանն սպասաւորելու բոլոր ահնայտ զրաւականներն ունեցող մի ժողովուրդ, հայ ժողովուրդը...

Հաւատանք:

Այն, պիտի հաւատանք. գաղափարը չի մեռնում. երբեիցէ կը յաղթանակէ արդարն ու ճշմարիտը. երբեիցէ կը գայ այն օրը, երբ հրամայողը սուրը չի լինի, այլ ազատ սպրելու իրաւունքը. երբեիցէ մարդկութիւնը կը տօնէ յաղթանակն այժմ արհամարհուած վեհ դաւանանքների. իսկ մինչև այն՝ մենք երբէք, ոչ մի ըուպէ չալիտի մոռանանք այն պատուհասները հեղինակին, որ անպատմելի կսկիծներ պատճառեց հայութեանը:



ԶԱՐՅՈՒՐԵՆԻ ՈՋԻՐԸ

Մուշ-Սասուն

I

Հէնց սկզբից ներկայ ուս-տաճկական պատե-
րագմը հեղինակաւորութիւն չունէր տաճիկ ժո-
ղովրդի մէջ, և արհեստական բոլոր միջոցներն
անօգուտ անցան ոգևորութիւն առաջ բերելու
համար.— աղքատ ժողովուրդ, բռնակալ կառա-
վարութիւն, Բալկանեան պատերազմի ղժբախ-
տութիւնը դեռ թարմ ժողովրդի յիշողութեան
մէջ,— ոգևորութիւնը որտեղից պիտի իջնէր: Իսկ
երբ տաճկական բանակի «յաղթական» արշա-
ւանքը Սարիղամիշի ու Արզահանի խայտառա-
կութեամբ պսակուեց, այն ժամանակ զօրքի մէջ
խանդավառութիւն չկար ու չկար, լքումն էլ
միւս կողմից ծայր տուաւ, և անձ զինուորներն
սկզբում մէկ-մէկ, յետոյ երկու-երկու, ապա
ամբողջ խմբերով՝ սկսեցին փախչել գործող բա-
նակներից ու պահեստից և թազնուել լեռներում
ու գիւղերում: Փախչում էին թէ հայերը, թէ
քրդերը, թէ թուրքերը. բայց տոկոսային յա-
րաբերութեամբ՝ հինգ փախչող թուրքին՝ մի

հայ հազիւ էր ընկնում. իսկ այն տեղերը, որտեղ գորքի մէջ հայերը շատ չնչին տոկոս էին կազմում ու հետո էին հայ ազգաբնակչութիւնից, այնտեղ փախչողները բացառապէս թուրքերն էին լինում և մեծ չափով:

Այդ երևոյթը մի այնպիսի սոսկալի հետևանք կարող էր առաջացնել տաճկական բանակի համար, որ կառավարութիւնը վճռում է արմատական միջոցներ ձեռք առնել՝ չարիքը խեղդելու:

Արմատական միջոցներից մէկն այն է լինում, որ հայ զինուորներին սկսում է զինաթափ անել՝ նրանց դաւաճան յայտարարելով, ու մշակի տեղ աշխատեցնել. երկրորդն էլ այն, որ յայտարարում է, թէ՛ փախստական զինուորները եթէ չվերադառնան, զինուորական դատի պիտի ենթարկուին:

Մշոյ դաշտի գիւղերից ևս սկսում են պահանջել փախածներին և յայտնում բոլորին, թէ՛ որ փախստական չվերադառնայ և ո՛վ յանցաւորին թազցնի, նրանց տները պիտի վառուին ու կայքը գրաւուին յարքունիս: Այդ սպառնալիքը թէև ուզողւած էր բոլորին, առանց ազգի ու դաւանութեան խտրութեան, սակայն դա միայն մի զգուելի կատակերգութիւն էր՝ հետզհետէ զարգացող եղենագործութեան ծրագիրը զիմակաւորելու համար: Կառավարութեան ոճրագործ պաշտօնեաներն ամենից առաջ գործի են կանգ-

նում Մուշ քաղաքում, որտեղ վառում են երկու տուն. յետոյ անցնում են գիւղերը, փախած զինուորների ցուցակը ձեռքներին ու միաժամանակ թէ յանցաւորներին որոնում և թէ օգտուելով հանգամանքից՝ խուզարկութիւններ կատարում, գէնքեր ու այլ ուղղամթերքներ խլելու հայ ժողովրդի ձեռքից, որպէսզի ապագայում ամենալայն չափերով կարողանան իրագործել Պօլսից հրահանգուած այն ոճիրը, որից երկինքը պիտի դողար:

Մարտի սկզբներում՝ կօմիսսէր Ռատիմ-բէյն ու միլիազիմ Ջէվդէթ-բէյը քառասուն զաբթիաներով գնում են 300 տուն ունեցող Յրօնք հայ գիւղը, հանում ցուցակն ու պահանջում բանակից փախած այդ գիւղացի զինուորներին: Յրօնքցիք պատասխանում են, որ գիւղում այդպիսի զինուորներ չկան, և եթէ կան էլ՝ ապա լեռներում կը լինին պատուարուած, որտեղից նրանց իջեցնելու հնարն իրանք չունին:

Այդ միջոցին Յրօնքցի մի մայր իր որդու ամար գաղանի կերպով հաց տանելիս է լինում գիւղից դուրս. ոստիկաններից մէկը նկատում է, հետամուտ լինում կնոջը և հասնում այն ժամանակ, երբ մայրը հացը փախստական որդուն էր տալիս: Ոստիկանը գոռում է, որ տղան դուրս գայ թագստոցից և անձնատուր լինի. տղան մերժում է. ոստիկանն ուսից ցած է բերում հրա-

ցանն ու գնդակներ տեղում դէպի փախստական զինուորը. սա էլ իր հրացանն է գործի դնում և առաջի գնդակից՝ սպանում հակառակորդի ձին: Ոստիկանը փախչում է և դէպքի մասին իմաց տալիս կոմիսսէր Ռասիմ-բէյին. կոմիսսէրն իսկոյն ոտքի է կանգնեցնում զաբթիաների խումբը և գիւղից հանում 40 ոսկի (360 ռ.) սպանուած ձիու համար և գրաւում մի ուրիշ շատ լաւ ձի: Ապա կատաղաբար ընկնում են գիւղը, վառում 25 տուն, այդ տների բոլոր աղամարդկանց կոտորում, կայքերնին գրաւում յարքունիս ու վերադառնում Մուշ:

Այդպիսով՝ անեղ դաւաղըութիւնը, որ նիւթուած էր հայի գոյութեան դէմ և որ հէնց պատերազմի սկզբից էր ծայր առել, սակայն դեռ բացարձակութիւն չէր ստացել, այժմ կամաց-կամաց դիմակազերծ ու ցայտուն էր դառնում:

11

Յրօնքի դէպքն այդ միջոցներում բացառութիւն չէր. — կարին, Երզնկա, Տիգրանագերտ, Թերջան... ամեն կողմերից գալիս, տաճիկների ու քրդերի կատարած խայտառակութիւնների ձայներն են հասնում: Արմտանի պատահած դէպքը մի սովորական երևոյթ էր այդ ժամանակաշրջանում. իսկ Արմտանում այն էր պատա-

հել, որ թուրք կամաւորներին բաժանում են հայ տներում զիշերելու, հայերը նրանց հիւրընկալում են անտրտունջ, սակայն այդ անտրտունջ հիւրընկալութեան հատուցումն այն է լինում, որ կամաւորների գլխաւորը բռնում և բռնաբարում է իրան կերակուր տուող, իրան կշտացնող պատուաւոր տան հարսին...

Բայց դա ընդհանուր դրութեան մի շատ աննշան օղակն է միայն. ամբողջ Տաճկա-Հայաստանում բացարձակ քմահաճոյքն էր թագաւորում և անպատկառ բռնութիւնը. սակայն հայերը բոլէի անհուն լրջութիւնն ի նկատի առնելով, սրտերնին սեղմելով՝ համբերում էին, թէ՛ — անձ, անձ կըզան, կը հասնեն ռուսական բանակները, կը հասնեն իրանց արիւնակից, իրանց ցաւերով տոգորուած եղբայրները, ու վերջ կը տրուին ցաւերին, սպեղանի կը դնեն վերքերին... իսկ նրանք էլ ուշանում էին. և, թէև երբ կոմիսսէր Ռասիմ-բէյը Յրօնք գիւղում իր սխրագործութիւններն էր կատարում, հէնց այդ օրերում էլ ռուս բանակը տաճիկ զօրքերին Ալաշկերտի հովտից դէպի Դահար էր քշում ու Արդուխից դէպի սահմանից դուրս շարտում, այնուամենայնիւ այդ հանգամանքը չէր զսպում հայերի վերաբերմամբ որոշ ծրագիր ունեցող տաճիկ կառավարութեանը և նա խելագարուած պատերազմական հովով՝ իր գործն էր շարունակում:

Թուում է, թէ քաղաքական իմաստութիւնը պիտի թելադրէր Իլլիզի ճիւղին, այդ տափնապալից օրերում աւելի համբերող ու արգարագատ լինել ղէպի հարտակ ժողովուրդները. թըւում է, թէ՛ երբ մարտի 14-ին միացեալ նաւատորմը Դարդանէլում Բիլլիդ-Բահր ամրութիւնն էր ումբակոծում, իսկ 15-ին ուսական ուղւմանակները Բօսֆորի մուտքի Ռումէլ-Փանարի-Կալասին ու Անատօլի-Փօնարի-Կալասին, և երբ նոյն ամսի 21-ին «Մէջիդիէ» յաժանաւր խորտակուեց Օղեսասյի ծովախորշում ուսականականից, ապա այդ դժբախտ հանգամանքները պէտք է հրամայողաբար հարկադրէին Պօլսի արբեցածներին, որ մի քիչ զգաստ լինեն ու մարդավարի վարուեն այն ժողովրդի հետ, որ, յամենայն դէպս՝ չէր մերժել իր որդիները տաճիկ զօրքերի հետ ղէպի ուսական սահմաններն ուղարկելու, և իր լղարիկ զրպանի ոսկիները՝ տաճկական սնդուկը զցելու... Սակայն, ընդհակառակը. տաճիկ կառավարութիւնը հէնց այդ վտանգաւոր ընդլններն է ընտրում՝ իր տասնեակ ու հարիւրաւոր տարիներով փայփայած նպատակն ի կատար ածելու, որին պատրաստի գործիք պիտի հանդիսանային ջհաթով ոգևորուած ու էլէքտրականացած իսլամ ժողովուրդը:

Տեսնելով, որ փախստական զինուորներից համարեա թէ վերագարձող չկայ, չնայելով ձեռք

առած խիստ միջոցներին, կառավարութիւնը այժմ խորամանկութեան է ղիմում. յայտարարում է, որ վերագարձող ու աեղին յանձնուող փախստական զինուորները պատերազմի դաշտ չեն ուղարկուի, միայն պատերազմական այլ պարտականութիւններ կրկատարեն բանակների թիկունքում, ապա ուրեմն՝ յանձնուողը կընքուի:

Միևնոյն ժամանակ էլ հրաման է ղուրս գալիս, որ ժողովրդից պէտք է հաւաքուեն ամալիաթաբուրի*) և համալթաբուրի**):

Եւ սկսում են...

Ի շարս ուրիշների՝ Մշոյ գաշաի Գոմս գիւղի ուէյսն էլ հրաման է ստանում պատրաստել 50 եգ և 50 մարդ՝ փոխադրութիւն կատարելու համար: Ռէյսը գիւղում գանուող խելօքների հետ խելք-խելքի են տալիս, թէ՛ ախր 70 տուն ունեցող փոքրիկ գիւղն ինչպէս կարող է 50 մարդ և 50 եգ տալ. սակայն հնարաւորութիւն կան մերժելու... որտեղ փախչէին, ում ղիմէին... Վերջապէս, շատ տակ գլուխ տալուց յետոյ, մեծիցփոքրից հաւաքում են 45 հոգի ու 50 եգ, յուսալով, որ պակտող հինգ հոգուն ոսկին կարող է փոխարինել:

*) Ճանապարհ շինող, հողային գործեր կատարող վաշտեր:

**) Շալակով փոխադրութիւններ կատարող վաշտեր:

Շուտով գալիս է Աղջանայ միւղիբը 7 գար-
թիաներով, քիւրդ Մամէդ-էմինն էլ հետը, պա-
հանջածն ստանալու համար:

Գոմսի աէյսն էր Կորիւն անունով մէկը, որ
վաղուց էր սովորել իր մարդկային արժանապատ-
ւութիւնը յարգել տալու ձևը՝ գազանների շրջա-
նում: Փամանակով առաջ նա միւղիբի հետ Գոմս
իջած Մամէդ-էմինի հետ հաշիւ էր ունեցել.
քիւրդը սպանել էր Կորիւնի մօրը, իսկ Կորիւնը
պարտքի տակ չէր մնացել, ու սպանել էր նրա
եղբօրն ու հօրը, կամ հօրեղբօրը և այժմ, երբ
ամեն կողմերից մահն էր իր մանգաղը ցոյց
տալիս Հայաստանի ամեն անկիւններում, այդ
երկու ոտիւնները դէմ առ դէմ են ելնում:

Միւղիբը 45 մարդու և 50 եզան պատրաստ
լինելը լսելուց յետոյ՝ համաձայնում է աէյսի
հետ, որ մնացած հինգի մասին կարելի է մի
կերպ անել. սակայն այն կողմից վրայ է պրծը-
նում քիւրդ Մամէդ-էմինն ու մտրակով սկսում
հարուածներ տեղալ և հայհոյել, թէ՛—«գեաւուր,
անհաւատ-շուն, ինչո՞ւ ես սուտ ասում, թէ մարդ
չկայ. դու եթէ ուզենաս, հէնց մենակ ձեր գիւ-
ղից հարիւր հոգի կրճարես»: Կորիւնը երեսի ա-
րիւնը սրբելով՝ կուլ է տալիս այդ վիրաւորան-
քը: Վախենում էր. չէ՞ որ իր մի անգգոյշ քայ-
ից՝ սարսափելի հետեանքներ կարող էին ծա-
գել: Բայց քիւրդը ձեռք չի քաշում և իր ըն-

կերներով սպանում է եօթը հայ: Այդ ժամա-
նակ գիւղում գտնուող մի քանի երիտասարդներ
ու աէյսը տեսնելով, որ գայլերը շատ են հեռու
գնում, նրանց սեղմում են մի տան մէջ ու վա-
ռում. կենդանի են թողնում միայն միւղիբին,
որ գնայ ու արդարութիւնը պատմէ: Սակայն
մինչև արդարութիւնը միւղիբը կրպատմէր ու
Ֆիրդա-կօմանդար Վէյսի-բէյը քննութեան կը
գար, քրդերն ու թիւրքերը Գոմսից ու Հերկեր-
տից սպանում են էլի մի 20—25 հոգի:

Այս դէպքից երեք օր յետոյ՝ Մուշից մի ժա-
մուայ վրայ գտնուող Առաքելոց վանքի դէպքն
է պատահում:—Տեսնելով, որ ինչպէս էլ իրենց
պահեն, որքան էլ գլխնին դէմ անեն տաճկական
հարուածներին, միևնոյն է, փրկութիւն չկայ,
զանազան կողմերից ութսունաչափ հայեր գաղտ-
նօրէն հաւաքւում են այդ վանքը, մտածելու
թէ՛ ի՞նչ անեն. —դիցուք թէ կռուողները մի
կերպ, միառժամանակ կարողացան պաշտպա-
նուել. իսկ ո՞ւր տանել, որտե՞ղ թաղցնել բազ-
մահազար կին ու երեխաներին... ուստի ան-
հաղիւ հեռու, իրենք չորս կողմից շրջապատուած
հայի արիւն սիրած միլիոնաւոր գայլերի վոհ-
մակներով, սովն ու համաճարակ հիւանդութիւն-
ներն անխուսափելի, պաշտպանուելու ընդունակ
տարրը հանած իրենց միջից, մնացածն էլ ցաք



ու ցրիւ, և համախմբուելու գրեթէ բացարձակ անկարելիութիւն... Ինչ անել...

Այդպիսի դառն մտքերով էին զբաղուած Առաքելոց վանքում հաւաքուածները, երբ «նալբանդ» Ջէվզէթ-բէյի անուանակից մի այլ Ջէվզէթ-բէյ՝ Մուշից զօրքով վրայ է հասնում, վանքը խուզարկելու: Այդ հողի վրայ ընդհարում է առաջ գալիս, որի ժամանակ սպանուում է ինքը, Ջէվզէթ-բէյը և զօրքից՝ 7—8 հոգի: Հէնց որ լուրը հասնում է Մուշի միւթէսարիֆին, սա իսկոյն նոր ուժեր է ուղարկում և պահանջում, որ վանքում գտնուողները յանձնեն զէնքերնին, անձնատուր լինին ու թողնեն զիակները վերցնելու: Վանքից պատասխանում են, թէ՛ մենք զիտենք անձնատուր լինել տաճիկ կառավարութեանն ինչ է նշանակում. աւելի լաւ է, քաշեցէք ձեր զօրքերն իրանց տեղերը, մենք կեղնենք վանքից, դուք էլ ձեր զիակները կը տանէք:

Այդպէս էլ լինում է. զօրքերը յետ են քաշուում, վանքում գտնուողները դուրս են գալիս, անցնում Մասուն, իսկ զինուորների և Ջէվզէթ-բէյի զիակները բերում են Մուշ, որտեղ Միւթէսարիֆը դամբանական է խօսում, թէ՛—երդուում եմ, որ ձեր գլխի իւրաքանչիւր մագի փոխարէն՝ հազար հայ պիտի կոտորել տամ:

Իսկ հայերը լսում էին այդ և դրա նման շատ ու շատ «խորհրդաւոր» խօսքեր, և ս պատու, թէ

երբ է սկսուելու այն, ինչ որ կառավարութիւնն էր ծրագրել...

III

Իսկ այն, ինչ որ վաղուց արդէն սկսուած էր, հաշուի մէջ չէր մտնում. հինգով, տասով, երեսունով սպանութիւնները, կանանց բռնաբարելը, ազջկերք քաշել-տանելը, տաւար-ոչխար ձեռքներից առնելը՝ հայերն իրենց հոգու մէջ ցանկանում էին մասնաւոր երևոյթի ձև տալ, շքրթունքնին սեղմած՝ աշխատում էին կսկծի ճիշեր չհանել, որպէսզի անարգ թշնամին առիթ չունենայ անմիջապէս ձեռնամուխ լինելու նիւթած դաւին, յուսալով, որ, սով զիտէ, գուցէ շուտով կըհասնեն ազատարարները, որոնք թէ իրենց կը փրկեն և թէ վրէժ կը լուծեն կրած զրկանքների համար...

Սակայն մինչև նրանք կը գային, «բարեխնամ» տաճիկ կառավարութիւնը սիստէմատիքաբար, քայլ առ քայլ մօտենում էր իր գերագոյն նպատակին՝ հայերի բնաջնջման ծրագրի իրագործման:

Ամալիա-թարուրի և համալ-թարուրի անուան տակ՝ ուշք չդարձնելով ոչ հասակին, ոչ առողջական զրութեանը, զիւղերից ու քաղաքներից դուրս են բերում հազարաւոր հայեր և նրանց

գրասանների պէս բեռներով ծանր բեռներով՝ քշում դէպի էրզրում ու Բիթլիս: Իսկ թէ ինչեր էին քաշում այդ դժբախտները ճանապարհներին, ինչպիսի տանջանքներ էին կրում, այդ մասին կարող էին լուռ վկայութիւններ տալ այն դիակները, որ սփռուած էին ճանապարհների երկու կողմերում, և այն կմախքացած կենդանի-մեռեալները, որ կարողացել էին տեղ հասնել...

Եթէ մէկը սայթաքում էր, հրացանի կոթով էին բարձրացնում տեղից. եթէ միւսը չոքում էր բեռան տակ ու ճիգեր գործ դնում ոտքի կանգնելու, բայց ուժասպառ եղած՝ չէր կարողանում, հարցը սուինն էր վճռում. սպանում էին ու նրա բեռը բաժանում միւսների վրայ, որոնք առանց այն էլ բեռան տակ անքալիս՝ միայն մահուան երկիւզից էին կարողանում ոտներնին շարժել... Հարիւրներ, հազարներ ընկան այդ նզովեալ ճանապարհներին, առանց բարձրաձայն լաց լինել անգամ կարողանալու... Եւ եթէ լաց էլ լինէին, ո՞վ պէտք է լսէր.— ոռւսական բանակը հեռու, Եւրոպան՝ խուլ, Ամերիկան՝ կոյր, իսկ իրենք թանձր օդակներով շրջապատուած տաճիկ զօրքերով ու վայրագ քիւրդերով, որոնց մէջ գազանական բնագոյները ծայրայեղութեան էին հասել մահմեդական կրօնաւորներէ՝ ձեռքով բորբոքուող շիաթով...

Պարզ է, թէ այդ տեսակ պայմանների մէջ ինչ պէտք է լինէր հայերի դրութիւնը:

Ապրելի 19-ին սկսուեց Դիլմանի նշանաւոր կռիւը, որ վերջացաւ 20-ին, Խալիլ-բէյի պարտութեամբ. նրա ընտիր զօրաբաժինը մեծապէս սուժեց այգտեղ և Խալիլ-բէյը հարկադրուեց նահանջել, այն էլ արագութեամբ, առանց կանգ առնելու. Վանի ուղղութեամբ ևս ոռւսական զօրքերըն առաջ էին շարժուած դէպի Վան, ուր հայ կարիճներն օրհասական պայքար էին մղում տաճիկների դէմ, սեպհական ուժերին ապաւինած, առանց ակնկալելու, թէ դրսից շուտով օգնութիւն կը ստանան: Պատնօսի ճանապարհով նոյնպէս ոռւս զօրքերն առաջանում էին, և այդ բոլոր կողմերից մահմեդական ազգաբնակչութիւնը, որ իրենց վտանգուած էին զգում դէպիներսերը խորացող ոռւսներից ու հայ կամաւորներից, ունեցած-չունեցածնին հաւաքելով՝ քաշուեցին դէպի Մշոյ կողմերը: Իսկ երբ մայիսի 5-ին Վանը գրաւուեց, և այդ նոյն ամսի վերջերքում յաղթողներն իրենց թևերը Վանայ լճի երկու կողմերից դէպի Մանազկերտ ու Բիթլիս մեկնեցին, այն ժամանակ մահմեդական տարրի գաղթը մեծ չափերի հասաւ և տասնեակ ու հարիւր հազարներով՝ փախան դէպի աւելի ապահով համարուած տեղեր.— Մուշ, Մշոյ դաշտն ու շրջակայ լեռները, որտեղի հովիտները կարող էին առաս

կեր մատակարարել բազմահազար անասուններին:

Գլուխը կորցրած, վայրենի կառավարութիւն, ու անտէր երկիր. բարեգործական, մարդասիրական ընկերութիւնների կատարեալ բացակայութիւն. որևէ աղէտի առաջն առնելու համար ստեղծուած կազմակերպութիւնների մասին՝ ոչ մի գաղափար. բժշկական օգնութիւնը՝ անծանօթ մի բան. — այդ հանգամանքներում էլ ո՞վ պիտի մտածէր ուստական ճակատից դէպի խորքերն ապաւինած փախստականների համար... և ծայր են տալիս տարափոխիկ հիւանդութիւնները, տիֆն ու սովը, մեծամեծ աւերածումներ անելով փախածների շարքերում:

Բայց հայի բախտն այն տեսակներից է, որ, այսպէս ասած՝ Աստծու առւած այդ պատուհանն էլ անդրադառնում է հայերի գլխին: Ուստական զօրքերի առաջից փախած քիւրդու տաճիկներն ու տեղական մահմեդականութիւնը փոխանակ ուսանների վրայ գայրանալու, տեսնելով, որ, միևնոյն է, իրենց գայրոյթն ուսանների դէմ գործնականօրէն ոչնչով արտայայտել չպիտի կարողանան, դարձեալ շուռ են գալիս դէպի սարսափներից կծկուած, դողացող հայերն ու իրենց արիւնոտ ժանիքներն ցոյց տալիս... վրէժուածելու, սիրտ հովացնելու միակ օրիեկար՝ էլի տարաբախտ հայն է մնում...

Խալիլ-բէյը նահանջելով-նահանջելով՝ հասնում

է Բիթլիս. այդ նահանջին միանում է և, Խաչան գիւղի «ճերոս», «Նալբանդ» Ձէվդէթ-բէյը, որ մի ամսու հափ Վանը իր թնդանօթներով ծեծելուց յետոյ թողել էր ու փախել, և այժմ իր ժահրոտ ուղեղում նորանոր սարսափներ էր նիւթում, իր խայտառակուած պատիւը հայկական հեկատոմբներով վերականգնելու:

Մտնում է յունիսը. ապարդիւն են անցնում արտասուտտ աչքերնին դէպի Վանայ լճի ափերն ուղղած հայերի յոյսերը, որտեղից փրկութիւնը պէտք է ծագէր. ուստական զօրքը դեռ հեռու էր, և հասաւ ժամանակը, որ շրջապատը միանգամայն փակուեց պողպատով և ոչ մի լուր, ոչ մի տեղեկութիւն էլ չէր ստացուում դրսից: Որանց էին ուստական զօրքերը, ինչէր էին կատարում Մշոյ դաշտից այն կողմերը, ոչ ոք հայերից, թէկուզ խուլ կերպով՝ ոչինչ ասել չէր կարող:

Իսկ կառավարութիւնն այժմ սկսեց կանոնաւոր կերպով գործել: Հայերից հաւաքուած համալ-թաբուրիներին տանում էին իրենց եզներով՝ իբրև թէ ապրանք փոխադրելու. բայց ճանապարհին մի որևէ կամուրջի վրայ կամ փոսի կողքին կտտորում, դիակները գետը նետում, կամ փոսերը լքցնում, իսկ ապրանքները բերում, յանձնում կառավարութեանը, կամ սեպհականացնում: Այդ զագրելի եղեռնագործութիւնները զրնալով-զնալով այնքան են զարգանում, որ հա-

Նապատուեցին քրդերով ու գօրքերով, ձիաւոր պահակախմբերն սկսեցին ճանապարհները չափ-չփել աջ ու ձախ և մտադործ Ջէվդէթ-բէյը իր գարշելի ոտը դրաւ Մշոյ սահմաններում, դրութիւնը միանգամայն պարզուեց. — հասել էր ճրդ-նաժամի լուծումը:

IV

Այդ միջոցներում Մուշ երեք օտարունիներ էին ապրում, որոնք քաղաքում որբանոց էին պահում. նրանցից մէկը գերմանուէի էր, երկուսը՝ շուէզուէի: Եւ որովհետև մօտիկ օրերում լի-նելիքին օտար աչքերի ներկայութիւնը ձեռնտու չէր կառավարութեանը, ապա միւթէսարիֆի գիււանատնից նրանց յայտնում են, թէ Պօլսոյ գերմանական դեսպանից կարգադրութիւն կայ՝ թողնել Մուշը: Գերմանուէին անմիջապէս հեռանում է քաղաքից, իսկ միւսները զանազան առարկութիւններով ու պատրուակով մնում են՝ ազաւի-ներով շուէզական դրօշակին, որ և հաստատում են իրենց ապրած տան վրայ:

Այստեղ աչքի ընկնող մի ուշադրաւ հանգա-մանք կայ. — անկասկած է գառնում, որ Գերմանիան նոյնպէս մեղսակից էր հայերի գլխին պայթող սարսափներին, և նրան լաւ յայտնի էր, թէ այդ օրերին ինչեր պէտք է կատարուէին

Արածանու հովտում. թէ չէ՝ ինչո՞ւ Պօլսոյ գերմանական դեսպանին հէնց այդ «նշանաւոր» օրերում հարկաւոր եղաւ յիշել Մշում որբանոց պահողներին...

Յունիսի վերջին միւթէսարիֆն իր մօտ է կանչում Վարդան վարդապետին և քաղաքում յայտնի քսանաչափ հայեր ու յայտարարում, թէ՛ — կենտրոնական կառավարութիւնից հրաման կայ, առանց յապաղելու՝ հայերին գաղթեցնել Ուրֆա (Եդիսիա). սակայն ինքը հայերին բարեկամ լինելով՝ ոչ թէ անմիջապէս գործի կը ձեռնարկէ, այլ փոքր ինչ ժամանակ է տալիս, որ համախմբեն կին ու երեխաներին և պատրաստ լինեն առաջին իսկ նշանին՝ տեղից շարժուելու:

Վարդան վարդապետն ու միւս հայերը, որ նրա հետ էին, շանթահար եղած այդ զարհուրելի հրամանից՝ սկսում են աղաչելու դառնագին արտասուել, որ խզման ժողովրդին, կին ու երեխաներին, և եթէ իրանց ճակատին մահն է գրուած՝ թողնեն իրանց հողում մեռնելու:

Սակայն նրանց լացն ու աղաչանքը «հայերի բարեկամ» գազանի միայն կատաղութիւնն է առում և նա արնակալած աչքերով գոռում է.

— Կտրեցէք ձայներնիդ և անշեղ կերպով կատարեցէք այն, ինչ որ հրամայում եմ. եթէ պետութեան շահերը պահանջեն, ձեզ ոչ թէ Ուրֆա, այլ նրանից էլ շատ գէնը կուզարկենք:

Բայց որպէսզի իմ բարեմտութիւնս ի չարը գործ չդնէք ու զանազան պատրուակներով ժամանակ շահել չաշխատիք, ժամանակը որոշում եմ.— մինչև յուլիսի 1-ը այն կէտերում, որ ձեզ կրչայտնեն, կարճանագրուէք, ու նոյն օրն էլ, — հայդէ, ճանապարհ... եւ լաւ մտածեցէք ու հասկացրէք բոլորին. ամենափոքրիկ ընդդիմադրութիւնը բոցերով կրխեղդեմ: Բոլոր դիրքերում թնդանօթներն են սարքած, որոնց բերաններն ուղղած են դէպի հարկաւոր տեղերը, իսկ զօրքերին ու համ'իդիէներին (առանձնապէս շեշտում է «համ'իդիէ» խօսքը) արդէն տրուած են կարնտը հրահանգները:

Միւթէսարիֆի մօտից վերադառնալով վարդապետն ու միւսները զուժում են ժողովրդին կառավարութեան հրամանը: Քաղաքը սզի մէջ է մտնում՝ այդ լուրը լսելով. վրէժ յուժելու անկարելիութիւնը, անզօր կատաղութիւնը, յուսահատութիւնը, զսպուած, անձայն արտասուքն ու մօտալուտ մահուան երկիւղը տիրում է ժողովրդին: Այդ միջոցին քաղաքում մի քանի հազար փախստական հայեր ևս կային, որ քրդաշատ վայրերից եկել, Մուշ էին ապաստանել՝ յուսալով, որ քրդերն ու զօրքերը կառավարութեան աչքի առաջ, յամենայն դէպս այն վայրենութիւնները չեն անի, ինչ որ խուլ կողմերում: Եւ Մշեցի հայերը նրանց պահում էին իրանց սրբ-

տին սեղմած, իբրև մի թանկագին զանձ. տուն կար, որ վաթսուն հոգի էր վերցրել՝ խնամելու, կերակրելու. մարդ կար, որ իր երեխաների բաժինը պակասցնելով՝ էլի մի երեք-չորս գաղթական էր վերցրել իր տուն, ու փառք տալիս Աստծուն, որ իր դժբախտ եզբայրը, թէև բոլոր ունեցուածքը կորցրած, գոնէ Փիղիքապէս անաս է մնացել. սակայն այժմ բոլորը հաւասարում էին, և շուտով ամենքը միասին պէտք է դիմէին դէպի վերջնական փրկութիւն, դէպի գերեզման...

Ինչքան էլ կառավարութեան հրամանը պարզ ու կտրուկ՝ այնուամենայնիւ հայերի սրտում դեռ մնացել էր յուսոյ մի կայծ, թէ՛ այս բոլորը թերևս իրանց վախեցնելու համար է. — կարծես թէ քիւրդ ու տաճիկները մինչև այդ՝ վախեցնելու բոլոր միջոցները չէին սպառել հայերի գլխին: — Այդպէս մտածում էին ու սպասում սրտադող: Իսկ մինչդեռ նրանք սպասում էին, կառավարութիւնն էլ իր գործն էր տեսնում. նա գողթեցնելու միտք չունէր, այլ կոտորելու. այդ պատճառով՝ դիւանատներում շարունակ խորհուրդներ էին գումարում, թէ ինչպէ՞ս անեն, որ կոտորածը Մասուն, Մուշ և Մշոյ դաշտում միաժամանակ, արագ ու արմատական լինի:

Այդ նպատկով՝ դիրքերի թնդանօթներն էլ աւելացրին. բոլոր զիւղերի արանքներում զօ-

րախմբերի թիւն էլ ուժեղացրին, կանչեցին սր-
խալմամբ «չհրաւիրուած» մնացած քիւրդ ցեղա-
պեաններին՝ իրենց աւագակներով, արեան խըն-
ջոյքին մասնակցելու, իսկ յատկապէս քաղաքում
գործողներին բաժանեցին վաղօրօք պատրաս-
տած՝ կարճ կոթերով կացիններ, փակած, ամ-
րացրած դռներն արագութեամբ փշրելու և ա-
ռաջին պատահածի գլուխը ջախջախելու համար...

Որքան էլ այդ բոլորն իբրև թէ գաղտնի էին
կատարուում, այնուամենայնիւ՝ հայերը պարզ
տեսնում էին, որ արդէն սուրբ դրած է իրենց
կողորդին, և միևնույն է՝ պիտի մեռնեն. ու սար-
սափի ահռելիութիւնից բխացած՝ այլ ևս ոչինչ
մտածել չէին կարողանում: Եղան համարձակ
գլուխներ, որ առաջարկեցին՝ դուրս գալ ամբող-
ջովիմբ, եթէ գէնք կը ճարեն՝ կռուողը կը կռուի,
փախչողը կը փախչի, և, սվ գիտէ, գուցէ մի
մասը կարողանայ հասնել ոռւսական բանակին և
ազատուել. բայց լսողները միայն գլխնին էին
շարժում. — հարիւր, հարիւր ու քսան հազար հո-
գին, ծեր, կին, երեխայ... Էդքանին հաց կը
հասնի. մի օրուայ, չորս օրուայ, ճանապարհ է.
Թշնամին հարիւր հազար, երկու հարիւր հազար
է. որտեղ փախչել, ինչպէս փախչել. — մրմնջում
էին նրանք ու զողացող երեխաներին կրճքներին
սեղմում:

Բայց և այնպէս մի խմբակ, տասնուչորս հո-

գուց բաղկացած, լոյս յուլիս 1-ի գիշերը կարո-
ղանում է դուրս գալ քաղաքից ու լեռնուղինե-
րով խփել, անցնել Սասուն, տեսնելու համար,
թէ այնտեղ ինչ կայ: Նրանց դուրս գալն էլ ան-
նկատելի չի մնում. Մշից մի ժամուայ ճանա-
պարհ չհեռացած՝ նկատում են առաջին շղթայի
անբուն հսկող պահակներից, հրացանածգութիւն
է տեղի ունենում, երկու կողմերի համար ան-
վնաս, բայց կոտորած որոճացողների աչքերը
«բացուում են» և նրանք տեսնում են, որ հայերը
կարողանում են օղակից դուրս թռչել. ուստի,
որպէսզի նրանց ցոյց տան, թէ ամեն ինչ հան-
գիստ է, առաւօտեան լուսաբացին ձայն են տա-
րածում, թէ՛ ընդհարումը տեղի է ունեցել երկու
պահակախմբերի մէջ, որ դէմ առ դէմ ենելով՝
թիւրիմացութեամբ հրացան են բացել իրար վրայ,
և, փառք Ալլահին, անվնաս: Ապա ուրեմն՝ «ժո-
ղովուրդը» թող չանհանգստանայ:

Եւ երբ ժողովուրդը «հանգստանում է», կծկը-
ւում, կուչ է գալիս, շունչ քաշել անգամ վա-
խենարով, միւթէսարիֆը հրամայում է՝ — անմի-
ջապէս, առանց վայրկեան անգամ կորցնելու՝
դնալ, արձանագրուել ու ճանապարհ ընկնել: Իսկ
արձանագրելը նրա համար էր, որպէսզի յետոյ
կարողանային ստուգել, թէ՛ բոլորին արդեօք
«գողթեցրին», թէ՛ պահուողներ, խուսափողներ
շատ մնացին, և ովքեր:

Նրանք, որքան մեռնեին արդէն աչքի տակ էին առել, թուլացած ոտքերով գնում են դէպի ցուցակագրման տեղը, և այդպիսով կամովին գնացողների թիւը հասնում է մօտ 600 հոգու, որոնց անունները գրելուց յետոյ՝ հեռացնում են: Միևնոյն ժամանակ էլ զարթիւններն ու զինուորների մի մասը փողոցներն ընկած՝ վրայ են պրծնում, պատահած հային բռնում և ուղարկում՝ ցուցակ մտցնելու. — մի հրէշային որսորդութիւն՝ աչքից հեռու, անզէն, անպաշտպան հայերի յետևից: — Այդ ձևով բռնում են դարձեալ 6-700 հոգի, Վարդան Վարդապետն էլ հետը, որոնցով այդ օրը ցուցակագրածների թիւը հասնում է մօտ 1300-ի, մի «պարտիա», որ կարելի էր ճանապարհել դէպի Ուրֆա:

Այդպէս էլ ասում են. — այս գիշեր սրանց կուղարկենք նշանակուած տեղը, իսկ վաղը՝ դաշտի և քաղաքի բոլոր հայերին:

Պէտք է խոստովանուել, որ կառավարութեան ներկայացուցիչները կատարում են իրանց խօսքը. հէնց այդ գիշեր 1300 հոգուց բաղկացած հայերի առաջին խումբը հանում են Մուշից, ուղարկում Խաս-գիւղ, Մշեցի թուրք ծնբաշի Մլօյին պատուիրելով իսկոյն և եթ կատարել առաջուց իրան տրուած հրահանգը. և ծնբաշին, մագործի ամենայն հմտութեամբ՝ բոլորին հաւաքելով մի տեղ, բաց է թողնում նրանց վրայ

բորենիների մի վոնմակ, որոնք սրերով յօշոտում, խողխողում են ամենքին...

Հէնց այդ գիշերն էլ, երբ 1300 հոգիանոց հայկական նահատակների խումբը Մշից դէպի զենման տեղն էին ուղարկում, աներևոյթ ճանապարհներով քաղաքը լուր հասաւ, որ միաժամանակ դաշտի բոլոր 102 հայ գիւղերում զարհուրելի կոտորած է սկսուել, արիւնը գետերի պէս հոսում, մի գիւղ կոտորելուց՝ միւս գիւղը տեղեկութիւն չի ունենում, այնքան արագութեամբ ու թափով է իջնում հարուածը, և այնքան սեղմ են տաճկաքրդական օղակներն ամեն կողմերում:

Այժմ եթէ կային հատ ու կէնտ յուսացողներ, թէ իրանց պէտք է միայն գաղթեցնեն, էլ տեսան, որ գաղթեցնելու մասին խօսք չի կարող լինել, այլ՝ վճռել են բնաջնջել: Եւ ամբողջ քաղաքը սարսափահար սպասում էր լուսանալուն:

Ու լուսացաւ. լուսացաւ յուլիսի 2-ը, — Մշոյ դաշտի ու քաղաքի այդ անիծուած, այդ սուկումներով լի օրը:

V

Յուլիսի 2-ին, առաւօտեան վաղ, տրուած ազդանշանով, քրդեր, տաճիկներ ու զօրքեր լրջ-

ւում են քաղաք ու միմեանց թե տալով՝ հարայ-
հրոցով, վայրենի աղաղակներով դիմում դէպի
հայկական թաղերը: Մշոյ երկիրքը թանձրանում
է այդ գոռոցներից ու կոտորածի ենթակայ ժո-
ղովուրդի վայ ու վայնասունից: բայց սպանու-
թ լաները դեռ հառ ու կէնա էին, որովհետև
հայերը տեսնելով, որ իրանց պէտք է կոտորեն,
ինքնապաճախման միակ հնարաւոր միջոցն էին
ձեռք առել, այսինքն՝ աւելի ծայրերից հաւաք-
ւել էին դէպի կենտրոնական մասերը, «ապա-
հով» աներում համախմբուել, այնպէս որ, մի
սենեակում, որտեղ սովորական կերպով 10—12
մարդ կարող էր տեղաւորուել, այժմ հաւաք-
ւել ու սեղմուել էին 40—50 հոգի. առն կար,
ուր եկել շաղաստանել էին այդ տան բոլոր ազ-
գականներն ու բարեկամները, և նրանց թիւը
երբեմն հասնում էր 100—120-ի. և այդ նա-
խագգուշութիւնը ձեռք առնելուց յետոյ, դռնե-
րը ներսից պինդ պնդացրել էին փականներով
ու նիզերով...

Բայց ահա ոռնոցներն աւելի կատաղի ու
բարձր են հնչում, հրացանների ձայներն աւելի
յաճախ են լսում, միևնոյն ժամանակ էլ՝ յա-
տուկ նպատակի համար պատուիրած կարճակոթ
կացիներով զինուած խմբերն են առաջ անց-
նում, և նրանց հարուածների տակ սկսում են
ձոճուալ ու ձեղբուել հայերի պնդացրած դռնե-

րը, որին անմիջապէս հետևում են մորթուող
կանանց, երեխաների ու մարդկանց բառաչիւն-
ները... և քանի անցնում է ժամանակը, այն-
քան էլ զարհուրելի են դառնում մայրերի ու
երեխաների աղիողորմ ճիչերն ու անօրէն մար-
դասպանների խրախուսական բացականչութիւն-
ները: Տնքում է Մուշը հարուածների տակ, ա-
րեան տաք գոլորշին դէպի երկիրք է բարձրա-
նում, փողոցներն են լպրծուն դառնում առա-
տաբար հոսող արեան վտակներից և դիակներ
են գիզում տների շէմքերում...

— Վնւր*), — թնգում են տաճիկների ձայ-
ները:

— Լէխը*), — տարածւում են քրդերի գո-
ռոցները:

Չարդում են առաջին պատահած տան դռ-
ները, և արեան համն առած գայլերի նման՝
խմբերից մէկը՝ արիւնը վրայից կաթելիս կա-
ցիններն ու սրերը ձեռներին՝ ներս են խու-
ժում: Այդտեղ ապաստանածներն—40, 60, 70
հոգի շնչարգել լինելու չափ միմեանց վրայ
սեղմուած՝ գայլերին տեսնելով՝ բռնուած կեն-
դանական սարսափով, իրար են անցնում, իրար
հրհրում, արանք բաց անելու, մի տեղ «ծած-
կուելու»... և մահամերձի այդ օրհասական գայա-
բումների մէջ կոխկռաւում, ոտների տակ ոս-

*) Չարկիր:

կորներն են ճրթճրթում դժբախտ հայ մանուկներին... բառաչում են մայրերը, ծկլթում կոյսերը, ճչում երեխաները, իսկ միւս կողմից՝ կացինների բութ թրխկոցներն են տարածում, և ամեն մի թրխկոցին՝ հետևում է մի կարճ տընքոց ու վայ... Մայրերից մէկն ու մէկը, մեռելատիպ գէմքով, գողացող ձեռներով պոկում է անից կրծքին դրօշմած, զարհուրանքից ձայնը կտրուած երեխին, ու՝—տար, քեզ լինի, բայց մի սպանիր,—կանչում ու մեկնում դահճին. սակայն դահիճը վերցնում է մանկանը, դնում ոտի տակ, կացնով մորթում, ապա նոյն կացնով՝ մօր գանգը շախշախում... Եւ մի տանն րոպէ յետոյ, ամբողջ սենեակում էլ ոչ խուխրոց կայ, ոչ ձայն, ոչ ծպտուն և ոչ գազան, այլ 60—70 դիակներից բաղկացած մի կոյտ՝ փշրուած գլուխներով, յօշօտուած կրծքներով...

Ինչեր, ինչեր չկատարուեցին այդ օրը Մուշում և շրջակայքում. մեր պատմագիրների արիւն սառեցնող, հոգի պատառող նկարագրութիւնները արաբների, սելջուկների, մօնղոլների աւերածութիւնների մասին, նսեմանում, դալկանում են քուրդ-տաճկական բորենիների ձեռքով կատարածների առաջ:

Ահա վեց տարեկան մի երեխայ. բոլորը փախել են ներսի թաղերից մէկը, բայց ինքը դուրսն է մնացել. խուճապի ժամանակ նրա բա-

ցակայութիւնը մերձաւորները չեն նկատել. և երեխան մնացել է փողոցում, սակայն բնագլխով մամբ մտել է մի խոռոչ ու տապ կացել: Այդտեղով անցնում են 10—15 հոգուց բաղկացած մի խումբ զինուորներ. նրանցից մէկը նկատում է երեխին, ձեռքը մեկնում է նրան գուրս քաշելու, բայց չի հասնում: Քնքոյշ ձայնով կանչում է, որ դուրս գայ, սակայն երեխան ճշարով աւելի է սեղմւում խոռոչի պատին. և զինուորը բարկացած՝ ուժեղ թափով մեկնում է հրացանը, սուխնով շամփրում երեխային ու դուրս բերելով՝ հրացանը դնում ուսին, իսկ երեխան սուխնի վրայից թէև վիզը կախել է, սակայն ոտներն ու ձեռները դեռ շղաճաբար ցնցւում են օդում, քրքիջ պատճառելով տեսնող քրդերին...

Ահա մի աղջիկ, 15—16 տարեկան. նա քարացել է. ոչինչ չի տեսնում, ոչինչ չի լսում, ոչինչ չի զգում. այլ հէնց էնպէս սառել ու մնացել է կանգնած, մէջքը յեռած պատին. և թէև շունչ կայ մէջը, իսկ երեսին մահուան գոյնն է նստել, բայց զիմագծերը նրա գեղեցկութիւնն են մատնում: Մի քանի քրդեր դէպի նրան են վազում. ով շուտ հասաւ, խօսքը նրանն է, որսն իրան է պատկանում: Մէկը հասնում է ու բռնում. սակայն ներքևից վրայ է պրծնում մի աւելի կատաղած քուրդ ու գոռում:

— Վիա եմբնը. քոն դա դբի:*)

Եւ աշխատում են միմեանց ձեռքից խել: Գաշքըում են կոյսին, շորերը պատուտում, մարմինը ծուլատում, մատները ջարդում, մինչև որ վերջապէս՝ մնում է աւելի բախտաւորի ձեռքին: Իսկ «բախտաւորը» բռնաբարում է ուշագնաց աղջկան, ապա սպանում... Էլ ինչո՞ւ պահի. նա հաշմանդամ է, մատները ջարդուած:

Ահն երեսունաչափ... բայց ի՞նչ շարունակել. միթէ հնար կայ Մուշ կատարուած հրէշալին խրախճանի նկարագրութիւնը տալ՝ իր բոլոր մանրամասնութիւններով. — «Մուր եղեալ անօրինացն՝ կոտորեցին զմայր առ մանկամբ և զօրդի առաջի հօր. և առ ժամայն եղև քաղաքն բարեշէն՝ գուբ արեան»:

Ճիշտ այդպէս, ինչպէս Լաստիվերտցին է առում, բարեշէն Մուշը՝ արեան գուբ զարձաւ, սակայն այդ արեան ծովերում չխեղդելով մարդկութեան պատուհաս դահիճներին:

Մահասարսուռ հարուածից մի քիչ ուշաբերուելով՝ քաղաքում գտնուող երիասարդներից ոմանք այլևս աւերորդ են գտնում «խոհեմաբար» լուին ու վճռում են ո՛չ թէ մորթուել, այլ՝ մեռնել պատուով: Յայտնի Հաջին (Կոտոյեանց Յակոբ) կարողանում է հրաջքով մի վաթսուն հոգի իրանց զէնքերով շուրջը հաւաքել և

*) Դա իմն է. ո՞ւր ես տանում:

նրանց կենարոնացնել վեց դիրքերում, — չորսը Չորի թաղում, երկուսը՝ Վերին թաղում, այժմ մի դիրքում՝ տասնական հոգի:

Հէնց որ հայերի դիրքերից դանազան ուղղութեամբ բացւում են հրացանները, և փողոցների այս ու այն կողմերում, հայերի դիակները կողքին քուրդ ու տաճիկներ էլ են փուլում, իսկոյն և եթ թշնամու մէջ խուճապ է ընկնում: Նրանք կարծում են, որ լեռներից հայերն են իջել օգնութեան և քաղաքում թագնուած ուժեր են եղել, որ այժմ հանդէս են իջել: Սակայն այդ «թիւրիմացութիւնը» պարզում է շուտով. տեսնում են, որ մի քանի տեղերից է միայն մի քանի հրացան բացւում. բայց և այնպէս՝ դարձեալ սիրտ չեն անում նախկին յանդգնութեամբ առաջ նետուելու, մինչդեռ նահատակուող ժողովրդի սիրտն սկսում է ջերմ-ջերմ բաբախել ու մխիթարուել, որ իրանց կողմից ևս վառօդ են ծխում, ու գտնուեցան ջերմեռանդներ, որ հայերի կողմից հրացանը բացուելուց, կարծես զանգակի ձայն լսած՝ երեսնին էին խաչակնքում:

Բայց 60 հրացանն ի՞նչ կարող էր անել 60, 100,000 վինուած քիւրդերի, զօրքերի զէմ... Կոտորածի այդ փոքրիկ զանգաղումը տեսնելով՝ հրաման է տրւում անմիջապէս զօրծի գնել թնդանօթները, և մի քանի բոպէից յետոյ, զանազան կողմերից թնդանօթների խլացուցիչ բոմբիւններն են տարածուում, ու հայկական թաղե-

րում դարձեալ դժողքն է տիրում աւելի արհաւ-
րալից, աւելի սոսկալի: Միևնոյն ժամանակ էլ
կանոնաւոր զօրքերն են ռազմական կարգ ու
կանոնով դիրքեր գրաւում թիւրքերի գերեզմա-
նատանը, Փոթկաց պարտիզում, Բերդի թաղում
և էլի ուրիշ շատ յարմար կէտերում ու սկսում
գնդակների տարափ տեղալ աշխարհից ու եր-
կնքից մոռացուած հայերի գլխին:

Եւ ընդհանուր գազանացման այդ անիրաւ
րոպէին՝ տաճիկ կանայք ևս աշխատանքի են կանդ-
նում, նրանք փողոցների ծայրերում տապ կա-
ցած՝ երբեմն խմբակներով դուրս են պրծնում,
բռնում ընկած հայ կանանց ոտներից ու քաշում
դէպի աւելի ապահով անկիւն, նրանց կողոպտե-
լու, եղած ոսկիները թալանելու... հայերի դիր-
քերից մի քանի գնդակ են ուղղում դէպի այդ
կողմերը. և այն ժամանակ, երբ հայ երեխա-
ների ու կանանց մղկտոցը օդում էր ծաւալ-
ւում և հայ ժողովուրդը ոչխարի հօտի պէս էր
մորթւում, դիրքերից մէկից Հաջի Յակոբի
ձայնն է թնդում:

— Նամարդ չլինիք. կանանց վրայ հրացան
մի բանաք. կին սպանելը՝ թուրքի, քրդի գործ է:

Սակայն Հաջու այդ ասպետութիւնը շատ էլ
չի ազդում ընկերների վրայ, նրանք փողոցի
ծայրերում զարկում են մի քանխախն, և զրսնով

էլ վերջանում է թուրք կանանց «վաստակա-
բեր» գործը:

Սկզբում մէկ-մէկ, ապա հետզհետէ զանա-
զան կողմերից՝ թանձր ծխի քուլաներն են սկը-
սում բարձրանալ երկինք, վառուող տներից տա-
րածւում են խորովուող, ողջ-ողջ այրուող հայե-
րի մղկտոցները, մէկն ու մէկը կարողանում է
դուրս թռչել բոցերից ու խելագարի պէս՝ վա-
զել դէպի գետը. բայց նրան ճանկում են ճա-
նապարհին ու վայրենի քրքիջներով կամ նաւթ
թափում գլխին ու վառում, կամ մի ուրիշ հըր-
դեհուած տան բոցերի մէջ նետում: Թնդանթ-
ներն աւելի ու աւելի կատաղի կերպով են ըս-
կսում գործել, տներ կործանել՝ փլատակների
տակ թողնելով այնտեղ կծկուածներին...

Այդ սանձագերծ փոթորկի առաջ ինչ կա-
րող էին անել վաթսունաչափ կռուողները. ճիշտ
է, տապալում են մի 2—300 բորենիներ, բայց
տասնեակ հազարներից մի քանի հարիւր խլելով՝
ինչ թեթևութիւն կարող էր առաջանալ թշուառ
հայերի կացութեան մէջ...

Հաջի Յակոբի 14 տարեկան տղան, մի փոք-
րիկ վեցնոց ատրճանակ ձեռքին՝ նոյնպէս կըռ-
ւում է. բայց գնդակները չեն հասնում թշնա-
մուն, և նա մի ազնիւ մղումով դուրս է թռչում
դիրքից ու դէպի տաճիկները վազում:

— Ո՛ւր ես գնում, տղայ, — սարսափած

կանչում են դիրքից:

— Գնդակս չի հասնում. մի քիչ մօտենամ, որ հասնի.— պատասխանում է պատանին ու թշնամու գնդակների տարափի տակ՝ առաջ վազում:

Այդպիսի յուսահատական խիզախումներ կռուողների կողմից մի քանի անգամ է լինում. բայց միևնոյն է՝ վախճանը պարզ էր... Լքուած ժողովրդին մի քիչ յուսադրելու համար Հաջի Յակոբը ձայն է տարածում, թէ՛ — աղամարդ կացէք. անհ Սասունից լուր եկաւ, որ մեր ընկերները լսել են մեր դրութեան մասին ու Սասունից օգնութեան են իջնում:

Յուլիսի 2-ն անցաւ. տիրեց մի սոսկումնեւրով լի դիշեր. ամեն անկիւններից որդեկորոյս մայրերի ծվվոցներն էին թնդում գիշերային մթութեան միջից, վիրաւորների վայոցները թանձրացնում օդը, իսկ սոված, սարսափահար երեխաները վախեցած՝ հեկեկում էին ու անմեղ աչքերով՝ կենդանի մնացած ծեր ու պառաւանքի երեսներին նայում՝ իրանց մանկական հոգով այնտեղից մի բան, ուրախացնող մի բան գուշակելու...

VI

Լուսացաւ: Բացուեց յուլիսի 3-ի առաւօտը: Արեգակի առաջին շողերի հետ՝ մագործների

վոհմակները զինուած կացիններով, թրերով, հրացաններով, կամ մի որ և է ուրիշ հատու գործիքով՝ վայրենի աղաղակներով գործի են կանգնում, երէկուայ կիսատն այսօր լքացնելու. միւս կողմից էլ թնդանօթներն են սկսում որոտալ, այս անգամ հարուածների թափը կենսորոնացնելով հայկական վերին թաղի վրայ:

Հեռագհեաէ փլում են թաղի ծայրում գրանուող տները, ապա նրանց յետեւինը, և այդպէս յաջորդաբար՝ տները մէկ-մէկ փլատակների են վերածւում, միևնոյն ժամանակ էլ հրդեհն է սկսում լափել ամբողջ մնացած բնակարանները:

Մէկը երեխան կորցրած, մէկը՝ կնոջը, միւսը հօրը, չորրորդը եղբօրը, իրարից կտրուած, սրածուծից ազատուած հայերը խելակորոյս գուրս են վազում քարուքանդ եղած թաղից ու վազում դէպի Չորոյ թաղը, իրանք էլ չիմանալով, թէ ինչո՞ւ են այնտեղ գնում. միթէ այնտեղ չի հասնելու տաճկի կացինը, թնդանօթի ուումբը... Սակայն այդ «ազատուածներից» քչերն են տեղ հասնում. բաց փողոցներում նրանք սրախողխող են լինում հետապնդող զօրք ու քրդերից:

Վերին թաղը հիմնայատակ կործանելուց յետոյ, ուշադրութիւննին դարձնում են Բրուտի թաղին: Դարձեալ թնդանօթների ուումբեր, հազարաւոր հրացանների համազարկեր, կացինների

հարուածներէից փշրուող դռներ, մորթուողներէի խոխոցներ... կրակ ու բոց...

Ո՛չ մի երևակայութեամբ ներկայացնել հայերի դրութիւնն այդ բոլորէն՝ չի կարելի: — Եղբայրը տեսնում է, որ իրանից երկու քայլ հեռու՝ քուրդը բռնել է իր քրոջն ու տանում է, բայց ձեռք մեկնել չի կարող: Մարդը տեսնում է, որ մի ուրիշ գարշելին քարշ է տալիս իր սիրած կնոջը դէպի մի ուրիշ կողմ, կինը ճշում է, ծվծվում, ծկլթում, հաւաք կանչում, իսկ ինքը՝ ամուսինը օգնութիւն հասցնելու ոչ մի հնար չունի... Որդին տեսնում է, որ ահա գազանի մէկը բռնել է իր մօր ծամերից, իսկ միւսը փոքրիկ դաշոյնով գանդադօրէն կըտրտում է նրա ծծերը... տեսնում է, բայց երկու պատերի մէջ սեղմուած, միմեանց կոխկրտաող ամբօխի միջից չի կարողանում նոյնիսկ մի քայլ առաջ անցնել, որ մօտենայ, գոնէ մի անգամ «մայրիկ» կանչէ ու ինքն էլ դիակնանայ մօր կողքին... Տեսնում է մայրը, որ որդուն բռնել են, տապալել գետնին ու մորթել են ուզում, ուժերի գերագոյն թափով թռչում է պատի գլխից, տեղացող գնդակներից անվնաս՝ հասնում, բռնում թշնամուն, չանկոտում է նրա երեսը, կծոտում կռները, բայց յաջորդ բոլորէն՝ բռնում են յետևից, ձեռները պահում, ապա դաշոյնի կոթով կոտրատում առամները, գլորում

գետին և մայր ու որդի գլուխ-գլխի դնելով՝ քարերով փշրում...

Երուտի թաղն էլ փլատակների ու շեռուցած հնոցի վերածելուց յետոյ, թնդանօթները, ամբօխն ու զօրքերը դարձան դէպի Ս. Մայրենի (Սմարենի) թաղը և ինչէր կատարուեցին այնտեղ, անկարելի է պատմել...

Հայերը տեսնելով, որ 60 հրացանը միկնոյն է թէ՛ չկայ, և որ ոչ գետինն է պատուում ու իրանց կուլ տալիս այդ տանջանքների հետ միասին, ոչ էլ երկինքն է իրանց ձայնը լսում, թշնամու ձեռքից չխողխողուելու համար՝ դիմեցին ինքնաջնջման...

Այդպէս, Մշոյ մէջ յայտնի՝ Սինօյեանց Տիգրան անունով մէկը հաւաքում է իրանց տան բոլոր անդամներին, կանանց, երեխաներին ու ազգականներին, թւով մօտ 50 հոգի և բոլորին թոյն բաժանում, որ խմեն ու ազատեն... Տեղի է ունենում մի գարգանդուն, սրտաճմլիկ տեսարան... երեխաներն զգում են, որ պիտի մեռնեն, ու դողում են, սրթսրթում, չեն իշխում այդ կեանքի թել կտրող դեղը բերաններն առնել. այլ մանուկ աչքերնին լայն բաց արած՝ մեծերին են նայում այնպիսի հայեացքով, որ կարծես հազարաւոր ասեղներ են խրում դիմացինի սրտի մէջ... Սակայն ի՞նչ օգուտ. պիտի մեռնեն: Երեխաների տանջանքները տեսնելով՝ մօտենում

են նրանց մայրերը. — խմիր, բալն-ջան, խմիր, քեզ մատաղ. մի վախենար. — խրախուսում են նրանք, և երեխաների գողգոշուն ձեռներից բռնելով՝ թոյնը խմացնում, ապա կուլ տալիս իրանց բաժինը...

Մի քանի ըոպէից յետոյ՝ յատակին փռուած են մնում 70 հոգի, որոնցից մի քանիսը դեռ ցնցումներ էին գործում կեանքից բաժանուելու վերջին ըոպէին...

Իսկ Մինոյեան Տիգրանը համոզուելով, որ էլ ոչ ոք կենդանի չի մնացել, վառում է տունը՝ մերձաւորներին հայրենի մոխրի տակ թաղելու, ապա մի գնդակ էլ սրտին ուղղելով՝ ընկնում տան շէմքում...

Ուրիշ ընտանիքներ հաւաքուելով միասին՝ տունն էին վառում և իրանք ողջ-ողջ այնտեղ խորովում...

Եւ քանի-քանի այդպիսի հոգեսարսուռ դէպքեր պատահեցին ամենքից մոռացուած Մուշում. քանի-քանի ամուսիններ իրանց գեղեցիկ կանանց գնդակահարեցին, տաճկական հարէմներից նրանց փրկելու համար, և քանի-քանի հայրեր իրանց երեխաներին «ազատեցին» իրանց ձեռքով՝ քուրդ-տաճկական կացնից ու գնդակից. և մինչդեռ հայերի արիւնը վտակներով էր հոսում, Ամերիկան՝ գերմանացիների ձեռքով խորտակուած «Արաբիկի» համար էր շանթեր

նետում, միւս չէզոք պետութիւններն էլ բաղկալի սչեօակէն առաջները դրած՝ հատիկներն էին չրխկացնում, թէ այս պատերազմից ինչքան շահ կրմնայ իրանց խանութի «գախոււած»...

Մի օրհասական գրոհի ժամանակ՝ ընկնում է Հաջի-Յակոբը, բայց մնացած կռուողները չեն ընկճում և դէն զցում հրացաններն՝ — անօգուտ է — ստելով. այլ աւելի կատաղաբար են սկսում զարկել, ոչ թէ յաղթելու, ժողովրդին ազատելու համար, ոչ, այդ մասին մտածելն աւելորդ էր, — այլ՝ ըստ կարելւոյն շատ զազաններ սպանելու, շատ գայլեր ոչնչացնելու, մի փոքրիկ միխթարութիւն՝ իրենց վառուած, դադուած սրբտերի համար:

Մինչ այս, մինչ այն՝ թնդանութներն ու դժոխացած, զինուած ամբոխն իրանց գործն են տեսնում վառելով, կոտորելով, ջարդելով՝ հայերին բոլոր թաղերից դուրս են քշում ու բերում, դեռևս համեմատաբար անվնաս մնացած Չորի թաղում սեղմում. այդ թաղում արդէն վերջանում է քաղաքը, ուղիղ գետի ափին, որ սրնթաց անցնում է Չորի թաղի առաջով, ձորի միջից, հանդիպակաց ժայռոտ լեռան ստորոտով:

Եթէ այդ թաղն էլ փոշի ու մոխիր դառնար, էլ որտե՞ղ պէտք է պատասպարուէր ժողովուրդը: Չարմանալի բան. հայերը պարզ տեսնում էին, որ փրկութիւն չկայ. այսօր չլինի, վա-

ղը վերջանալու են, և ոչ մի տուն, ոչ մի թաղ, ոչ մի պատնէշ այլ ևս մահուան առաջն ատեն չի կարող. բայց և այնպէս՝ կառչում էին ամեն մի բանից, որ մի բոպէով, մի ժամով կարող էր իրանց կեանքը երկարացնել, վերջին վայրկեանին անգամ այն յոյսը փայտայելով, որ կարող է հրաշք պատահել. — Մասունը կը գայ օգնութեան, ուստի ևս բանակը կը համնի, երկընքից ուժեր կիջնեն... Եւ Չորի թաղում 10—12,000 հոգի մեծ ու փոքր, կին ու երեխայ միմեանց վրայ թափուած՝ բռնել էին փողոցի մի ծայրից միւսը, սպասելով միմեանուն՝ թէ մի լոյս չի՞ ծագի հետեւալ օրը:

Միմեանց յուլիսի 3-ը. բայց միութիւնն օգուտ չբերաւ, քանի որ վառուած տները արևի պէս լուսաւորում էին չորս կողմն ու թշնամին բոլոր անկիւններից կրակ էր թափում այն կէտերի վրայ, որտեղ հայերն էին համախմբուել: Սակայն չեն իշխում ցերեկուայ վստահութեամբ մօտենալ աներին՝ վախենալով, թէ հայերը մի բան սարքած կը լինին: Այդպէս անցնում է, մինչև բացուում է յուլիսի 4-ը:

Այդ օրը ոմբակոծութիւնը, քրդերի կատաղութիւնը, զօրքերի համազարկերը ծայրայեղութեան են հասնում, բայց կատաղութեան ամենավերջին աստիճանին է հասնում և՛ մի բռնն հայ կռուողների խիզախման թափը. նրանք կրակ

ու բոց զարձած՝ տասնեակներով ու հարիւրներով են գլորում զարշելի թշնամուց. սակայն գրանով հայերի սարսափելի դրութեան մէջ ոչ մի դիւրութիւն չի առաջանում, որովհետև մի սպանուած քրդի տեղ հազարներ են ծառանում, մի արձակած զնդակի փոխարէն՝ հազարներ ըստանում հակառակ կողմից:

Թնդանօթների հարուածների տակ՝ Չորի թաղի տներն էլ միմեանց յետևից քարուքանդ են լինում, և այնտեղ ապաստանածները մնում են փողոցներում, զնդակների տարափի տակ:

Կոտորուածը կոտորում է, իսկ մնացածը, հէնց որ մութն ընկնում է, հաւաքւում են թաղի մի ծայրը և ով գեռ կարողութիւն ունէր մտածելու՝ մի կերպ գտնում են միմեանց ու վճռում — ժողովրդով անցնել գետն ու գնալ, բարձրանալ սարը, այնտեղից էլ շարունակել գնալ: Դէպի ուր... իրանք էլ չգիտէին... գնալ, թող լինի, ինչ որ գրուած է ձակատներին: Ոմանք էլ յուսադրում էին, թէ՛ կը բարձրանանք Մասուն, մի-երկու ամիս այնտեղ կը մնանք լեռներում, թերևս մինչև այդ մի արև ծագի:

Եւ այդպէս, յուլիսի 4-ի լոյս 5-ի գիշերը որոշում են հեռանալ Մուշից:

Երբ այդ որոշումը հասնում է ժողովրդին, տիրում է մի վերին աստիճանի շղային դրութիւն. ամենքն աշխատում են ըստ կարելոյն

մօտիկ լինել գետափին, որպէս զի երևելու նը-
շանը տրուելուց՝ իսկոյն միւս ամին անցնեն: Իսկ
երբ հրացանաւորներն առաջ են անցնում ճա-
նապարհը փոքր ինչ հետագօտելու, ամբօխը
կարծում է, թէ նրանք արդէն թողնում են
Մուշը, և այդ բոպէից առաջանում է մի սոս-
կալի քաօս. ինչպէս ոչխարի հօտը մի որևէ բա-
նից խրտնած, սարսափած՝ դուռալով մի կողմ է
շարտուում խելապատառ, նոյնպէս և բազմահա-
զար ժողովուրդը, զիշերուայ ժամը 11-ին դէ-
պի գետն է շարտուում, միւս ամին անցնելու,
այնտեղից էլ՝ զիմացի կողու գլուխ կոչուող ժայ-
ռոտ սարը երևելու համար:

Մուշը վառուում էր և հսկայական բոցերը
լուսաւորում էին չորս կողմը 8—10 վերստ տա-
րածութեամբ. պարզ է, որ մի այդպիսի ուժեղ
լոյսի տակ արիւնարբունները լաւ կըտեսնէին, թէ
ինչ է կատարում Չորի թաղում, և նրանք տե-
սան, թէ ինչպէս հայերը դէպի գետն են վա-
զում:

Քուրդ ու տաճիկները բռնած Չորի թաղի
փողոցի երկու ծայրերը, իրանց հրացանները
բռնում են խուճապացած ամբօխի շարքերին...
Մոնչում են լեռները սոսկալի ցաւից. ունում է
տամնեակ հազարաւոր ամբօխը գնդակների տա-
րափից, մարդիկ գլխապատառ՝ գլորում են մի-
մեանց, կոխկռտուում են երեխաները, հեծեծուում

մայրերը... Շփոթ, իրարանցում, դժոխք...

Շատ մայրեր տեսնելով, որ գետն իրան-
ցից երկու քայլ է միայն հեռու, բայց չեն
կարողանում մարդկային պատնէշում արանք
բաց անել ու թռչել գետը, իրանց երեխա-
ներին մարդկանց գլխների վրայով շարտում են
ջրի մէջ, յուսալով, որ գուցէ նրանց այնտեղ կը
բռնեն ու միւս ամի հանեն, իսկ իրանք ուշա-
թափ ցած գլորուում, արորուելով ու փշրուելով
ոտների տակ:

Հեազհետէ սրբնՅաց գետակը ցոյց է տա-
լիս իր շնորհքը.—բազմաթիւ դիակներ թոյլ էակ-
ների՝ կանանց ու երեխաների, սկսում են լո-
ղալ գետի երեսին, ազատուելով վերջապէս այս
անիրաւ աշխարհից, որտեղ ապրելու իրաւունքը
միայն գազաններին ու լրբերին է տրուած...
Խեղդուում է և փոքրիկ հերոսը, Հաջի-Յակոբի
14 տարեկան տղան:

Երեք ժամ է տևում գետից անցնելը. իսկ
այդ երեք ժամում բախտից հալածուածները
տիեզերքի ամբողջ զարհուրանքներն են կրում
իրանց վրայ: Որը ոտների տակ է շունչը փշում,
որը հէնց գետի մէջ գնդակահարուում, որը կի-
սամեռ, ծանր վիրաւոր՝ միւս ամիին մնում, իսկ
մնացած մասը թուով 5—6 հազար, զիշերուայ
ժամը 2-ին դուրս գալով Մշոյ ձորից, դիմում
է դէպի սար...

Լոյսը բացուելուց՝ մահմեդական խուժանը

ծակուծուկերն է մանուկ, և քաղաքում ու գետափում բոլոր թագնուածներին ու վիրաւորներին ի մի հաւաքելով, դարսում միմեանց վշայ ու մի հսկայական խարոյկ կազմելով՝ վառում, իբրև վերջաբան իրանց փառաւոր գործի...

Թողնենք առայժմ Մշոյ տարաբախտ հայերին դէպի սարը դիմելիս, իսկ մենք անցնենք Սասնոյ լեռները, մի տեսնենք, թէ՛ այնտեղ ինչպիսի արեան խրախճան կատարեցին զիշակերները:

VII

Սասունը հեշտ կուլ տալու պատառ չէր. դրա մէջ անցեալի փորձերով էր համոզուած տաճիկ կառավարութիւնը. և նա իր ախտաժէտ ուղեղում հայի բնաջնջումը գուրգուրելով, այնուամենայնիւ, որքան էլ պայմանները նպաստաւոր, զգում էր, որ «գործը» Սասունում մեծ դժուարութիւնների պիտի հանդիպի: Այդ պատճառով իր արիւնտա թաթը համարձակօրէն դէպի հայկական միւս վայրերը մեկնելով՝ Սասնոյ առաջ ճանկերը ներս էր հաւաքել ու մէկ-մէկ էլ սիրալիր ժպիտներ ուղարկում Գաբլօրի, Անտօքի փէշերին թառած արծիւներին:

Բայց այդպիսի խայտառակ երկերեսութիւն

մի վճռական խնդրում, ինչպիսին էր հայերին ոչնչացնելու բաղձանքը, այնքան էլ ձեռնտու չէր Իլդիզի ճիւղին, և կառավարութեան «իմաստուն» հրահանգներով տեղական պաշտօնեաները կամաց-կամաց սկսում են հող պատրաստել՝ Սասնոյ հաշիւը մաքրելու:

Քայլերը հեռուից սկսեցին. քայլեր, որ Մշոյ սև օրերը պատրաստելով՝ միևնոյն ժամանակ էլ փոթորկալից ամպեր հաւաքեցին Հայկական Տարուսի երկնքում:

Հսկայ լեռներին ապաւինած՝ հսկարտ Սասունցին կարողացել էր ցոյց տալ աւազակաբարոյ հարևան քրդերին ու տաճիկ կառավարութեանը, որ վտանգի բոպէին ինքը գիտէ իր իրաւունքներն ու պատիւը պաշտպանել. ուստի, պատերազմի սկզբում, շրջակայ քրդերն սկսեցին սողալ հայերի առաջ, օձի լեզու հանել, որ իրանք մի հողի եղբայրներ են, պատերազմն ինչ վախճան էլ ունենայ, իրանց մէջ թշնամական ոչինչ չպիտի ծագի և յարաբերութիւններն բարեկամական պիտի մնան, իչպէս և առաջները:

Սասունցիք նոյնպէս հաւաստիացնում են հարևաններին, որ իրանք իսկապէս երբէք թրշնամական ոչինչ չեն ունեցել դէպի Տաճկաստանի «հողի եղբայրները», մանաւանդ այժմ, երբ պատերազմի հետևանք սով ու հիւանդութիւններից ազատուելու համար հարկաւոր է, որ ա-

մենքը ձեռք-ձեռքի տան ու միմեանց օգնեն ժողովրդական աղէտները ժամանակ:

Եւ այդպէս՝ մի առ ժամանակ դրութիւնը հանգիստ էր, թէև այդ հանգստութեան տակ մի կողմը ստէպ-ստէպ դէպի Սասունն էր գցում իր գայլային աչքերը յարմար բոպէին՝ անտառապատ լեռները հայկական արիւնով ներկելու, միւս կողմն էլ՝ զգուշաւոր հայեացքով՝ հարեանի քայլերն էր դիտում ու նրա աչքերի կասկածելի փայլից տխուր եզրակացութիւնների յանգում:

Կեղծ դրութիւնը կամաց-կամաց պարզոււմ է: Երբ ուստական զօրքերը տաճիկ բանակներին դուրս քշելով Կովկասի սահմաններից՝ սկսում են երևալ Հայկական բարձրավանդակի զանազան կողմերում, Թալաթի ու Էնվէրի կառավարութիւնն զգում է, որ հայերին ոչնչացնելու ծրագիրը կարող է ջուրն ընկնել, ուստ բանակն ու հայկական գնդերն սպասածից արագ կը հասնեն ու Հայաստանը կը վերցնեն՝ հայերով հանդերձ. մինչդեռ նրան հարկաւոր էր գտնէ Հայաստանը տալու դէպքում՝ տալ առանց հայերի: Արդ, այդպիսի ծրագիր ունենալուց յետոյ կարելի էր հանդուրժել Սասնոյ գոյութիւնը, իր մէջ ապրող կտրիճներով...

1915 թ. սկզբներում ձեռնաձուլիս են լինում գինաթափման այն շրջանների, որ հետու էին ընկած հայաշատ, կենտրոնական վայրերից,

շրջապատուած էին միանգամայն թշնամի տարրերով, և այնտեղ կատարուած անիրաւութիւնները ցնցող արձագանք տալ ամեն անկիւններում՝ չէին կարող: Հաւաքում են Սէլիվանի, Բշէրիկի, Միաֆարգինի և այլ հեռաւոր կողմերում գտնուող հայ գիւղերի եղած-չեղած գէնքերն ու գիւղացիների մի մասը կոտորում, միւս մասը բաժանում քրդերին, կամ գաղթեցնում, և այդ բոլորը տաճկական այնպիսի վարպետութեամբ, որ ուրիշ կողմերում ոչինչ չեն լսում, և եթէ լսում էլ են, ապա շատ ազօտ կերպով, այնպէս որ՝ շատերը չեն էլ ուզում հաւատալ, թէ այդպիսի գաղանութիւն ներկայ վտանգաւոր պայմաններում՝ կարող է տեղի ունենալ:

Մարտի սկզբներում, երբ ուստական գէնքի թափը երկար ժամանակ կանգ է առնում Հայկական ձախատում, տաճիկ կառավարութիւնը խուլ անկիւններում հայերի գլխին ամեն տեսակ «քաջագործութիւններ» կատարելուց յետոյ՝ իր նողկալի շօշափուկները փոքր առ փոքր տարածում է գէպի ուրիշ, աւելի հայաշատ տեղեր. մտնում են Ծովասար գաւառակն ու Ալրի գիւղից պահանջում՝ անմիջապէս բերել ու յանձնել ունեցած գէնքերին. գիւղացիք պատասխանում են, որ իրանք գինուած թշնամիներ չեն ու գէնք չունին. և մենակ այդ «չունինք» բառի համար՝ այնտեղ սպանում են 50 հոգի, իսկ Ա-

հարօնք գիւղում կախում են երեքին, սպանում մի կին, երկու երեխայ:

Այդ միջոցներում էլ կառավարութիւնը նոյն «փորձն» է անում Խիանք ու Խուլփի գաւառակներում, որ թէև քմահաճօրէն Գէնջի սանջակին են կպցրուած, բայց իրանց աշխարհագրական դիրքով ու հայաշատութեամբ՝ անմիջապէս յարում են Սասունին: Տաճիկ պաշտօնեաները ոստիկանների ու քրդերի մեծ բազմութեամբ այդտեղ գալով՝ մէջտեղ են բերում սովորական դարձած պահանջը. — անյապաղ բերել ու յանձնել զէնքերը: Խիանքի և Խուլփի հայ գիւղերի ներկայացուցիչները տրտնջում են, թէ՛ ախր իրանք ապստամբներ չեն, երկրի կարգ ու կանոնը, խաղաղութիւնը ոչնչով չեն խանգարել, պետութեան բոլոր պահանջները կատարել են և կատարում են աւելի կանոնաւոր ու անտրտունջ, քան թէ Օսմանեան պետութեան մէջ ապրող բուն տաճիկները. էլ ինչո՞ւ համար են այս նեղութիւնները:

Բայց կոխովի գայլը երբ է ահանջ դրել գառան արգար բողոքներին, որ տաճիկ պաշտօնեաները, հրահանգուած Պօլսից, ահանջ դնէին ինչ-որ Խուլփի, Խիանքի աղաղակներին: Նորից զէնքերը յանձնելու պահանջն են դնում, այս անգամ սպառնալով, որ հակառակ դէպքում՝ ամենախիստ միջոցներ ձեռք կ'առնուին. իսկ տաճ-

կի «ամենախիստ միջոցն» մւմ չէ յայտնի . . .

Հայերը պնդում են, որ իրանք զէնք, չունին, եթէ հատ ու կէստ մարդիկ հրացան էլ ունին, ապա չգիտեն նրանք ովքեր են, իսկ կառավարութիւնը թող խուզարկէ և ում մօտ զէնք գտնի, նրան պատժէ:

Այդ առարկութիւնն անելով հանդերձ՝ հայերը սակայն տեսնում են, որ, միևնոյն է, զէնքեր էլ ձարեն ու յանձնեն՝ պիտի «պատժուին», չյանձնեն՝ դարձեալ պիտի պատժուին, ուստի երիտասարդութիւնը փախչում, Տալուորիկի ուղղութեան վրայ գտնուող՝ Խիանքի Իշխնձոր, Արտխօնք և Սևիթ գիւղերում է կենտրոնանում: Քիւրդ ու տաճիկները թեւաւորուելով նրանով, որ երկիւղ ազդող տարրը — երիտասարդութիւնը — հեռացաւ գիւղերից, վստահօրէն, քաջաբար թափուում են գիւղերը, այս անգամ երիտասարդներին պահանջելով ու պնդելով, որ նրանք բարձրացել են լեռները, ապստամբութեան դրօշակ պարզելու համար: Սարսափահար ժողովուրդը չի լմանում ինչպէս անէ, որ պատրաստուած հարուածն իրենից հեռացնէ. բայց մինչև նրանք կը մտածէին՝ հարուածն իջնում է:

Ասպետականութեան ամենափոքրիկ նշոյլներն անգամ կորցրած՝ նամարդ գազանները վրայ են պրծնում, պղծում, բռնաբարում անպաշտպան հայ կանանց ու կոյսերին, գեղեցիկ-

ներին առևանգում, ապա որսալով մօտ 3,000 հոգի ծեր ու պատանիներ, քշում, տանում իբրև համալ-թաքուրի: Այդ դժբախտներին հասցնում են մինչև Լիճէ քաղաքը, այնտեղից՝ ոչխարի հօտի պէս առաջին արած՝ իջեցնում Խարբեր-դի ու Բալուի մէջ տեղ, ու խմբակների բաժանելով բոլորին կոտորում... Այդ մահասարսուռ կոտորածից հրաշքով ազատուում են միայն երեք հոգի, որոնք և գաղտնի ճանապարհներով, սոված-ծարաւ հասնում են Տալուորիկ ու պատմում սոսկալի եղելութիւնը:

Խրանք և Խուլի գաւառակներում մնացած հայ ժողովուրդը տեսնելով, որ այլևս տաճիկ կառավարութեան «ոգորմածութեան» վրայ յուսալ չի կարելի, մեծ ու փոքր, անով-տեղով պոկ են գալիս իրանց հայրենի օջախներից, և ճանապարհներին գոհեր տալով՝ փախչում Սասուն, յուսալով, որ այնտեղ, թէկուզ սոված, էլի մի կերպ գլուխ կըպահեն, մինչև տեսնեն՝ ինչ սև օր պիտի բերէ էգուցը:

Այգալիսի անաստուած դրութիւն է ստեղծուում և Սասունի միւս կողմում գտնուող մի այլ գաւառակի, Փսանքի համար: Երկար ամիսների ընթացքում, տաճիկ կառավարութիւնն ու քուրդ ցեղապետները Փսանքի չորս կողմը հոտոտելուց, հատ ու կէտտ, սովորական դարձած վայրագութիւններ անելուց յետոյ, դիմում են կանոնա-

ւոր ասպատակութիւնների. — Գարլջեօզից հասած պատուէրներով, Շէկօյի, Բգրցի, Բօզկցի, Մօականցի, Ջալլացի և Գէնջօյի քրդերը, տեղական գայմազամս էլ նրանց հետ, յաճախակի, բացարձակ յարձակումներ են գործում, ապրանքներ թալանում, տասնեակներով մարդիկ կոտորում: Բայց այդքանը հերիք չէք. մայիսի կէսերին կառավարութիւնը Փսանքի հայերին բացէ ի բաց ապստամբներ է յայտարարում, և ինչպէս ուրիշ տեղերում, այդտեղ էլ պահանջ դնում, բերել ու յանձնել զէնքերը: Իսկ դա, իհարկէ, նշանակում էր — ժանիքներս քոր են եկել և ձեզ պիտի յօշոտեմ: — Ապա ապացուցելու համար, որ սպառնալիքը հանաքի համար չի արուած, յարձակում են միքանի զիւղերի վրայ, կանանց ու աղջիկներին տանում, որոնց քրդերը բաժանում են իրանց մէջ, իբրև պատերազմական աւար, իսկ ժողովրդի մի խոշոր մասը, ուրիշ անկիւններից այդտեղ ապաստանածների հետ միասին, թւով մօտ 4,000, Ստեփան վարդապետը հաւաքում է Մարաթ լեռան վրայ գտնուող Մատին-Առաքելոյ վանքն ու այնտեղ ամրանում: Եւ մինչդեռ նրանք վանքում պատրաստութիւններ էին տեսնում մի կերպ, մի առ ժամանակ պաշտպանուելու, շքր-ջակայ բազմաթիւ քիւրդ աշիրէթները վրայ են թափուում և վանքն ու նրա շուրջը գտնուած տարածութիւնը պաշարում:

Մայիսի 20-ից սկսում է մի անհաւասար կռիւ վանքի ու պաշարողների մէջ: Քաջ վարդապետն ամբողջ մի ամիս ու կէս, ուղղակի ծիծաղելի պաշարով, կարողանում է դիմադրել հազարաւոր քրդերին, մինչև որ թշնամին կըտրում է վանքի ջուրն ու ժողովրդին ծարաւի մատնում:

Բայց այդ ծանր դրութիւնն էլ չի յուսահատեցնում արի հոգևորականին. նա աւագան է փորել տալիս ու լքցնում ձնաջրով. բայց այդ ջուրը շուտով կեղտոտում է, հոտում. վանքում մնալ՝ էլ չէր կարելի: Վարդապետը կամաւոր-սուրհանդակ է ուղարկում Սասուն՝ օգնութիւն խնդրելու. բայց մինչև օգնութիւնը կը հասնէր, դրութիւնը միանգամայն օրհասական է դառնում, ուստի և վճռում են՝ բոլորը միասին դուրս գալ վանքից, պատռել շղթան, ու եթէ բախտը բերաւ՝ հասնել Սասուն:

Այդպէս էլ անում են. բայց հէնց որ վանքից քիչ հեռանում են, արիւնածարաւ գազաններն ամեն կողմից սկսում են յարձակումներ գործել: Ժողովուրդը ցաք ու ցրիւ է դառնում, վարդապետը մի փոքր մատով միայն կարողանում է շղթան անցնել ու դիմել լեռները, ուր և, Տայուտրիկից հարաւ, լեռան փէշերում հանդիպում է Սասունից վանքին օգնութեան եկող՝ 30 հոգուց բաղկացած խմբին:

Յրուած ժողովրդի մեծ մասը, 2000-ից աւելի՝ կոտորւում են քրդերից, իսկ մնացածն ապաւում է, շնորհիւ Սասունից իջած տասնեակների, որ սար ու ձոր ընկած՝ ցրուածներին հաւարում են ու հասցնում աւելի ապահով տեղեր:

VIII

Թէև կառավարութիւնը շատ տեղերում էր սկսել իր վայրագութիւնները, սակայն բուն Սասունն առ այժմ գերծ էր մնացել մեծ դժբախտութիւններից, և Սասունցիք չէին կարողանում, չէին էլ ուզում հաշտուել այն մտքի հետ, թէ բարբարոսները կը գրաւեն իրանց անառիկ բարձրութիւնները, և թէ իրանք անարտունջ դէմ կանեն գլխին, ասելով՝ կարեցէք: Նրանք զգում էին, որ թշնամին, ներկայ պայմաններում, անսահման ուժեղ է իրանց համեմատութեամբ, բայց և համոզուած էին, որ օրհասական ընդդէմ, յամենայն դէպս՝ իրանք միայն արտասուք չախտի թափեն, այլև՝ թշնամու արիւն:

Այդ բանը տաճիկներն էլ լաւ գիտէին, ուստի և խիստ զգոյշ էին Սասնոյ վերաբերմամբ, և նրա գոյութիւնն առ այժմ՝ կարողանում էին տանել ատամների կրճատոցով:

Ինչ վերաբերում է սասունցիներին, ապա նրանք գովելի հեռատեսութեամբ իրենց միան-

գամայն լօյալ էին պահում՝ ամեն կերպ խուսափելով կառավարութեան ձեռքը թէկուզ մի փոքրիկ փաստ տալու անհաւատարմութեան: Եւ ոչ թէ քաղաքական յետին նպատակներով, այլ գուտ մարդասիրական զգացմունքներից զրգուած՝ ուսական ճակատից փախած բազմաթիւ քուրդ ընտանիքներին նրանք կարեկցաբար էին ընդունում, ունեցածից բաժին հանում, հազցնում, կշտացնում, փոքր ինչ էլ պաշար տալիս՝ մինչև կը հասնէին քրդական վայրերը, իրանց արիւնակիցների մօտ:

Ամենազրական կերպով կարելի է շեշտել, որ Սասունն ապստամբական խոհերից միայնգամայն հեռու էր. սակայն Տաճկա-Հայաստանում ապրող բոլոր հայերի պէս՝ Սասունցիք ևս իրանց սրտի խորքերում այն միտքն էին գուրգուրում, որ անհ կրգայ վերջապէս ուսու բանակը և կը վերջանան իրանց տանջանքները, Հայաստանն ազատ շունչ կըքաշէ... Ամեն օր, ամեն շաբաթ աչքերնին արևելք յառած՝ սրտի թրթռոցով ուսաց զօրքերի յաղթական մուտքին էին սպասում, և երբէք չէին ուզում հաւատալ կառավարական զիւանաաններից բղխած սոստ լուրերին, թէ՛ իրանք վերցրել են Բաթումը, վերցրել են Կովկասի մեծ մասը, Թիֆլիսն էլ հետը. չէին հաւատում, որովհետև այդ անկարելի էին համարում, և մանաւանդ որ, ճէնց

որ լուր էր տարածւում, թէ՛ տաճիկները վերցրել են Թիֆլիսը, միւս կողմից էլ հակառակ լուրեր էին տարածւում, թէ՛ ուսները գրաւել են Իրիլիսը:

Պէտք է ասել, որ Սասունցիների իրանց լեռներում լուռ ու մուջ մնալը իր ախուր պատճառներն ունէր. նախ՝ հաց չկար, և երկրորդ, որ ամենաէականն է, զէնք չունէին. գուցէ ճէնց գրանով պէտք է բացատրել այն հանգամանքը, որ քիւրդ-տաճիկները մօտակայ գաւառներում կատարում էին ամեն տեսակ վայրենութիւններ, և սուպետ Սասունցին չէր իջնում իր մթին լեռներից՝ հարկաւոր հատուցումը տալու: Բայց կառավարութիւնն այլ կարծիք ունէր Սասունյ զինական ուժի մասին, ուստի և երկար ժամանակ չէր յանդգնում իր մուրտառ ստներով Հայկական Տաւրոսի բարձունքները պղծելու:

Իսկ երբ հողն արդէն բաւականաչափ պատրաստուած էր և կառավարութիւնը Յրօնք, Գոմս, Աւզուտ, Մուշեղաշէն և ուրիշ շատ ու շատ զիւղերում, նոյնպէս և Խիանք, Խուլփ, Փսանք ու Ծովասար գաւառակներում հայկական արիւնն առատաբար հոսեցրել էր, ճանապարհները լցրել հայերից հաւաքած համալ-թաբուրների զիակներով, սարսափ տարածել բոլոր հայկական կենտրոններում, այն ժամանակ փորձ է անում ժանիքները մի Սասունին էլ կապնելու:

Խիանքի քուրդ ազան՝ միւզիր Քեօռ-Սլօն (Սիւլէյման) մի ոստիկանական պաշտօնեայի տալիս է ոստիկաններ, ու կենտրոնական կառավարութիւնից ստացած հրահանգով՝ ուղարկում Տալուորիկ, գէնքեր պահանջելու: Պաշտօնեան գալիս է ու Տալուորիկցիներին յայտնում այն, ինչ որ իրան հրամայել էին, այսինքն թէ՛ բերէք ու մեզ յանձնէք ունեցած գէնքերնիդ. ապա կառավարութեան անունից երդւում, որ գէնք չյանձնողը կը պատժուի, իբրև պետական յանցաւոր իսկ յանձնողը՝ կը խնայուի ու կը խնամուի:

Տալուորիկցիք նախ զարմանում են այսպիսի ամաշկարայ լրբութեան վրայ, ապա ուշքի գալով՝ պատասխանում են, թէ՛—մենք գէնք չունինք, որ յանձնենք. չեղածից ի՛նչ տանք: Իսկ կառավարութեան այն հաւաստիացումը, թէ՛ գէնք տուողը կը խնամուի կառավարութիւնից, չի համապատասխանում ճշմարտութեանը, որովհետեւ... և սկսում են մի առ մի թուել այն հայկական գիւղերն ու շրջանները, ուր գէնքերը հաւաքելուց յետոյ ժողովրդին ո՛չ թէ խնայել էին ու խնամել, այլ՝ տղամարդկանց կոտորել էին, իսկ կանանց բռնաբարել, աղջկներին էլ բաժանել քրդերի մէջ:

Պաշտօնեան իր ոստիկաններով գաղարկածեն վերադառնում է և բոլորը յայտնում միւզիրին: Սակայն Տալուորիկցիների այդ պա-

տասխանը չի յուսահատեցնում Քեօռ-Սլօյին և նա երկու անգամ էլ նոյն փորձը կրկնում է, որ նոյնպէս անյաջող ելք է ունենում. կոպիտ լեռնականը խելօք պատասխաններով յաղթում է Սլօյին: Այդ ժամանակ ստքի է կանգնում Մշոյ միւթէսարիՖը՝ ապաւինելով իր խորամանկութեանն ու կոտորածներ գլուխ բերելու հմտութեանը:

Իմանալով, որ Սասունում լաւ են ճանաչում Վարդան վարդապետին, միւթէսարիՖն իր մօտ է կանչում նրան ու պատուիրում, որ թիւրք աստիճանաւորների հետ ելնէ Սասուն, խրատէ, համոզէ այն՝ «իրանց շահը չհասկացող լեռնականներին», չըմբոստանալ ու կատարել այն պահանջները, որ աստիճանաւորները այնտեղ կը ներկայացնեն կառավարութեան անունից:

Դժբախտ Վարդան վարդապետը, որ այնպիսի աղէտալի վախճան ունեցաւ Խաս-գիւղում, առարկում է, թէ՛ ինքը մի այդպիսի միսսիա գլուխ բերելու տուեալները չունի, աւելի լաւ է, թո՛ղ մի ուրիշ ճարպիկն ու ազգեցիկը գնայ. բայց միւթէսարիՖն իմանում էր, թէ ում օձիք է բռնել, և պնդում է, որ անպատճառ վարդապետը գնայ՝ շեշտելով, որ, նա եթէ ուղենայ, շատ բան կարող է անել:

Մշեցի Դասամ, Մուսա, Մուստաֆա էֆէնդիները, նրանց հետ Վարդան վարդապետը,

տէր-Սաշատուրը և տասն ուրիշ մանմեղական էֆէնդիներ՝ ճանապարհուում են Սասնոյ Շատախի Տափրկ գայմազամանիստ գիւղը: Տափրկի գայմազամն իսկոյն մարդ է ուղարկում Սասուն և իր մօտ «հրաւիրում» իշխաններին (տանուտէրներին): Իշխանները տարակուսում են, թէ՛ սա ի՞նչ «հրաւէր» պէտք է լինի. և մեծ դժկամակութեամբ, վախենալով նոյնիսկ, որ կարող է պատահել այլևս չվերագառնան, գալիս են Տափրկ:

Էֆէնդիները սիրալիրութեամբ ընդունում են նրանց, գովում Սասունցիների լօյալութիւնն ու հաւատարմութիւնը, ապա, այդ գեղգեղանքն անելուց յետոյ, դիմում իրանց գալու իսկական նպատակին: Երբ խնդիրը պարզուում է Սասունից եկածների համար, նրանք բացարձակօրէն հրաժարուում են որևէ բանակցութեան մէջ մտնելու՝ առարկելով, որ իրանք լիազօրուած չեն Սասնոյ անունից վճիռներ կայացնելու, ու խընդրում են այդ ինքն ըստ ինքեան շատ պարզ հարցերը լուծելու համար, հաւաքուել Շէնրկ:

«Պատուիրակները» համաձայնուում են. նրանք գնում են Շէնրկ, ուր և հաւաքուում են Սասնոյ միւս իշխանները: «Ժողովը» բանում են Մշից եկած էֆէնդիները. նրանք յայտնում են կառավարութեան անունից, որ Սասունը նոր զօրք այլևս չպիտի տայ, որովհետև Սասունցի

զինուորների կողմից խայրնութիւն է նկատուել:

Իշխանները բողոքում են այդ մեղադրանքի դէմ, թէ՛ կառավարութիւնը երիտասարդներին հաւաքելով՝ նրանց ոչ թէ պատերազմի դաշտ տարաւ, այլ փոխեց համալ, և ամալիա-թարուրիների ու ոչնչացրեց հեռաւոր, անյայտ ճանապարհներում. բնական է, որ այդպիսի վերաբերմունքից յետոյ՝ երիտասարդութեան սիրտը կոտրէր ու պարտականութեան զանցառութիւններ շատ տեղի ունենային. իսկ դա՛ խայրնութիւն չէ:

Թիւրքերը զուտ թրքօրէն ստում են, թէ՛ երիտասարդութեան մի փոքր մասը զոհ է գնացել պատերազմների ժամանակ ծագող անխուսափելի հիւանդութիւնների ախտէս, ինչպէս և զոհ են գնացել մանմեղականները: Ապա աւելացնում են.— Հաւատացած եղէք, որ բարեխնամ կառավարութիւնը ոչ մի չար դիտաւորութիւն չունի դէպի հայ ժողովուրդը, մանաւանդ դէպի Սասուն, որի աղքատիկ զրութիւնը նրան լաւ յայտնի լինելով՝ չի ուզում զրկել աշխատաւոր ձեռքերից, նոր զօրք չի պահանջում, նոյնիսկ նոր համալ-թարուրի էլ չի ուզում, ձեզ միանգամայն ազատ է թողնում, միայն թէ բանակի պէտքերի համար պէտք է տաք զրամ, իւղ, շոր, հաց և ոչխար:

Սասնոյ իշխանները միամիտ չէին. նրանք

հաստատ համոզուած էին, որ կառավարութիւնը պաշտօնեաների բերանով այսպէս խօսելով՝ դիւլային ծրագիրը ունի կազմած և միայն քնացնել է ուզում արթուններին: Սակայն իրանց յիմարի տեղ դնելով՝ հաւատացած են ձեռքնու աջ անպատկառ երգերին ու շնորհակալութիւն յայտնում, որ կառավարութիւնն այդպէս հոգում է իրանց մասին: Ապա խոստանում են ծախել-ծախծխել ամեն ինչ և տալ աւելին, քան պահանջում է: Այդ խոստումը հաստատում են Շէնրկի, Սէմալի, Գելիեզուզանի և Տարուորիկի իշխանները:

Մի-երկու փոքրիկ պահանջներ ևս դնելուց յետոյ, թիւրքերը դիմում են բուն գործին: Նրանք ասում են, թէ՛ կառավարութեանը լաւ յայանի է, որ Սասունցիք իրանց լեռներում ուս կօզակներ ունեն պահած, կան և բազմաթիւ ուսաստանցի լրտեսներ. տաճկական բանակի թիկունքում թշնամու ներկայութիւնն անհանգուրժելի է. Սասունցիք առանց այլևայլութեան, պէտք է կառավարութեան ձեռքը տան նրանց: Եւ յետոյ, քանի որ կառավարութիւնն հնքը միանգամայն տարուած է բոլոր հայերի, նրանց հետ և Սասունցիների խաղաղ ապրելու հոգսով իբրև վստահութեան նշան՝ Սասունցիները պէտք է հաւաքեն իրենց մէջ եղած բոլոր զէնքերն ու ներկայացնեն կառավարութեանը:

Դիմակը պատուում է. Սասնոյ իշխանների համար էլ կասկածի ոչ մի տեղիք չի մնում, որ ամենից առաջ ցանկանում են իրանց զինաթափ անել, զրկել պաշտպանուելու բոլոր միջոցներից, որպէսզի յետոյ առանց նեղութիւն կրելու, հեշտութեամբ մէկ-մէկ բռնեն ու ոչխարի պէս մորթեն: Առանց իրանց սրտի մէջ եռացող վրդովմունքը ցոյց տալու, իշխանները սառնասրտութեամբ ու քաղաքավարի պատասխանում են, թէ՛—Սասնոյ լեռներում ոչ միայն թագըրուած կօզակներ չկան, այլ և իրանց կեանքում գեռ կօզակի երես տեսած չկան. ուսաստանցի լրտեսների մասին նոյնպէս գաղափար չունեն. անշուշտ անպիտանին մէկը կառավարութեանը սուտ տեղեկութիւններ է տուել, և իրանք ուրախ կըլինին, եթէ կառավարութիւնը ճշմարտութիւնն իմանալու համար մարդ նշանակէ և գնան այն տեղերը նայեն, որտեղ կօզակների լինելն է կասկածուում: Զէնքերը յանձնելու պահանջի վերաբերմամբ էլ ասում են, որ, չնայելով կառավարութեան փառ վերաբերմունքին զէպի Տաճկա-Հայաստանի բոլոր տեղերի հայերը, Սասունցիք մի բառով չեն արտնջացել, պատերազմի սկզբից մինչև այդ օրը Սասուն զուր տնդից հրացանի ոչ մի ձայն չի լսուել, և հիմա չեն հասկանում, թէ այդ ինչ նպատակով է, որ իրենցից զէնք է պահանջում, մինչդեռ ամբողջ

Տաճկաստանում, չհաշուած ի հարկէ զօրքերը, բոլոր տաճիկ ու քուրդ ժողովուրդները զինուած են ոտքից գլուխ, ու նրանց չեն խօսեցնում: Եւ վերջապէս բոլորին էլ յայանի է, որ Սասուն զինանոցներ չկան, որաեղից կարողանային պահանջուող զէնքերը հանել ու ներկայացնել: Իրանք միայն չախմախլիներ ունին սահմանափակ թուով, որ սակայն ձեռքից տալ չեն կարող, որովհետեւ նրանցով են քշում արտերն ու այդիները փչացնող արջերին: Իսկ կառավարութիւնը չէ որ չէր ցանկանայ մի քանի չախմախլիները ձեռքներից պանելով՝ Սասնոյ արտերը, ուրեմն և Սասնոյ ժողովրդի ապրուստը, որի համար հողում է ինքը՝ կառավարութիւնը, յանձնել արջերի խնամատարութեանը:

Այդ նուրբ ու փոքր ինչ հեզնական պատասխանից յետոյ, Մշոյ էֆէնդիները տեսնում են, որ «վայրենի» Սասունցիներին բան հասկացնելը դժուար է, իրենց միտսիան վերջացրած համարելով, վերագրանում են Մուշ՝ իրանց կրած անյաջողութեան բոլոր մեղքը Սասունցիների վզին բարդելու համար:

IX

Տեսնելով, որ խորամանկութեամբ Սասունցիներին զինաթափ անել ու այնպէս ոչնչացնել՝

չի յաջողւում, կառավարութիւնը վճռում է այդ «սուրբ գործը» գլուխ բերել զէնքի, զօրքի ու քրդերի միջոցով: Այդ նպատակով՝ բոլոր քուրդ ցեղապետներին ու ազգեցիկներին հասկացնում են, որ նրանք կամ պէտք է գնան ուսանելի դէմ կուսելու, կամ՝ Սասնոյ լեռները մաքրել վտանգաւոր հայ ազգաբնակչութիւնից:

Քրդերը, ի հարկէ, ուրախութեամբ ընդունում են երկրորդը, և այդ օգտաւէտ «ձեռնարկին» մեծ ախորժակով ու սիրով միանում են նաև այն քրդերը, որ կուսի վայրերից փախած՝ իր ժամանակին խնամուել էին Սասունցիներից, նրանց հացը կերել, նուիրաբերած շորերը հագել...

Յունիսի վերջերքին Սասունը կամաց-կամաց շրջապատւում է քրդերի խիտ ու սեղմ շղթաներով: Արևելքից ոտքի են կանգնում Շէկոյնք, Բղբրցիք, Բօզըկցիք ու Չալալցիք. արևմուտքից խուլփեցի քրդերը՝ իրանց Հիւսէյին և Հասանաղաների առաջնորդութեամբ, Գէնջի և Լիճէի քրդերն էլ՝ իրանց աղաներով. հարաւից՝ դէպի Տալուտրիկ, Մուֆարդիսի Խաթաի բէյը, Հաջի-Աուշի տղան՝ իրանց քրդերով, Խիանցիք, Պատկանցիք ու Բազրանցիք, հիւսիսից՝ Կորդուք լեռան վրայ գանուող փոքրիկ զօրախմբերը, — և այդքան ուժերը հերիք չհամարելով՝ Խարբերդից ու Դիարբէքրից տաճիկ, Հալէբից էլ արաբ զօր-

քեր էին առջ քաշել՝ կառավարութեան աչքում փուշ դարձած հերոս, բայց դժբախտ Սասունի կեանքի թելը կտրելու:

Եւ մինչդեռ մի կողմից պատերազմական բոլոր նախապատրաստութիւններն էին տեսնում՝ այդ դիւցազնական կտրիճների լեռներն արիւնով լուանալու, միւս կողմից էլ ջանք էին թափում՝ Մշոյ և դաշտի հաշիւը շուտով մաքրելու, որ պէսզի այդտեղ զբաղեցրած ուժերը ևս կարողանան գործի դնել:

Սասնոյ զրութիւնն այդ միջոցներում, ընդհանրապէս, մանաւանդ տնտեսականի կողմից՝ շատ ծանր էր. իր բուն բնակիչների թիւը հասնում էր քսան հազարի. բայց շրջականերից էլ այնտեղ էին ապաստանել դարձեալ երեսուն հազարի չափ, մեծ մասը ծեր, կին ու երեխաներ: Սասունն իր կլիմայական պայմաններով առհասարակ միշտ հացի պակասութիւն էր ունենում, և սակաւապետ լեռնականը բաւականանում էր իր գլգիլով ու կորեկով. ցորեն հացն այնտեղ քիչ ծանօթ մի բան է եղել. բայց ցորեն հացն Սասունցուն ինչին էր պէտք. իր ազատ լեռներն էլ բաւական էին նրան: Եւ գուցէ այժմ լեռնցիներն այնքան մտահոգութեան մէջ չլինէին ու ապրուստի կողմից մի կերպ ետլա գնային, եթէ բերանների թիւը յանկարծ տասնեակ հազարներով աւելացած չլինէին:

Դեռ ձմեռը հացի պակասն զգացուել էր, և Սասունցիք ցանկացել էին հացառատ Մշոյ դաշտից բերել ու պակասը լրացնել, բայց կառավարութիւնն ինչ-ինչ պատրուակներով թոյլ չէր տուել: Իսկ երբ Սասունցիների կասկածները համոզմունք դարձան, թէ՛ անպիտան կառավարութիւնը պատրաստուում է մի անպատմելի ոճիր կատարելու, յունիսին նորից փորձեր են անում շալակներով հացահատիկ հանել լեռները՝ տազնապի օրերին սովամահ չլինելու համար. բայց այդ ևս չի աջողուում, թէ՛ լեռներն և թէ՛ դաշտն արդէն զբաւուած էին հայի արեան ծարաւի հարիւր-հազարաւոր բորենիներով, և մի քայլ անել դէպի դաշտը, առանց կուռի բռնուելու, արիւն թափելու՝ չէր կարելի: Եւ անա Սասունը, մայիսից սկսած՝ մնում է առանց հացի. եթէ դրա վրայ աւելացնենք և՛ աղի սպառուելը, այն ժամանակ հասկանալի կըլինի, որ ոչխարտաւար ունենալն այնքան էլ մեծ առաւելութիւն չէր. — միս՝ առանց հացի ու աղի. այսինքն հիւանդութեան աղբիւր:

Չնայելով այդ ծանր պայմաններին, այնուամենայնիւ՝ Սասունցիք չեն ընկճում հոգով. թովմա Սրժրունու նկարագրած IX դարու հերոսական Սասունը դեռ նոյնն էր, և ազատ արծիւների հոգին էր, որ ճախրում էր այդ աղքատիկ, բայց հպարտ լեռների կատարներին:

Մահից վախենալն ամօթ էր համարում Սասունցին. նա սովոր էր իր պատիւը պաշտպանելու համար զրեթէ անգէն դուրս գալ կատաղի թըշնամու դէմ և ընկնել անհաւասար պայքարում, առանց թուլամորթօրէն մտածելու, թէ՛ կարելի է փախչել, թագնուել ու իր կեանքը փրկել փախչելու դնով:

Եւ այժմ էլ, յունիսի վերջին օրերում, երբ երկաթէ օղակների մէջ էին առնուած «Սասմա, ծուրի» բունը, հացը չէր հասնում, սպառուել էր աղը, Սասունցին ախ ու վաշ չէր անում, թէ՛ հապա ի՞նչ կըլինի մեր զրութիւնը, որտեղ փախչենք, ի՞նչ անենք... Ձէ, նա այդ հարցերն իրան չէր տալիս. այլ կսկծացող սրտով տեսնում էր, թէ իրանց պաշտելի լեռների գլխին ինչ մթին ամպեր են հաւաքուել, և զիտակցելով, որ թերեւ հասել է իր վերջին օրը, ասում էր. — Ո՛չ մի տեղ դուրս գալու հնար չկայ. կառավարութիւնն ուզում է հայերին վերացնել. այդ նրա ծրագիրն է. ուստի կան բանակն ուշացաւ. մենք մեր բախտին ենք, ու կուտենք-չկուտենք՝ միևնոյն է, մեզ պէտք է կոտորեն քրդերն ու զօրքերը. ուրեմն՝ պէտք է զիմադրել, պէտք է կուտել: — Այսպէս էր մտածում իւրաքանչիւր Սասունցի, սակայն իր սրտի խորքերում միշտ մի գաղտնի, ազօտ յոյս ունենալով, թէ՛ ո՞վ գիտէ, գուցէ այնքան պաշտպանուեն՝ որ դրսից

ուժեր հասնեն ու Սասունը սեղմող օղակները փշրեն...

Ի հարկէ, Սասունն աւելի վատահուժեամբ կըզիմագրաւէր մօտեցող արեւախրքներին, եթէ նա ուտեստի պաշար բաւականաչափ ունենար, մանաւանդ ռազմամթերք, որ շատ քիչ էր:

Այդ ըոպէին Սասունն ունէր հազարաչափ հրացան, որ տեսակների բաժանելով՝ մօտաւորապէս հետեւեալ թուերն էին ստացւում:—Գրա՝ 350 հատ, Մանլիխէր՝ 75 հատ, Մօսինի՝ 75 հատ, չախմախլի՝ 450—500 հատ: Սրանցից փամփուշտաւոր հրացաններն ունէին իւրաքանչիւրը 250—300-ական փամփուշտ, իսկ չախմախլիների համար վառօդ բաւականաչափ կար, արձիճ՝ շատ քիչ:

Ահա ռազմամթերքի այն ողբալի պաշարը, որով Սասունը պէտք է պաշտպանուէր իր լեռները հոտտող արիւնարբու զիշակերների վտեմակներէց:

Սասունը գէնք չունէր. նրա «գէնք, գէնք» աղաղակները տարիների ընթացքում արձագանք չգտան «բարեմիտ» հայերի սրտում, նրան գէնք չտուին, որպէսզի տաճիկները չզրզուին. և Սասունը, տղամարդ Սասունն այսօր մնացել էր անգէն, վիզը ծռած թշնամու սրին սպասելիս...

Երբ Սասունը շրջապատում է ամեն կողմերից և Մուշն սկսում է հեծել անասելի անիրաւութիւնների տակ՝ քուրդ-տաճկական հորդանները գործի են կանգնում, առայժմ փոքրիկ մասշտաբով:

Այդ օրերում կատարուած «փոքր» համարուող յարձակումների ու թալանների մէջ աչքի է ընկնում Աղբիի դէպքը:—Քրդերը վրայ են տալիս Անտոքի արևելեան կողմում ընկած Ծովասար գաւառակի Աղբի գիւղի վրայ ու ոչխարները քշում. «հաւարի» ձայնը լսելով՝ մօտակայքից օգնութեան են վազում մի-երկու խումբակներ, որոնք միանալով Աղբեցիների խմբին՝ հետապնդում են քրդերին, խլում ոչխարները, իսկ թալանչիներին քշում մինչև իրանց գիւղերը: Բայց միւս կողմից էլ պարտուած աւազակներին օգնութեան են հասնում շրջակայ աշիրէթներն ու կռիւր տաքանում է: Այդ հանգամանքը սակայն չի վախեցնում հայերին. նրանք կանգ են առնում ու կռիւն ընդունում, որի ժամանակ քրդերը տալիս են տասնուհինգ սպանուած և շատ վիրաւորներ, հայերը՝ մի սպանուած, երեք վիրաւոր և ոչխարների մի փոքր մասը:

Նոյն այդ օրերում՝ Տալուորիկի իշխան

Համզէն տեղեկութիւն է ստանում, որ Շէկոյենք, Բզըրցիք ու Բօզըկցիք մեծ պատրաստութեամբ յարձակում պիտի գործեն Սասնոյ Շատախում գտնուող Քօփ և Գերմաւ հայ գիւղերի վրայ:— Էլ կասկած չկայ. սկսում են...—մտածում է Համզէն և իսկոյն իր ստացած տեղեկութիւնը հազորդում է Շէնրկ և Սէմալ: Անմիջապէս այնտեղից խմբեր են ուղարկում, որպէսզի օր-առաջ դիրքեր բռնեն, չարիքը թեթևացնելու համար. բայց մինչև նրանք տեղ կըհասնէին, քրդերը մեծ բազմութեամբ ու զարմանալի արագութեամբ յարձակում են գործում Քօփի և Գերմաւի վրայ, մի քանի մարդ սպանում ու բոլոր ոչխարները քշում: Չէնրկից ու Սէմալից օգնութեան եկողները գործի այգալիսի անաջող էլք ընդունելուց չեն յուսահատուում. այլ առաջ խազալով Կոնիու-Փեօլ կոչուած լեռան դիրքերն են բռնում, այնտեղ դարանի բռնում վերադարձող քրդերին, ջարդում՝ դրանով հասկացնելով թշնամուն, որ Սասունը պատուով պիտի մեռնէ:

Երբ արան-թալանն ու սպանութիւնները զրնայլով-գնայլով զարգանում են ու վերջնականապէս յայտնի դառնում, որ թոկագերծ գազանը հայի վերջին կաթիլ արիւնն է ուզում լափել, Սասունցիք մտածում են, որ վճռական բուպէին իրանք այնքան ոյժ չեն ունենայ ամբողջ Սասնոյ շրջանը պաշտպանելու, երկար խորհրդակ-

ցութիւնից յետոյ՝ որոշում են.— մօտակայ հայ գիւղերը մի կերպ փոխադրել Սասուն և գծել ինքնապաշտպանութեան այն սահմանները, որ մինչև վերջին շնչերնին պէտք է պաշտպանեն:

Ինքնապաշտպանութեան սահմանները հետեւեալներն էին.— Տալուորիկի կողմից Գաբլօրն ու Գորշիկը՝ իրանց փէշերով: Շէնըկի և Սէմալի կողմից՝ Գրէքօլ լեռնագագաթը, Մշէլնին ու Անտօքի հովիտը: Սղբիի կողմից՝ Ըմբռնին և Անտօք լեռան միւս թևը:

Այդ նախագգուշական միջոցները ձեռք առնելուց յետոյ, Սասունցիք հարիւրերորդ անգամ դիմում են կառավարութեանը, թէ՛ ախր մենք ապստամբներ չենք, կատարում ենք կառավարութեան բոլոր պահանջները, սովից մեռնում ենք, բայց կառավարութիւնը, բացի այն, որ նպաստ չի տալիս, չի էլ թողնում, որ զբոսից մեր երեխաների համար հաց բերենք, հասցնենք. քրդերն ու անպարտաճանաչ կառավարական պաշտօնեաները կոտորում, սպանում են հայերին, նրանց կանայք ու աղջկերքը տանում, ապրանքները քղում... մի՞թէ իրանք Օսմանեան կառավարութեան հպատակները չեն. ինչո՞ւ համար են այսքան տանջանքները: Ինչպէս միշտ, այս անգամ էլ պատասխան է ստացւում, թէ՛ այդ բոլորը աւաղակների գործ է, և կարգը խանգարողները, որոնց մէջ հայերն առանձնապէս աչ-

քի են ընկնում, ժամանակին խստապէս կրպատուեն:

Սասունցիք ի հարկէ գիտէին, որ գարշելի կառավարութիւնից ուրիշ տեսակ պատասխան սպասել չէր կարելի և ոչ զարմանում են, ոչ էլ սարսափում այդ պատգասխանից. այլ սպասում էին, թէ՛ թող լինի, ինչ որ լինելու է: Միևնոյն ժամանակ էլ զբոսի գիւղերը քրդերի ճնշման տակ՝ կամաց-կամաց հաւաքւում են զէպի կենտրոնական վայրերը, իսկ Սասնոյ նոր կազմակերպուած ինքնապաշտպանութեան մարմինը գանազան կէտերում ուժեղ պահակներ է դնում, որպէսզի թէ՛ գիւղացիները հնարաւորութիւն ունենան բերքերը հաւաքելու և թէ՛ իրանք իրազեկ լինին շուրջը կատարուող շարժումների մասին:

Բայց կառավարութիւնն էլ պարապ նստած չէր. նա Մուշն ու Մշոյ գաշտը իր արիւնտտ մագիլների մէջ առնելով՝ բոլոր նախագգուշական միջոցները գործադրել էր, որպէսզի Սասունը ոչինչ չիմանայ, թէ ինչեր են կատարւում Մուշում, կասկածելով, որ քաջ լեռնականներն իրենց եղբօրց զփոխային տանջանքների լուրն առնելով՝ կարող են իջնել լեռներից ու, թէկուզ ժամանակաւորապէս՝ դժբախտ դաշտացիների բնաջնջման գործը խանգարել: Եւ մինչգեռ Սասունցիք լսկ ինքնապաշտպանութեան

ծանր հոգեբերով տարուած՝ ամբացել էին լեռներուս, և ըստ հնարաւորութեան, որոշուած կէտերը հսկում, կառավարութիւնն էլ, չհաշուած քրդերը, իր բազմաթիւ պահակախմբերն էր զանազան յարմար տեղերում դարան մտցրել, նոյնիսկ Կորդուք և Ծիրնկատար լեռանց որոշ տեղերում խրամատներ փորել տուել ու զօրքերով լքցրել, որպէսզի անմիջապէս կարողանան զանազան անակընկալների առաջն խնդրն և եթ առնելու, կամ թէ՛ հէնց այդ խրամատները բազա դարձնելով, որոշուած ժամին յաղթական արշաւանքն սկսելու զէպի Սասուն, զէպի Օսմանեան անարգ կառավարութեան խորթ հպատակները, որոնք պատերազմի երկար ամիսների ընթացքում՝ ոչնչով առիթ չէին տուել իրենց վրայ կասկածելու և որոնց յանցանքը միայն հայ լինեին էր:

Այդ արհաւիրաց օրերում Սասուն էին գտնուում երկու յայտնի գործիչներ, Ռուբէնը և տաճկական պարլամէնտի անդամ Փափազեանը. երկուսն էլ փորձուած ու հմուտ, երկուսն էլ չափող ու կշռող, հեռատես մարդիկ: զիտէին, որ բաւական է ապստամբական, կամ հակակառավարչական մի սխալ քայլ, որպէսզի առիթ տրուի խելագարուած զազանին՝ իր ճանկերը հայի թրպրտացող սրտի մէջ խրելու. այդ պատճառով բոլոր միջոցները գործադրում էին՝ Սա-

սունն ազատ պահելու ամեն տեսակ «յանցանքներից». և այդ յաջողում էր նրանց. նոյնիսկ կառավարութեան բացարձակ պրովօկատորական քայլերը, որ գործադրում էին Սասունը հանելու խոհեմութեան սահմաններից, խորտակում էին՝ զարկուելով հայերի հաստատուն լօյալութեանը:

Երկերեսանի, խորամանկութեան բովով անցած տաճիկ կառավարութեան հետ գործ ունենալը մի կատարեալ մարտիրոսութիւն է. հարկաւոր է զիմացիների մտքերը ոչ թէ հասկանալ, ըմբռնել, այլ գուշակել. թարգմանել նրա քաղցր ժպիտները, լուծել նրա ակնարկներն ու այնպէս պատասխանել, որ իւրաքանչիւր խօսքն իր նըշանակուած տեղն ընկնի: Ռուբէնն ու Փափազեանը, ինչպէս Տաճկաստանի ուրիշ շատ գործիչներ, իրանց բանակցութիւնների միջոցին՝ միանգամայն արժանի գտնուեցան իրանց պատասխանատու դերին ու պատուով դուրս եկան:

Երբ զրութիւնը սարսափելի է դառնում ու Հայաստանի բռնի մահացման ուրուականը պատկերանում է հորիզոնում, թէ՛ Սասնոյ գործիչները և թէ՛ ժողովուրդը դարձեալ զսպում էին իրանց, դարձեալ սուր կերպով չէին ուզում արտայայտել իրանց զայրոյթը, որովհետև շատ պարզ տեսնում էին, որ իրանք շրջապատուած

են առատօրէն զինուած բիւրաւոր թշնամիներով, իսկ Սասունի չախմախլիները, որքան էլ կարիճ մարդկանց ձեռքում՝ այնուամենայնիւ՝ չախմախլիներ են:

Այդպէս էին մտածում նրանք և այդ զիտակցութիւնից բխած ուղղութեամբ էլ գործում էին: Սակայն այդպէս չէր մտածում ստոր դաւադիրը, տաճիկ կառավարութիւնը. նա չէր կարող իր բռնակալական պետութեան սահմաններում հանդուրժել մի առողջ, յառաջադիմելու ընդունակ տարրի գոյութիւնը. նա վճռել էր իր ժահրոտ, փտող օրգանիզմից մի հարուածով կտրել ու մեռցնել միակ կենդանի երակը. վճռել էր, ու՛ անկարելի է, պէտք է կտրէր:

Եւ անս ամիսների ընթացքում տեղի ունեցող, իբրև թէ «մասնաւոր» բնաւորութիւն կրող «փոքրիկ» յարձակումները, թալանն ու սպանութիւններն սկսում են գուրս գալ նոյն իսկ Տաճկաստանի համար «սովորական գրութիւն» անուն կրող սահմաններից, աւելի մեծանալ, աւելի զարգանալ ու հասնել կատաղութեան ախտաժամին:

XI

Ծովասար գաւառակի Աղբի գիւղը Սասուն քաջուելով՝ ժողովրդի մի մասը դեռ մնացել էր

այնտեղ, իր քրտինքի պտուղ բերքը մի կերպ հաւաքելու: Այդ բանը դուր չի գալիս հայակեր քրդերին և մի ստուար խումբ յարձակում է գործում յունիսի 29-ին, մնացած հայերին յանկարծակիի բերելով ամբողջովին կոտորելու: Սակայն Աղբեցի միքանի զինուած տղամարդիկ ընդառաջ են վազում ու սկսում մաքառել, մինչև որ մօտակայքից օգնութեան են համնում էլի մի-երկու զինուած խմբակներ, և առանց մի զո՛ւ տալու՝ մեծ ջարդ տալիս քրդերին, որոնց մի փոքր մասը միայն կարողանում է փախչել ու ազատուել:

Յունիսի 30-ին թիւրք ոստիկանական խումբըն ու տաճիկները կորզուք սարի վրայ պատահում են մի հայ խմբակի. ընդհարում է տեղի ունենում և հայերը սեղմում են տաճիկներին ու նրանց փախցնում դէպի Մուշ:

Առհասարակ՝ կորզուքում և Ծիրնկատարում այդպիսի ընդհարումներ շատ էին տեղի ունեցել և թիւրքերը միշտ փախել էին:

Յուլիսի 1-ին, ճիշտ այն օրը, երբ տաճիկ կառավարութիւնն իր արիւնոտ դանակն էր գրել Մշոյ կոկորդին ու գաշտում հազարաւոր զոհերի բառաչիւնն էր երկինք բարձրանում, Սասունն էլ այս ու այն կողմից է գրոհների ենթարկւում, և այդ գրոհներն այն պատճառով էին կատարւում, որ Սասունը միայն իրանով զբաղուի,

ժամանակ ու հնարաւորութիւն շունենայ Մուշին օգնութեան հասնելու: Ըստ երևոյթին՝ կառավարութիւնն այն համոզման էր, թէ անառիկ Սասունն ռազմական տեսակէտից այնքան է պատրաստուած, որ բացի իրան պաշտպանել կարողանայուց՝ դեռ միւս վտանգուած տեղերին էլ կարող է ռազմիկներ ու ռազմամթերք հասցնել:

Այդ օրը, յուլիսի 1-ին, ի թիւս ուրիշների, տեղի է ունենում և՛ Կորդուքի դէպքը: Մասնոյ պահակները Կորդուք—Տալաւներ կոչուած տեղն իր սովորական պտոյտ կատարելու ժամանակ՝ անակընկալ յարձակման են ենթարկուում թիւրք կանոնաւոր զօրքերի կողմից, որ դադանամուտ էին եղել Կորդուքի կատարին, Ալմանցոց ազբիւրի մօտ: Պահակախումբը սակայն չի շփոթւում այդ անսպասելի գնդակների տարափից. կռիւն ընդունում է և դիրքեր բռնելով՝ անցնում պաշտպանողականի: Ուժեղ հրացանաձգութեան ձայնի վրայ՝ օգնութեան են գալիս Շէնրկի խումբերը, և զարձեալ առանց մի գոհ տալու, միացեալ ուժերով քշում զօրքերին, սպանում 10—15 հոգի և մի քանի հրացաններ էլ զրաւում:

Յուլիսի 2-ին ընդհարումներն ու յարձակումներն աւելի թափ, ուժեղութիւն են ստանում. Սասունցիների կողմից մեծ աչալըջութիւն էր պահանջում, որպէսզի թշնամին չկարողա-

նար ներս խուժել ինքնապաշտպանման համար նախագծած ու հսկողութեան սահմաններից. իսկ այդ սահմանները, մարտիկ ուժերի համեմատութեամբ՝ բաւական ընդարձակ էին. հարաւից հիւսիս՝ 12 ժամ, արևելքից արևմուտք՝ 6 ժամ տարածութիւն, կտրտուած հովիտներով, ձորերով ու դժուարանցանելի լեռնուղիներով: Այնուամենայնիւ, չնայելով տարածութեան համեմատական ընդարձակութեանն ու հազորդակցութեան վատ պայմաններին, այդ օրը լեռնականները մեծ յաջողութեամբ յետ են մղում ամեն կողմերի վրայ եղած յարձակումները, առանց իրենց դիրքերից թզաչափ յետ նահանջելու: Այդ պարագան յոյս է ներշնչում Սասունցիներին, որ դեռ երկար ժամանակ պիտի կարողանան զիմադրել կառավարութեան նիւթած դաւերին:

Կէսօրից յետոյ, ժամը 2-ին մօտերը, երբ քիւրդ ու տաճիկ վոհմակներին յետ քշած բոլոր կէտերից՝ Մասնոյ պահապանները հանգստանում էին, Մշոյ կողմից թնդանօթների խուլ, բայց և անաւոր բռնբիւններն են տարածուում: Մասնոյ բարձունքներին թառած մարտիկներն ու հովիտներում պահուած բազմահազար ժողովուրդը կարծես մի հրեշտակային շեփորի հնչիւնները լսած՝ շնչառութիւննին զսպած՝ լարում են ականջնին, բաբախուն սրտով որսում այդ ձայներն ու միմեանց աշխատում հաւատացնել, որ ուսա-

կան բանակն է այդ, հասել է Մուշ ու հարուածում է թշնամուն: Թէ չէ՛ էլ ինչո՞ւ համար և ո՞ւմ դէմ պէտք է այդպէս յանկարծ որոտան թնդանօթները... Գժբախտները չգիտէին, որ այդ բոպէին Մշոյ արևն է խաւարում, արիւն է հոսում քաղաքի փողոցներով և թնդանօթներն ուսական չեն, այլ տաճկական՝ ուղղած սարսափահար կին ու երեխաների, տառապանքից անքացող հայ ժողովրդի գլխներին ու աներին...:

Իրիկնադէմին պարզում է «թիւրիմացութիւնը»: Մուշի ու Գաննիկ գիւղերի ուղղութեամբ քուլա-քուլա բարձրացող ծուխն ու հրակայական, գանազան կէտերից դէպի վեր շարտուող բոցերը Մասունցիների սրտում կասկած են առաջացնում, թէ՛ այդ տաճիկներն են, որ հայերի բնաջնջումն են սկսել քաղաքում և դաշտում: Իսկ կասկածը շուտով ճշմարտութիւն է դառնում. կոտորածից ճողոպրած մի քանի հոգի լեռներն են համնում ու զարհուրելի աղէտը բոթում Մասունցիներին:

Բորբոքում, եռ է գալիս կտրիճ լեռնականների սիրտը. գանազան կողմերից ձայն է բարձրանում՝ վերցնել բոլոր զինուած ուժերն ու յարձակուել, եթէ ո՛չ յաղթելու, զոնէ արժանաւոր վրէժ լուծելու խելագարուած տաճիկներից, Մուշն աւերողներից. բայց սառն դատողութիւնը յաղթում է և նրանք գանում են, որ դաշտն իջ-

նելով՝ քաղաքն ու դաշտի 102 գիւղերն իրանք փրկել չպիտի կարողանան, ճիշտ է, գուցէ հազարաւոր գազաններ կը գլորեն, սակայն իրանք էլ կընկնեն, և այն ժամանակ Մշոյ հետ Սասունն էլ կըկորցնեն՝ այնտեղ ապաստանած հիսուն հազար ժողովրդով: Ուստի և որոշում են մնալ լեռներում, գիրքերն էլ ամբացնել, մտածելով, որ դաշտի, քաղաքի հայութեան կոտորածից ազատուած մասը, ինչպէս էլ լինի, դէպի լեռները պիտի գիմէ և Սասունն է լինելու, որ նրանց պէտք է պաշտպանէ իր լեռներում, մինչև մի լոյս ծագելը:

XII

Մշոյ և դաշտի հարցը լուծելուց յետոյ, կառավարութիւնը ծանր հոգսից ազատուածի պէս, մի թեթեացած շունչ է քաշում: Էլ ո՞վ կարող էր նրա առաջը կանգնել. ուսմաները Բիթլիսի ուղղութիւնից նահանջած, Մուշն՝ աւերուած. — թեւերը միանգամայն բացուած էին, և այժմ վստահ կերպով կարելի էր վճռական հարուածներն իջեցնել Մասնոյ գլխին:

Այդպէս էլ անում են. Մշոյ կոտորածով զբաղեցրուած ուժերը ևս կենտրոնացնելով Սասնոյ դէմ, երկու հակառակորդներ դէմ առ դէմ են կանգնում, մէկը՝ կոտորելու, բռնաբարելու

տենչանքով հիւանդացած, միւսը՝ ինքնապաշտպանութեան գաղափարով համակուած: Եւ սկըսում է մի կատաղի ճակատամարտ անթիւ, անհամար գիշակերների ու մի բուռն կարիճների միջև:

Յուլիս 5-ին զօրքերն ու քրդերը միահամուռ մի գրոհ են տալիս Սուրբի կողմից՝ ցանկանալով Սասունը միանգամից վերցնել, սակայն իրանց հաշուի մէջ նրանք սխալուել էին. Սասունցիք վճռական թափով մի այնպիսի հակաշարձակում են գործում, որ թշնամին բազմաթիւ զիակներ թողնելով ու վիրաւորներ տալով՝ փախչում է աւելի հեռու, քան թէ առաջ էին զիւրքեր բռնել:

Այդ անյաշոգութիւնից զայրացած՝ կանոնաւոր զօրքը, Պատկանցի, Խիանքի, Բակրանցի քրդերն ու այլ աշիրէթներ մի նոր, աւելի ուժեղ, աւելի յամառ յարձակում են սկսում, այս անգամ Գարրօշի կողմից, որ Սասնոյ ինքնապաշտպանութեան բանալիներից մէկն էր: Յուլիսի 6-ի առաւօտեան ժամը 8-ին սկսուելով՝ կատաղի կռիւն անընդհատ տեւում է մինչև ուշ գիշեր և վերջանում թշնամու պարտութեամբ, որ Գարրօշի առաջ բաւակոնաշափ զիակներ թողնելով՝ նահանջում է:

Հետեւեալ օրը տաճիկ հրամանատարները կրօնը մղելու նոր եղանակ մշակելով՝ հրամայում

են՝— պատուել Սասունցիների շղթան Շէնրկի կողմից, սեպածե մտնել հայերի բռնած տարածութեան մէջ և երկու մասի բաժանելով՝ մասմաս շարդել հայերին: Այս որոշումից յետոյ, ըէզերվում ունենալով Մշոյ գաշաի հայերի արիւնը լիզած տասնեակ հազարաւոր գաղաններ՝ յառաջախաղ տաճկաքրդական վաշտերն ուժեղ թափով առաջ են նետուում, հայ զիրքապահներին հանում զիրքերից ու մօտենում Շէնրկին: Ռազմագիտական նկատումներով՝ Շէնրկին այդ ժամանակ գաղարկուած էր, և հայերի աւելի կարող զիրքերը գիւղից հեռու, յարմար տեղեր էին շինուած: Այդ պատճառով՝ թշնամին առոնց առանձին լուրջ զխմադրութեան հանդիպելու, հասնում է Շէնրկ և սկսում սները վառել: Երբ սների ծուխն սկսում է բարձրանալ ու Սասնոյ արծուիկների բոյները մոխրի վերածուել, զիրքերում զանուող Շէնրկցիների սիրար թունդ է եխում ու նրանք կանչում են. — Մեր սները մեր աչքի առաջ վառեն և մենք հեռուից թամաշան անենք. — ասում են ու երկու տասնեակ, միանալով աւելի ներքև գտնուող զիրքերի փոքրաթիւ մարտիկներին, լեռներից այնպիսի արագութեամբ ցած նետուում և այնպիսի յաջող կրակի բռնում բորենիներին, որ անիրաւները չամաչելով իրանց ունեցած թուակսն և զինական մեծապէս խոշոր առաւելութիւնից, սկսում

են փախչել փոքրաթիւ հայ կտրիճների առաջից՝
իրանցից գլորուածների դիակները կոխկռտելով:

Այդ օրը սակայն հայերն էլ են կարուսա
ունենում. սպանում է մէկը, վիրաւորում՝
չորս հոգի:

XIII

Սասունցիք նախաատել էին, որ կռիւր կա-
րող է երկարատե լինել, օգնութիւնը դրսից կա-
րող է ուշ համնել, այդ պատճառով՝ պաշտպա-
նողական երկու գիծ էին ընտրել ու դիրքեր
սահմանել, որպէսզի առաջին գիծը ձեռքից տա-
լուց՝ դիմադրեն երկրորդում: Եւ չէին սխալուել.
կռիւր վճռական էր ու անընդհատ: Յարատե
յարձակութիւններով թշնամին Տալուորիկի կողմից
կարողանում է թանգ գնով հայերի մի քանի
դիրքերը խլել և այնտեղ հաստատուել: Այդ հան-
գամանքն ստիպում է Սասնոյ այդ մասում ա-
պաստանած ժողովուրդը կռուի անմիջական վայ-
րից հեռացնել դէպի Անտոքայ լեռնահովիտները:

Յուլիսի 15-ին՝ չընդհատուող կռիւնները
հասնում են կատաղութեան վերին աստիճանին:
Մշից բերած ու մեծ դժուարութիւններով տեղ
հասցրած լեռնային թնդանօթները Սասնոյ բարձ-
րութիւններում հաստատելով թշնամին սկսում
է ուժակոծել հայերի դիրքերը, և թնդանօթնե-

րի բօմբիւնները հազար-հազար արձագանգներով՝
տարածում են կոհակաւոր լեռների բոլոր ան-
կիւններում: Սակայն թնդանօթները ևս չեն կա-
րողանում վախեցնել Սասունցիներին ու ճնշող
սպաւորութիւն թողնել, ընկճել նրանց ազատ
ոգին. հայ կռուողները մահն անարգելով՝ հերո-
սական խիզախումներով կարողանում են շատ
տեղերից քշել անարգ թշնամուն, իսկ Սէմալցի-
ների տամնեակները մի աննկարագրելի յարձակ-
մամբ յետ են մղում իրանց վրայ խոյացող
քիւրդ-տաճիկներին, և հարուած հարուածի յե-
տեից հասցնելով նրանց հալածում բաւականին
տեղ:

Միւս ճակատի վրայ էլ Գաբլիեօզի գայմա-
գամը ուսիկաններով ու համիդիէներով, Գէնջօ-
յի ասկեար և Բօզըկցի բազմաթիւ քրդերն էլ
հետը, ուղամամթերքի խոշոր պաշարով՝ Տալու-
րիկի գիծն է ուզում զրաւել, և այդ նպատա-
կով էլ յարձակում է Տալուորիկի գիւղերից
(Թաղերից) մէկի, Հոսնուտի վրայ, որ Սասնոյ
անեղ հրաշալիքներից մէկի, Փոֆո-Քարի մօ-
տերն է ընկած: Հոսնուտի գիծը պահում էր
Տալուորիկի իշխան Համգէն տասն հոգով, որոնց
մի մասը գինուած էր շախմախլի, միւսը՝ գրա
հրացաններով:

Համգէն արիութեամբ դիմադրում է և վեց
ժամ շարունակ կռուելով՝ թշնամուն թոյլ չի

տալիս առաջ անցնելու. բայց վերջը տեսնելով, որ ուժերն սպառուում են, օգնութիւն է խնդրում Գաբլօրի զիրքից. այնտեղից իսկոյն քսան հոգի օգնութեան են գալիս, նոյնպէս զինուած զբաներով ու շախմատիլիներով: Երկու օր տեւում է այդ անհաւասար, զարմանալի կռիւը երեսուն կտրիճների և քսան, երեսուն անգամ թուական առաւելութիւն ունեցող թշնամու միջև: Մարտիկները երկու օր սոված, ծարաւ, անքուն, սակայն առանց մի վիրաւոր անգամ տալու, իրանց զիրքերը ձեռքից բաց չեն թողնում, թշնամիներից շարունակ զիակներ փռելով: Բայց հազիւ նրանք Հոննուտի զիրքերն ապահովեցրել էին, որ Անտաքից հասնում է քրտինքում կորած մի սուրհանդակ՝ հրահանգ բերելով, թէ՛ իսկոյն թողնել Հոննուտի առաջին զիճն ու անցնել դէպի Գաբլօր, ուր գրութիւնը շափազանց լուրջ է, և թշնամին սոսկալի կրակ տեղալով թնդանօթներից ու հրացաններից՝ արդէն Գաբլօրի հայկական զիրքերն է քարուքանդ անում:

Բայց մենակ Գաբլօրը չէր փոանգուած. թշնամին սեղմ շարքերով՝ բոլոր գծերի վրայ մեծ ուժեր էր կենտրոնացրել և անվերջ համազարկերով ու զրոհներով ձեծում էր հայերի զիրքերը՝ յուսալով, որ մի օրն է տեղ կը պատուեն ինքնապաշտպանութեան գիծը, ներս կը

խուժեն, կըշփոթեցնեն հակառակորդին ու... հարցը կը փակուի: Սակայն Սասունցիք մի գիւցազնական տղամարդութեամբ՝ ամեն կողմում ի դերն են հանում վայրենիների գազանական ցանկութիւնները, ու պոզատակուռ, կարճ հարուածներով՝ թշնամուն ստիպում աւելի ապահով տեղեր մտնելու:

Մինչև յուլիսի 18-ը գրոհ՝ գրոհի, յարձակում՝ յարձակման յետեից. անվերջ, անընդհատ, զիշեր ու ցերեկ: Սասնոյ լեռներում մի գարմանալի պայքար էր տեղի ունենում. աշուղներից երգուելու, Հովերուսի գրքերին արժանի մի սքանչելի գիւցազներգութիւն: Մի բուռն քաջեր, լցուած սրբազան կրակով, նոյնպէս անզրբուելի, ինչպէս իրենց վիթխարի լեռները, լեզենդական հսկաների նման ծառացել էին իրանց վրայ արշաւող յովազների ալիքների դիմաց. ալիքներ, որ գալիս էին անվերջ յորձանքներով, զարկում ժայռերին, փշրում, յետ խաղում:

«Անհաւասար կռիւ». այս բառերը շատ քիչ են՝ բնորոշելու Սասունում տեղի ունեցած զէպքերը:

Մի կողմը Սասունը, միւս կողմը՝ թշնամին: Թշնամին իր արամադրութեան տակ ունէր կանոնաւոր զօրք, քրդական աշիրէթներ, ոտքից գլուխ զինուած՝ «խաղաղ» մահմեդական ազգաբնակչութիւն. և այդ բոլորի թիւը տասնեակ-

հագարներով չպէտք է հաշուել, այլ շատ ու շատ աւելի. ի հարկէ, նրանք բոլորը «գործի» մէջ չէին, բայց պէտք նրանք գէպքում պատրաստ, ձեռքի տակ էին: Թշնամին ունէր թնդանօթներ, անթիւ հրացաններ և ռազմամթերքի անվերջ պաշար: Բացի այդ՝ նրա թիկունքը բաց էր Մանագիւրտից մինչև Պօլիս, Տրապիզոնից մինչև Արարբա. փամփուշտը պակասէր՝ հարիւրաւոր բեռներով կրհասցնէր. մարդը պիտի պակասէր, հացը պիտի սպառուէր...

Իսկ Սասունը... հագարի չափ զանազան տեսակի հրացաններ, որոնց մօտ կէսը՝ չափամախլի. փամփուշտների մի ողբալի քանակութիւն. խնայողութիւն՝ չեղած հացի. աղը՝ երկրորդ ամիսն էր, որ չկար, ոչ մի ճանապարհ՝ ռազմամթերք, ուտեստ ներմուծելու. չորս կողմից կուռ շրջապատուած մահմեդական հօրդաններով... մի խօսքով՝ արիւնարբու գազանների ովկիանոսում՝ մի հագիւ նշմարելի կղզի, որտեղ հաւաքուել էին յիսուն հագարի չափ՝ Տաճկաստանում հայ անունը կրելու դժբախտութիւն ունեցողներ, իրանց կեանքն ապաւինելով Սասնոյ լեռներին ու մի հագար քաջերին: Ի հարկէ, Սասունը կարող էր այդ պայմաններում տասը, տասնուհինգ հագար մարտիկներ դուրս բերել կռուի ասպարէզ, եթէ նոյն չափով էլ ռազմական պաշար ունենար, և այն ժամանակ

կռուի վախճանն անշուշտ ուրիշ տեսակ կրլինէր. սակայն նրան չէին տուել, նրան անգէն էին թողել, վախենալով, թէ՛ տաճիկները կը գրգռուեն, եթէ զէնք տան...

Եւ այդ սոսկալի պայմաններում անգամ Սասունը չվարանեց ձեռքը ճարուած զէնքին մեկնելու, երբ «քրիստոնէութեան յաւիտենական թշնամին» իր արիւնոտ դանակը մեկնեց դէպի նրա սղամարդ կուրծքը:

Երեք ամսից աւելի էր, որ Սասունը շրջապատուել էր փաստօրէն և շարունակ կռուի մէջ էր. իսկ վերջին երկու շաբաթը՝ կեանքի և մահուան խնդիրն էր որոշում հայ արծուիկների օրբանում: Հեռու, ինչ որ մթին, անծանօթ լեռներում՝ մի բուռն կտրիճներ ծառ-ծառ էին լինում, ժայռերը մազլցում, քարերը պոկում, հանգիստն ուրացած, քունը մոռացած՝ գերհերոսական ճիգեր գործ դնում իրանց պատիւը փրկելու, իրանց երեխաների կոկորդից յետ մղելու նամարդ թշնամու սուր դանակը, իրանց կանանց ու քոյրերին ազատելու սխալ ստեղծագործութեան զարշելի պտուղ քրդերի բռնաբարանքներից. սակայն ո՞վ էր լսում այն մունչոցը, որ Գաբլօրի բարձունքներից էր թնդում, ո՞վ էր տեսնում այն տիտանական պայքարը, որ Սասնոյ լեռներում էր տեղի ունենում. ո՞վ էր սքանչանում, ո՞վ էր զարմանում սպրելու իրաւունքի

գաղափարի պաշտպանման այն վտեմ, գերագոյն թախչրով, որ բանաստեղծներն ուրիշ գէպքերում բառեր չեն գտնում նկարագրելու համար... Ոչ-ոք, ոչ-ոք չէր տեսնում ու չէր լսում, իսկ լսողների ձեռքերը գօսացած, բոլոր «չէզոքները» օգնութեան ձեռք մեկնել չէին ցանկանում, և Սասունը մնաց իր ճակատագրին...

Մնաց իր ճակատագրին, բայց չնկճուեց հոգով, չյուսահատուեց ու վճռեց.— եթէ մեռնել, ապա՝ ոչ սողալով, ոչ աղբսելով, այլ՝ ընկնել պատուով:

Յարատե յարձակումները թշնամու կողմից՝ պատասխան էր պահանջում հակառակ կողմից. և Սասունցիք պատասխանում են ըստ արժանւոյն. սակայն հետզհետէ սպառուելու վտանգին է մօտենում առանց այն էլ խիստ սակաւ՝ փամփուռաների պաշարը. հրացան կար, որի համար փամփուռա մնացել էր հարիւր հատ, հրացան կար՝ յիսուն, հրացան էլ կար, որ այլևս ոչ մի փամփուռա չունէր. ի՞նչ անել, որտեղից գտնել. զինանոց չունին, ամբարներ չունին: Մնում էր միայն մի ճանապարհ.— անարգել մահը. զարկել խփել թշնամուն, և նրանից խլած զէնքերով՝ պաշարն աւելացնել:

Այդպէս էլ անում են. լցուած վրէժխնդրութեան կրակով Սասունցիք տեղ-տեղ սկսում են զուրս թռչել զիրքերից, շանթակիր, կարճ հարուածներ հասցնել թշնամուն, ու, յաջող գէպ-

քում՝ վերագառնալ զիրքերը, զինուած նոր հրացաններով ու փամփուռաների պաշարով:

Սակայն ինչ էլ լինէր, հերոսութեան ինչ տեսակ օրինականներ էլ տային, Սասնոյ բախտը վճռուած էր. նա, թէև պատուով բայց պիտի մեռնէր կամ ընկնէր արնաքամ... Քուսներորդ զարում, քաղաքակիրթ աշխարհի քթի տակ պիտի ընկնէր Սասունը, դարեր ապրած, դարերի տառապանքների տակ իր ազգային ֆիզիօնոմիան պահպանած, քաղաքակրթուելու ընդունակ, արի Սասունը... և այն էլ ո՞ւմ... մարդկութեան յաւիտենական պատուհաս, ամեն մի կուլտուրայի դահիճ, վայրենի քրդերի ու տաճիկների ձեռքից:

XIV

Յուլիսի 18-ից սկսւում է ճգնաժամը...

Տաճիկ զօրքերն ու համիդիէները ուղղակի բոլոր կարգ ու կանոններով անընդհատ յարձակումներ են գործում հայերի խարխուլուած զիրքերի վրայ. միւս կողմից էլ աշիրէթներն են հարայ-հրոցով, հրացանաձգութեամբ ու ժեղ ցոյցեր անում՝ հայերին շփոթեցնելու ու նրանց ուշադրութիւննին գլխաւոր զիրքերից ուրիշ կողմ զրաւելու: Սակայն՝ ապարդիւն ջանքեր. կորիճ զիրքապահները կրճքնին զէմ տուած

Թշնամու խրոխտ զրոհումներին, ծայրայեղ դէպքում միայն փամփուռներ բանացնելով՝ ամեն անգամ յետ են մղում քրդերին ու զօրքերին, նրանց մեծ կորուստներ պատճառելով:

Չորս կողմից անեղ շղթաներով շրջափակուած հերոսների պողպատակուռ զարկերի առաջ տեղի տալով՝ տաճիկ հրամանատարները լաւ են համարում՝ հայկական միւս զիրքերն ումբակոծելը շարունակելով հանդերձ, ջանք գործ դնել՝ Գաբլօրը, այդ սպառնական ու առաջնակարգ զիրքը խլելու հայերի ձեռքից, որից յետոյ զրութիւնը բոլորովին կը փոխուէր:

Յարմար զիրքերում սարքած թնդանօթներն սկսում են Գաբլօրի ճակատը ծեծել ուժգնօրէն. ուռմբերի զարկած տեղերը փոսեր են գոյանում, քարերի կտորտանքն՝ րն են երկինք թռչում ու նորից ցած թափւում զիրքը պաշտպանող հայերի գլխներին. թնդանօթների որոտոցները, հազարաւոր հրացանների ճայթիւնները, անթիւ թշնամու խրախուսական գոռոցները բռնում են շրջակայքը. կարծես Սասունը դժոգքի վերածուած՝ կրակ ու պողպատ էր դուրս ժայթքում տարաբախտ հայերի համար...

Երկար ժամանակ փոթորկային կրակ տեղալուց յետոյ, զօրքերն «արշ» հրամանը լսելով, միւս կողմից էլ քրդերը առաջ են նետուում մի այնպիսի թափով, որ թւում էր, թէ ոչ միայն

Գաբլօրը, այլ Սասնոյ բոլոր լեռները պէտք է խորտակուին այդ տարերային, արհաւիրալից փոթորկի զօրաւոր զարկից: Սակայն Սասունցիք, փառք նրանց, չեն ընկրկում, չեն փախչում «աման» կանչելով. այլ, չնայելով նրան, որ ուղմամթերքը հատնելու վրայ էր, մի անօրինակ անձնուրացութեամբ «կեցցէ՛» ու «մեռնենք պատուով» աղաղակներով դուրս են թռչում դիրքերից և ուժգին հակահարուածով թշնամու յարձակման թափը կտարելով՝ զիրքերը փրկում: Սակայն թշնամին ուշաբերուելով՝ նորից է յարձակուում, և մի բուռն հերոսներն այս անգամ տեղի են տալիս մարդկային ալիքների ու գլխղակների սարսափելի տարափի առաջ: Գաբլօրը, Սասնոյ այդ խրոխտ պատնէշն անցնում է զօրքերի ու քրդերի ձեռքը, իսկ այդտեղի հայերը նահանջելով անցնում են Աւխօրքնի, որ ինքնապաշտպանութեան երկրորդ գիծն էր, Գաբլօրի դէմ ու դէմ:

Գաբլօրի անառիկ զիրքը վերցնելուց յետոյ, թշնամին արբեցած այդ մեծ յաջողութիւնից, անմիջապէս 2 յաջորդական յարձակում է գործում Աւխօրքնու վրայ՝ այդ գիծը ևս գրաւելու, բայց 2 անգամն էլ բազմաթիւ զիակներ թողնելով կռուի ասպարիզում՝ յետ է քաշուում և ամրանում Գաբլօրում:

Այդ անյաջողութիւնը սակայն չի յուսահա-

տեցնում սուլթանական մսագործներին. մութը թեկոխելուց՝ նրանք վերսկսում են համազարկերն ու գրոհները՝ յուսարով, որ գիշերն աւելի մեծ յաջողութիւն կունենան: Վերին աստիճանի ծանրանում է Աւխորքնու մարտիկների դրութիւնը. դեռ սկզբից ի վեր՝ ամեն մի կռուող այն ժամանակ էր հրացանն ի նշան բռնում, երբ համոզուած էր լինում, թէ արձակած գնդակը թշնամու կամ ճակատը պէտք է փշրէ, կամ կուրծքը ծակէ. որովհետև փամփուշտները խօտոպրակներով չէին. այժմ այդ փամփուշտներից միայն տասնեակներ էին մնում, իսկ Աւխորքնին ձեռքից տալուց՝ կտորւում էր հայերի մէջքը: Այդ վտանգը փորձառու աչքով չափում է Սասնոյ ինքնապաշտպանութեան ոգին, Ռուբէնը, և Անտրից ու Ըմբռնուց օգնութեան է ուղարկում սկզբում մի, ապա էլի երեք տասնեակ, այս անգամ բոլորը զինուած մօսիսի, դրա և մանլիխէր հրացաններով:

Հրաշք է թւում այս բոլորը. Գաբլօրում, իսկ յետոյ Աւխորքնում հայ կռուողների թիւը 60-ից գէնը չէր անցնում. բայց նրանք այդ կատաղի կռիւներում, բացի այն, որ սպանուածներ չէին ունեցել, դեռ կարողացել էլ էին պաշտպանուել երկար ժամանակ. իսկ այժմ, երբ դառնում են 90 հոգի, ժայռի պէս են կանգնում փոթորկի առաջ, և շատ անգամ քարեր

զորելով, ձեռնամերձ կռուի դիմելով՝ դիրքերը պաշտպանում, մինչև լուսանում է յուլիսի 19-ը:

Այդ օրը կռիւն Աւխորքնում շարունակուում է առանց հանդարտուելու նշաններ ցոյց տալու: Առաւօտեան ժամը 9-ին, 60 հոգուց մի խմբակ թշնամու մի թեկից պոկուելով՝ շրջապատում են Աւխորքնու ամենածայրի մի թեթև դիրքը, որտեղ գտնւում էին միայն հինգ հոգի. այդ գծի պատասխանատուն, Մուշեղ անուենով մի երիտասարդ, գործի լրջութիւնը տեսնելով՝ ինքն անձամբ ցած է թռչում երեք հոգով ու դիրքն ազատում: Սակայն դրութիւնն ընդհանրապէս շատ է ծանրանում Աւխորքնու գծի վրայ գորքը նեղում է ու նեղում. Ռուբէնն ուղարկում է դարձեալ 30 երիտասարդներ, և քիչ յետոյ՝ էլի 30, այս անգամ՝ վաղեմի հերոս Կորիւնի առաջնորդութեամբ: Եւ 150 անձուերացները մի հսկայական հարուած հասցնելով կատաղած թշնամու ճակատին՝ նրան վերջապէս յետ է նստեցնում:

Եւ այսպէս՝ դեռ Գաբլօրից սկսուած օրհասական կռիւը երեք օր անընդհատ տեւելով՝ ժամանակաւորապէս կանգ է առնում Աւխորքնու դիրքերի դիմաց և այդ երեքօրեայ կատաղի կռուում, մի անբացատրելի հրաշքով, հայերն ունենում են միայն երեք վիրաւոր. իսկ թէ թըշնամին ինչքան զոհեր է տալիս, այդ կարելի է հասկանալ Սասունցիների այն խրատներից, որ

կանչում էին միմեանց.—այն ժամանակ միայն հրացան արձակիր, երբ համոզուած ես, որ դընդակդ թշնամիներէց մէկի գանգը պիտի փշրէ:

Մենակ Գաբլօրն ու Աւխօրքնին չէին անվերջ գրոհների ապարէզ միւս զիրքերում նոյնպէս կռիւն օրերով շարունակում էր:

Նոյնը այդ օրը, յուլիսի 19-ին, երբ հայ կորիճները մի գերհերոսական ճիգով ազատում են Աւխօրքնու զիրքերը, բորենիների մի քանի հազար՝ Ըմբռնու գօշերը կրծելով՝ նեղն էին լծել այգաեղի զիրքերի պաշտպաններին և բոպէ առ բոպէ սպասում էր, որ ահա թշնամին ներս կը խուժէ, և այն ժամանակ՝ վայ Սասուն ապաստանած յիսուն հազարին...

Սուրհանդակ սուրհանդակի յետևից հասնում է Աւխօրքնի, Անտոքից պատուէր բերելով՝ շուտով օգնութիւն ուղարկել Ըմբռնի: Ուժտապառ, յոգնաբեկ «Աւխօրքնեցիք», որ հազիւ միայն կարողացել էին փոքր ինչ ապահովել իրանց զիրքերը, ստիպուած են լինում առանց այն էլ փոքրիկ ուժերնին դարձեալ փոքրացնել՝ բաժին հանելու վտանգուած կէտերին: Կորիւնը վերցնելով Շէնըկի, Սէմալի, Գելիէգուզանի տասնեակները և էլի երեք ուիշ տասնեակ, բոլորը միասին 100 հոգի ու վագում Ըմբռնի, Անտոքի արևելեան թևը բռնելով: Աւխօրքնիում մնում են միայն 50 հոգի, որոնց վրայ էլ ծանրանում է

այդ նշանաւոր զիծը պաշտպանելու ամբողջ հոգսը:

Բոլոր կէտերում զրութիւնը կրիտիքական է դառնում. թշնամին այնքան ոյժ ունէր, որ հայերի ամեն մի զիրքի դիմաց կարող էր իր քէֆն ուղածին շափ հարիւրներ ու հազարներ դնել. իսկ հայերը... թնդանօթների ուռմբերը զիրքերն են աւերում, իսկ փամփուռաները... սրտեղից, ինչպէ՛ս կարելի էր ձեռք բերել այդ անզին մթերքը. յարմար տեղերում զլորած թշնամուց...բայց դա շատ քիչ էր անսահման կարիքի հանդէպ: Պատուիրում է գրա հրացանների մնացած փամփուռաների գնդակները կտրել, կէսը թողնել փամփուռաների մէջ, իսկ միւս կէսով լրջցնել մի այլ, դազարկած փամփուռա. մինչև անգամ ձեռքի տակ եղած երկաթի կտորները, հրացանների ճիպտաները կտրտելով՝ օգտագործում են իբրև գնդակներ, ի վրաս հրացանների և անշեղ խփելուն: Այնուամենայնիւ, այդ բոլոր սոսկալի պայմանները մէջ տեղ լինելով հանդերձ, Սասնոյ կորիւնները բոլորը մի սիրտ, մի հոգի դարձած, իմանալով, որ պիտի մեռնեն, սչ-ոք սարսափով դէպի յետ չէր ընկրկում, այլ խորթաբար՝ մահուան աչքերին էր նայում, ամեն ջանք գործ դնելով՝ նախ քան մեռնելը, իր պարտքը կատարել, և մէկի փոխարէն՝ 20-ը զլորել:

Այդ մղձաւանջային օրերում՝ ոտքի էր կանգնել ամբողջ Սասունը. կանայք, որ դեռ սկզբից մասնակցում էին տղամարդկանց գործին, այժմ բացարձակօրէն նետուում են կռուի դաշտ: Այդ սև օրերին ոչ ոք անմասն չի մնում ինքնապաշտպանութեան գործում: Կանայք ու երեխաներ ժայռերի, սարերի կատարներին քարերի մեծ-մեծ բեկորներ կուտակելով՝ ցած էին գլորում, և այդ քարերն անեղ զորդիւններով ներքև թռչելով՝ լեռան կրճքից հարկւրաւոր ուրիշ քարեր ևս իրանց հետ թռցնելով՝ իրանց անցած ճանապարհները մաքրում, սրբում էին թշնամիներից: Իսկ այն զիրքերում, որտեղ թշնամին արդէն վերջին հարուածն էր պատրաստում պաշտպանուող հայերին ոչնչացնելու, իսկոյն կտրիճ կռուողների նոյնքան կտրիճ կանայքն էին երևան գալիս՝ իրանց խրախուսանքներով. — հայ բաբամ... հայ զուրբան... մեր երեխաներին թշնամու ձեռքը չտաք... չվախենաք, ամօթ է... մենք չենք վախենում. — կանչում էին նրանք ու գնդակների կարկուտի տակ դէպի այլ զիրքեր վազում՝ այնտեղ ևս ոգեւորման նոր շունչ փչելու: Իսկ մի կին տեսնելով, որ զիրքերից մէկում իր ամուսինը փոքր ինչ կանգ առաւ՝ կանչում է. — էդ ի՞նչ է, մարդ. փամփճւշտդ հատաւ... զօրքը շատ ունի, հասիր ու բեր: — Եւ տղամարդիկ այդ խրախուսանքներից ուժերի նոր հոսանք ստանալով՝ աւելի էին

կատաղում, աւելի յանդուզն թռիչքներ կատարում:

Սասնոյ քահանաները նոյնպէս միացած ժողովրդին՝ թէ քաջալերում էին նրանց և թէ անձամբ մասնակցում կռուին. Գելիէգուզանի տէր-Առաքելը, տէր-Քորոսը, Սէմալի տէր-Կարապետը, Շէնրկի տէր-Յարութիւնը և ուրիշները քաջաբար կռուում էին մարտիկներին շարքերում, որոնցից մէկը, տէր-Կարապետը ընկնում է Ըմբռնիի զիրքերում: Կտրճօրէն ճակատամարտում է և՛ Մատին-Առաքելոյ վանքի Ստեփան վարդապետը. ուրիշ գէնք չունենալով կռուում է ատրճանակով ու ջնայելով ստացած հինգ վէրքերին, նա օրհնելով Սասնոյ քաջերին՝ շարունակում է կռուել, մինչև որ ստանում է վեցերորդ ու եօթներորդ վէրքերն ու ընկնում արնաքամ: Հերոս վարդապետին այդտեղից տանում են Եղկերտ գիւղի անտառը, որտեղ և մեռնում է՝ մի աղանջը դարձրած դէպի Սասնոյ լեռները, միւսը՝ դէպի Բիթլիս, որտեղից ուսսական զօրքն ու վրիժառու հայ եղբայրները պիտի գային:

Սակայն ի գնւր... փրկութիւնը հեռու էր, և առիւծ Սասունը ծանրապէս վիրաւոր, թէև դեռ չէր ընկճուած, բայց մոռնում էր ցաւից և բիւրաւոր գիշատիչ չախկալներ նրա չորս կողմը ծառս-ծառս լինելով՝ ծորացած արիւնն էին հոստտում ու ժանիքնին իրար գարկում:

XV

Զօրքերն ու քրդերը հետզհետէ առաջ անցնելով՝ գրաւում են Գուրշիկն ու Աւխօրքնին: Ինքնապաշտպանութեան այդ կարող գիրքերը ձեռքից տալուց յետոյ, հայերը քաշուում են առաջուց սահմանած երկրորդ գիծը, Կէպին լեռան շուրջը:

Խնդիրը մօտենում էր իր արիւնոտ վախճանին...

Կոիւր մի առանձին թափ է ստանում յուլիսի 20-ին: Սարսափելի էր ուղմամթերքը վերջացած հայերի գրութիւնը. արդէն այս ու այն կողմից՝ «փամփուշտս վերջացաւ» — ձայներ էին տարածւում, ու գիրքերի առաջ տղամարդիկ էին երևում՝ աչքերնին բորբոքուած, կատաղութիւնից շրթունքնին ծումուած և առանց փամփուշտի հրացաննին՝ պողպատէ մատներով սեղմելիս. կարծես փամփուշտն սպառուելուց առաջացած գայրոյթը հրացանների վրայ էին ուզում թափել: Քիչ յետոյ մի քանի տեղերից, սիրտ կրտրատող անքոցի հետ՝ հրացանների քարերին զարկուելու ձայներ ևս լսում են... էլ պահէին, ինչ անէին. մահակներ քիչ կային. առանց փամփուշտի հրացանն էլ մի մահակ է:

Թնդանօթները եռանդուն կերպով գործի

դնելով ու հազարաւոր հրացաններից կրակ տեղալով՝ զօրքերն ու քրդերը միահամուռ յարձակում են սկսում գէպի Սուրբի, Կէպինի, Ըմբրունիի և Անտոքի գիրքերը: Առաջին յարձակումը վերջանում է թշնամու նահանջով, որին սակայն յաջորդում է երկրորդ գրոհը՝ աւելի յամառ, աւելի կատաղի:

Անտոքի գիրքերը թնդանօթների աւերածութեանցն են ենթարկւում, ումբերն իրար յետևից թռչում են այնտեղ, և Շէնրկի մի տասնեակին ամբողջապէս ոչնչանում են նրանցից, բայց և այնպէս՝ հայերն Անտոքից մի քայլ յետ չեն գնում, ու պահպանում են գիծը՝ կատարեալ ինքնամոռացութեան հասած սառնասրտութեամբ ու անվերջ գովքի հերոսութեամբ:

Մեծ վտանգի է ենթարկւում և Ըմբրունին, որի վրայ թշնամին գեռ վաղուց էր կենտրոնացրել իր ուշադրութիւնը, և ամեն հնար գործ գրել՝ այդտեղի գիրքերը ոչնչացնելու. և այժմ էլ ջանք էր թափում՝ համներու նպատակին: Բայց անս վճռական ըոպէին ծառանում է Կոբիւնը. — տղէրք, ձեզ տեսնեմ, — կանչում և 150 հոգի վերցրած՝ դուրս թռչում գիրքերից, փոթորկի պէս համում, քշում թշնամուն և աննշան վրասով՝ վերադառնում նախկին տեղերը: Այդ շանթակիր գրոհները նա կրկնում է մի քանի անգամ, և ամեն անգամ խայտառակ փա-

խուստի ստիպում հազարաւոր թշնամիներին՝ նրանց դիակներով Լմբռնու փէշերը ծածկելով: Բայց... նզովեսն՝ փամփուշա... ամեն մի հրացանին՝ մի քանի հատ փամփուշա էր մնացել միայն, մինչդեռ թշնամին նոր ոյժեր ստացած՝ դարձեալ պատրաստուում էր յարձակման անցնելու և յառաջախաղ շարքերն արդէն առաջ էին շարժուում: Սակայն այդ վշտալի հանգամանքը ևս չի յուսահատեցնում աննման Կորիւնին. դիրքից-դիրք թռչելով՝ խրախուսում է իւրայիններին, ոչինչ համարում փամփուշտի բացակայութիւնը, պատրաստուելով մի խիզախ քայլ անելու. — յարձակուել առանց երկար ու բարակ մտածելու, ո՞վ կրմեռնի՝ պատիւ նրան, ո՞վ կենդանի կրմնայ՝ թող աշխատէ ռազմամթերք խլել թշնամուց ու հասցնել դիրքերը: — Այդպէս էր ծրագրել Կորիւնը, և այդպէս էլ պէտք է սնէր. սակայն թշնամու գնդակը վերջ է տալիս հերոսի կեանքին և նա ընկնում է ընկերների թևերին՝ վերջին շնչումը կանչելով. — քաջ կացէք, սղէրք...

Կորիւնի մահից յետոյ՝ նրա տեղն է անցնում Սէմալցի մի ուրիշ կորիւն, որ տեսնելով, թէ՛ այնուհետև Լմբռնի մնալը կընշանակէ մեռնել անօգուտ, տասնեակները վերցրած՝ նահանջում է Անտոք, որից յետոյ անմիջապէս գալիս են վատերն ու նստում Լմբռնու դիրքերում:

Ռազմամթերքի ընդհանուր պակասութեան պատճառով՝ թշնամին յաջողութիւն է ունենում և՛ Սուրբի կողմում. այդտեղ երկարատև, սարսափելի ճակատամարտից յետոյ վերջանում են հայերի փամփուշտները, իսկ չախմախլիներն առանձին մեծ օգուտ տալ չէին կարող ու մարտիկները նոյնպէս հաւաքուում են Անտոք՝ առանց փամփուշտի հրացանները մահակի տեղ ձեռքներին բռնած:

Ուժեղ կռիւը շարունակուում է Անտոքի լեռնադաշտի հիւսիսային կողմում. այդտեղ Շէնրկցիք էին գիծը պահպանում և մինչև վերջը թըշնամին չի կարողանում նրանց դուրս քշել դիրքերից: Ընդհակառակը, Շէնրկցիների մօտ դեռ ռազմամթերքի մի քիչ պաշար կար, և դա թևաւորում է արի լեռնականներին. յարձակման ձեռներեցութիւնն իրենց վրայ վերցնելով՝ երկու անգամ ճարպիկ ու վճռական գրոհով սեղմում են Գրեքօլի և Մերկերու կողմն ամբացած թըշնամիներին, նրանց քշում այն ամուր դիրքերից՝ գրաւելով մի քանի հրացաններ ու որոշ քանակութեամբ փամփուշտներ, որ այնքան թանկագին էին այդ օրհասական բռնիներին:

Պակաս կատաղած չեն լինում և՛ կէպլինի կռիւները. այդտեղ երկու կողմերն էլ փոթորկի նման բազմաթիւ անգամ են բաղխուում իրարու, և ուժեղ բաղխումից յետ թռչողները՝ վրժ

քուրդ-տաճիկներն են լինում, որոնք ամեն անգամ հայերի դիրքերի առաջ բաւականաչափ դիակներ էին թողնում, մինչև ապահով տեղերում ծածկուելնին: Բայց իրիկնադէմին հայերի փամփուշտները գրեթէ վերջանում են, և կրտրիճները՝— ախ, փամփուշտ— հառաչելով՝ բարձրանում են Կէպինի գագաթը, այնտեղ դիրքեր սարքում՝ հետևեալ օրը եղած-չեղածով կոխը շարունակելու, մինչև իրենց բազմատանջ կեանքի վերջը կը հասնէր...

Արդէն ամեն դիրքերից լուրեր են հասնում, որ էլ փամփուշտ չկայ, կամ բոլորովին մօտ է վերջանալուն: Հերոս Սասունցին նայում էր դադարկ փամփուշտակալներին և կսկծից գալարուելով՝ այնպէս «փամփուշտ» կանչում, որ վշտի ծուխը քթիցն էր ելնում:

Սակայն այդ գրութեան մէջ ևս Սասունցի կանայք դեռ սիրտ ու քաջութիւն ունէին դիրքից-դիրք վազելով՝ տղամարդկանց ոգևորութիւն ներշնչելու.— կաներ խօ ունիք,— կանչում էին նրանք,— քնջ կացէք, դիմացէք...

Վրայ հասած մութը մի քիչ միայն իջեցնում է երկարատև կռուի թափը: Բայց երբ բացում է յուլիսի Ձ1-ի առաւօտը, դրա հետ էլ վերսկսում են յարձակումները բոլոր կէտերի վրայ՝ նախկին ուժգնութեամբ: Սակայն հայերը դեռ կարողանում էին թէ գարկել, և թէ պաշտ-

պանուել, իսկ թէ ինչո՞վ, ի՞նչ միջոցներով.— դա անբացատրելի է և պէտք է միայն Սասունցու անխորտակելի ոգուն հարցնել: Թշնամին այնքան ջանքեր գործ դնելուց յետոյ, մնացել էր ապշած, շմուած, թէ ինչպէ՞ս են կարողանում մի բուն կարիճներ դիմադրել թնդանօթներին, տասնեակ հազարաւոր քիւրդ-տաճիկներին, անթիւ հրացանների անվերջ համազարկերին,— ոչ միայն դիմադրել, այլ և պէտք եղած ժամանակը զարմանալի յանդուգն հակա-յարձակումներ գործել և այնքան զգալի աւերածութիւններ անել թրշնամու շարքերում:

Բայց անարգ թշնամին շատ լաւ դիտէր, որ դրոսից հայերին օգնութիւն հասնող չի լինելու, երբեիցէ կը վերջանայ լեռնականների ռազմական պաշարը, և վերջապէս՝ եթէ գէնքով չվերցնեն՝ սովով խօ կը խորտակեն Սասնոյ դիմադրական ոյժն:

Սակայն թշնամին սխալում էր. Սասնոյ ոյժն արդէն խորտակուել էր... փամփուշտ չկար...

Սասունը ոռնում էր ցաւից, մռնչում կատաղութիւնից, ինքն իրան կրճում, որ այսուհետև ինքը ոչ թէ պէտք է կռուի, այլ կոկորդը դէմ անի աւանդական թշնամու եաթաղանի հարուածներին... Սասունը, դիւցազունների չքնաղ երկիրը պիտի թրպրտար՝ լպիրշ բորենիների պատառտող ժանիքներին ենթարկուած:

Այսպէս թէ այնպէս, գործը վերջացած էր և յուլիսի 21-ին, կէսօրից յետոյ ժամը 2-ին հրահանգ է արւում, որ երեկոյեան բոլորը՝ թէ՛ ժողովուրդ, թէ՛ մարտիկներ, հաւաքուեն Անտոքայ հովիտը...

XVI

Շրջակայքից Սասուն ապաստանած և Սասնոյ բուն ժողովուրդը ճիշտ է, սովից շատ էր տանջուել, բայց կորուստ դեռ չէր ունեցել, եթէ չհաշուենք պատահական գնդակներին զոհ գնացածներին: Կռուի սկզբից՝ ժողովրդի մեծ մասը Անտոքայ հովտում էր տեղաւորուել. իսկ իրիկունը, ըստ տրուած կարգադրութեան, ամեն անկիւններից, հատուած-հատուած՝ բոլորը կենտրոնանում են այնտեղ: Պատկերանում է մի սրտաճմլիկ, սպանիչ տեսարան. — 50,000 ժողովուրդ. կանայք, երեխաներ, օրօրոցներ՝ ծծկեր մանուկներով... երեխաները լալիս են. զգում են, որ մի վատ, շատ վատ բան պիտի տեղի ունենայ: Յերեկուայ կտրիճ կանայք՝ այժմ լաց են լինում լուռ ու մունջ, աշխատելով արտասուքներն թազցնել. ծերերը, կարծես ծանր բեռան տակ՝ տնքում են. երիտասարդները վշտամորմոք են, լուռ, բայց կատաղած. մի կատաղութիւն, որ գործնականօրէն հանգէս բերելու հնարաւո-

րութիւն չլինելով՝ սպանում է մարդուն. այդպիսի գրութեան մէջ է լինում հերոսը, երբ ոտ ու ձեռք կապուած են, իսկ շուրջը պար են բռնել ստոր արարածներ, որ համարձակ, աներկիւզ ծաղրում են նրան, հայհոյում, արացիներ զարկում, թքում երեսին, և կապկպուած հերոսին մնում է միայն ատամները կրճտացնել. առանց իր պողպատակուռ բռունցքը թզուկներէի գարշելի գանգերին իջեցնել կարողանալու:

Ժողովուում են Սասնոյ իշխանները, քահանաներն ու յայտնի անձնաւորութիւններ, թէ՛ ինչ անել այժմ:

Ինչ անել... հեշտ էր այդ հարցին պատասխանելը: Հեշտ կը լինէր, եթէ բաւականաչափ ռազմամթերք ունենային. բայց որ չկար, ո՞վ կարող էր մի սրևէ խորհուրդ տալ:

Բայց ինչ էլ որ լինէր, հարկաւոր էր մի սրևէ բան մտածել: Ոմանք առաջարկում են, որ եղած-չեղածից մի բան զգացնեն, մի 50—70 հոգով յարձակում գործեն թշնամու վրայ գանազան կէտերից, նրանց շփոթեցնեն, իսկ ժողովուրդն այդ միջոցում շտապէ իրեն գցելու Ադրբի անտառները՝ այնտեղ միառժամանակ պատասպարուելու: Ուրիշները այդ առաջարկութեան դէմ առարկում են, թէ՛ իրենց ունեցած երկու ջուխտ մի կէնտ փամփուշտներով այսուհետև թշնամուն զբաղեցնել չեն կարող և իզուր տե-

դից աւելորդ կորուստներ կը տան. աւելի լաւ է՝ բաժանուեն հատուածների, ամեն մի հատուածին կցել մի քանի հրացանաւոր, և միմեանց յետեից դուրս գալ զանազան ուղղութեամբ:

Տեսնելով, որ ոչ մի խորհրդակցութիւն ցաւին դարման տանել այլևս չի կարող, զուր տեղից ժամանակ են կորցնում, վճռում են անել այն, ինչ որ վերջի վերջոյ, բոլոր որոշումներէից յետոյ՝ պէտք է անէին. այսինքն դուրս գալ Սասունից, հասնել Քան, Քանից ուստական բանակը. ով կը հասնէր՝ կը հասնէր, ով չէ՝ չէ...

Ժողովուրդն արդէն զիտէր, որ փամփուշտը հատել է, որ սպառուել են պաշտպանուելու բոլոր միջոցները. բայց էլի սպասում էր, թէ՛ զուցէ մի բան, մի սրտապնդիչ բան դուրս գայ անյայտ ազբիւրից, բայց անս «սրտապնդիչ բանը» դուրս է գալիս, թէ՛ պէտք է թողնել Սասունը:

Մի ամբողջ հերոս ժողովուրդ, զիշերը, կին ու երեխաներով՝ պոկ է գալիս տեղից, մտազրուելով անցնել Շաշկա-Մուշէի հովիտը, ապա Գորշիկի հովիտն ու հասնել Աղբի, այնտեղից, եթէ բախտն աջողի՝ Քան: Սակայն՝ այդպէս մտածում էին միայն. քիչ յետոյ, յիսուն հազարանոց ամբոխը, փոթորկի ձեռքին խաղալիք դարձած, դեկը կորցրած նաւի նման՝ սկսում է այս ու այն անկիւն շարտուել, տեղի է ունե-

նում մի ընդհանուր, խուճապային խանգարումն, և տիրաբար, բոլորի համար մի նոր նշանաբան է ստեղծուում, թէ՛—թող ազատուի, ով կարող է... Եւ մարդկային ծովն ալեկոծւելով՝ կտրտուում է հատուածների, իսկ իւրաքանչիւր հատուած էլ, կտրուած միւսներէից՝ առաջ է անցնում կամ ընտրած, կամ պատահական ուղղութեամբ... Գազարկուում էին Սասնոյ լեռները. և այնտեղի հերոսական ժողովուրդն այժմ ճակատագրի մի անողորմ հարուածով փախստական դարձած, խորտակուած, խեղճացած դէպի սարսափելի անյայտն էր դիմում և զնդակի առաջ աչք չթարթող Սասունցի ծնողներն այժմ իրանց ճշացող երեխաներին էին սաստում, որպէսզի լռեն ու նրանց ձայնը չլսէ արնախում թշնամին:

Տալուորիկցիների մի ստուար խումբ իջնում է ու ամրանում Տալուորիկի անմատչելի ժայռերի խոռոչներում ու այրերում: Մի այլ խումբ անցնում է Ծովասար, որտեղ ընդհարում են ունենում հետամտող զայրերի մի վոհմակի հետ, հրացանաւորներն իրանց ունեցած մի քանի փամփուշտներին ապաւինած՝ վրիժոյ ծարաւով լըցւած վրայ են տալիս, հալածում թշնամուն, ապա յաջողութեամբ եխում Կոնկան-Գեօյ կոչուած տեղը, այնտեղից էլ հասնում Քան ու միանում Մշեցիներին, ուր Մշոյ ազէտից յետոյ՝ մահից ազատուածներն էին հաւաքուել:

Շէնրկցիք ու Սէմալցիք անցնում են Կոր-
դուք ու յանկարծ տեսնում, որ իրանք օսմա-
նեան գօրթի թիկունքն են գտնում. ինչպիսի
յարմարութիւն՝ թշնամուն արժանաւոր հատու-
ցումն տալու. և նրանք այդպէս էլ կը վարուէին,
եթէ գէնք ունենային. ու՛ «գէնք» հառաչելով,
Սամնոյ այդ անպարտելի կտրիճները, որ քա-
ջութեան գարմանալի օրինակներ շատ անգամ
են տուել վերջին տասնամեակներում, այժմ
աշխատում են աչքի չերևալ ու իջնում են Ամ-
րէի ձորը, որտեղ Շէնրկցիք պաշարուելով բազ-
մաճազար թշնամիներից՝ ամբողջապէս նահա-
տակոււմ են. ազատում են միայն 54 տղա-
մարդ... Նոյն վիճակին են ենթարկոււմ և՛ Սէ-
մալցիք—Ծիծեռնի ձորում և ազատում՝ միայն
33 հոգի...

Աղբեցիք փոքր վրասով հասնում են Ծովա-
պար և այս ու այն ժայռերում, թփուտներում
թաղւում: Գելիէզուզանցիք և Իշխնձորցիք կի-
սովիմբ ոչնչանում են: Իսկ Սասունից իջած՝
մնացած ժողովրդի մի մասը կոտորւում է, միւս
մասն էլ ձեան շերտերի տակ, անտառներում,
ձորերում ու այրերում թագնուելով՝ առ այժմ
կարողանում է ազատուել սրածութիւնից, որպէս
զի յետոյ սովից մեռնէ...

Ահա այդպէս աւերուեց Սասունը. աւե-
րուեց, որովհետև բնակիչները արիւնակզակ, կուլ-

տուրասպան քրդեր չէին, կամ մարդկութեան
պատուհաս տաճիկներ. աւերուեց Սասունը, որ
ուրիշ բարեկարգ պետութեանց մէջ մի նախան-
ձելի մարգարիտ կարող էր լինել իր սար ու
ձորերով, գեղեցիկ բնութեամբ ու տղամարդ
բնակիչներով...

Բայց եղածով չբաւականացաւ տաճիկ զահիճ
կառավարութիւնը: Յուլիսի 21-ից յետոյ՝ երկար
շաբաթների ընթացքում՝ Սամնոյ լեռներում
վիտում էին Օսմանեան «քաջայաղթ» զինուոր-
ներն ու Աբդուլ-Համիդից որդեգրուած քրդերը,
և ինչպէս որսորդական շները թփէ-թուփ, քարէ-
քար անցնելով՝ վերաւորուած որսն են որոնում,
այնպէս էլ նրանք էին աշխատում գտնել թագ
կացած հայերին՝ վերջնականապէս բնաջնջելու
այն հպարտ լեռների դժբաղդ զաւակներին:
Միւս կողմից էլ հայերն էին դուրս գալիս ա-
պաստարաններից և մխացող սրտով ձորերն ու
անտառները չափչփում՝ կորցրած սիրելիներին
գտնելու, որպէսզի սովից կամ միասին մեռնին,
կամ սպանուին թշնամուց, և կամ միասին ա-
զատուին մի որևէ հրաշքով...

Ճիշտ է, այդ որոնումների ժամանակ քիչ
քրդերը չեն պատառ-պատառ լինում ամեն ինչ
կորցրած հայերի կողմից. բայց և ինչէր չի տես-
նում պարտուած, երկնքից ու երկրից մոռա-
ցուած Սասունցին. — դիակներ, դիակներ ու դի-

ակներ, և դրանց հետ՝ գետինը շանկուտող, արիւնաթաթաւ վիրաւորներ, սովից նուազած երեխաներ, թափթփուած ապրանքներ, ջարդ ու փշուր արած գէնքեր...

Ընդհանուր խուսափման ժամանակ, ժողովրդի մի մեծ խումբ, չկարողանալով աւելի արագութեամբ մի որևէ «ապահով» տեղ հասնել, Գորշիկի հովտում շրջապատուած է անհամար քիւրդ ու տաճիկներից. և մի քանի հազար անգէն ժողովուրդը կոտորուած են այդտեղ՝ անխնայ կերպով. ծեր, կին, երեխայ, պառաւ... դիակների սարսափելի դէպեր են շարուած իրար կողքի: Գազաններն իրանց գործը վերջացնելով՝ հեռանում են այդտեղից, գէնքերնին քաջագործութեանց նոր դափնիներով պսակելու: Մի քանի ժամ յետոյ, դիակների դէպերի տակից դուրս է սողում 9—10 տարեկան մի երեխայ, չորս կողմը նայում, և մարդկային այդ հեկատոմբը տեսնելով՝ չի կորցնում իրան, այլ հրեշտակային մի ազնիւ մղումով՝ ման է գալիս դիազաշտն ու մի հրաշքով ազատուած՝ դարձեալ 8—9 երեխաներ հաւաքում, չորսից-վեց տարեկան: Եւ ամբողջ 15 օր այդ երեխան խնամում է «իր որբերին»: վայրի հասկեր է հաւաքում, ափումը տրորում ու նրանց հատիկներով կերակրում թշուառ մանուկներին, ջուր բերում, խմացնում, սփոփում, սիրտ տալիս, մինչև որ կորցրած մեր-

ձաւորներին փնտրող մի-երկու Սասունցիներ պատահում են նրանց, ու հայի բաժին կեանքն անիծելով՝ վերցնում իրանց հետ:

Այդպիսի հոգի քաղող, զգայացունց միջնադէպեր շատ են պատահում Հայկական Տաւրոսի այս ու այն անկիւններում. բայց արժէ նկարագրել. բաւական է միայն ասել, որ Սասնոյ մարտական կորովը փշրուած էր միանգամայն և այժմ այնտեղի ժողովրդի բեկորները զանազան խոռոչներում ու թփուաներում թափնուած՝ սպասում էին վերջին ժամին, որ կամ գէսը պիտի կտրէր, կամ գէնը...

XVII

Ի՞նչ կատարուեց Մշոյ-դաշտում. այդ մասին երկար կանգ առնելու բան չկայ. կրկնութիւններ կըլինէին:— Կոտորեցին, — անս բոլորը. իսկ թէ տաճիկներն ինչպէս են կոտորում կին ու երեխաներին, այդ արդէն յայտնի է:

Մի երկու խօսքով յիշատակենք, որ երբ ռուսական բանակն առաջանում է Վանայ լճի ափերով, տաճիկ կառավարութիւնը խորհրդի է կանչում բոլոր աչքի ընկնող քուրդ շէյխերին, բէյերին ու նշանաւորներին, նրանց հետ մեծ խնամքով՝ դաշտի կոտորածը կազմակերպում:

Նրանք բոլոր գիւղերը բաժանում են իրանց

մէջ, օրը, ժամը նշանակում, որպէսզի ամեն մարդ որոշուած աեղը լինի և նշանը տրուելուն պէս՝ իւրաքանչիւրը վրայ հասնէ ու «իբ» գիւղը բնաջնջէ: «Գործը» միանգամայն ապահով դարձնելու համար զանազան պատրուակներով ամեն մի գիւղում որոշ քանակութեամբ զինուորներ, ոստիկաններ ու քրդեր են դնում, և մի այնպիսի շղթայ ստեղծում, հազորակցութիւնն այնպէս կտրոււմ, որ մի գիւղ՝ իրանից կէս ժամ հեռաւորութիւն ունեցող միւս գիւղից ո՛չ մի տեղեկութիւն չի ունենում:

Այդ բոլոր, տաճիկ կառավարութեան համար պետական անհրաժեշտութիւն ներկայացնող պատրաստութիւնները տեսնելուց յետոյ՝ յունիսի վերջերքին՝ միաժամանակ դաշտի 102 գիւղերում սկսւում է կոտորածը. տաճիկա-քրդական սուրը մի ծայրով տալիս՝ միւսովը դուրս է գալիս, և մի քանի օրից յետոյ Մշոյ դաշտում մնում են միայն ունացող շներ, աւերակ գիւղեր ու դիակներ, դիակներ...

Ա, ի, կը լինի՞ դրա հատուցումը երբ և իցէ...



Վ Ա Ն

I

Վասպուրականը պատկանում էր Արծրունեաց տոհմին և կոչւում էր «Երկիր Արծրունեաց», կամ՝ «Աշխարհ Արծրունեաց»: Թէ որ տեղից է ծագել Վասպուրական անունը և որ ժամանակից, որոշ յայտնի չէ, միայն պարզ է, որ այդ նահանգը շատ հնուց գոյութիւն ունէր: Կոնստանդին Պերֆէրուժէսի ժամանակ նա յիշատակում է «Վասպարակակա» անունով. Կէզրէնոսը նրան «Ասպրականիա» և «Վերին Մարք» է կոչում: Յովհաննէս Սկիլիցիսը գրում է «Վասսպրական», Ստրաբոնը՝ «Վասսորուպէտայ» և այլն:

Վասպուրականը Հայաստանի ամենամեծ նահանգն է եղած. պատմութիւնից յայտնի է, որ Սենեքերիմ Արծրունին թուրքերի խժգժութիւններից նեղուած՝ Վասպուրականը 1201 թուին սուլա Վասիլ Ա-ին, նրա փոխարէն Սերաստիան ստանալու պայմանով: Ահա այդ մասին

ինչ է գրում Յայամաուրքը, որով Վասպուրահանի մեծութեան մասին մի գաղափար կարելի է կազմել:

Սենեքերիմ Արծրունին «եա կայսերն զկալուածս իւր, բերդս հր (72), զիւզս դռ և դճ (1400), լայնանիստ և արդիւնաւորս, և քաղաքս ժ (10), զԽլաթ, և զԽողց, և զԽիզան, և զԿեացն, զԱրճէշ, և զԱրծկէ, և զՄանկերտ, զբոլոր թումանս (գաւառս) Խլաթայ, ի լեռանցն Սասնոյ մինչ ի Սոան, և ի Նուանս, ի Սալամաստ, և ի Ջղամաթ (Ջուլամերկ)»:

Սենեքերիմը Սեբաստիա է փոխադրուում «ժդռ (14000) ձիաւորօք՝ տամբ և որդւովք»: Այսքան մարդկանցով ելնելուց յետոյ, երկիրը լի էր բնակչութեամբ, պակսելը չէր զգացուում. մենաստանների թիւը 900-ի էր հասնում, որ տրուած չէին Վասիլ կայսրին:

Վասպուրականը բաժանուում էր 37 գաւառների, որոնցից մէկն էր Տոսպը՝ Վան քաղաքով: Վանը հնագոյն ժամանակներից գոյութիւն ունէր և կոչուում էր Աւան: Վանի անուան ծագումը ևս անյայտ է: Մեսրոպը երէցը Ս. Ներսիսի պատմութիւնը գրելով՝ ասում է, որ Ներսէսը գնաց մի գիւղաքաղաք Վասպուրականում, «և անուն գեղջին Աւանս կոչեցեալ»: Կայ և մի աւանդութիւն, որ յայտնում է, թէ այդ քաղաքը շինել է հայկազուն Վան թագաւորը և իր

անունով Վան կոչել: Մեր պատմութեան մէջ Շամիրամակերտ անունը ևս կրում է, իբրև հիմնուած Շամիրամից:

Վանը մի քանի անգամ վերանորոգուել է. իններորդ դարու վերջերում դրանով զբաղւում է Դերանիկ Արծրունին, որից յետոյ նոյնը շարունակում է իր որդի Գագիկ թագաւոր Արծրունին, բազմատեսակ պալատներ ու շինութիւններ հրաշակերտելով: Թովմաս Արծրունին այդ նորոգութիւնների մասին խօսելով՝ ասում է. «Հարաւակողմն կուսէ ի շրամբար արձանագործ քարեղէն ճանապարհ աստիճանեալ ներքուստ ի վեր մինչ ի կատար անձաւին՝ հեշտալիք զել և զէջնս յօրինեալ քարագործ աւագամած կրագործութեամբ: Այլ և պատկանաբար իմաստութեամբ պատասպարեաց շրմուղ ներքսագոյն երկրի ի քարանց տաշելոց փողոցս գնացից շրոյն կազմեալ. գալ իջանել յելից ի ստորոտէ լեբինն Վարազայ*) շեղեալ ի հարաւոյ ի հիւսիսոյ ի խաղաղ, ընդ լայնանիստ գողածև դաշտականացն ելանել ի գագաթն ամրական անձաւին»:

Հայաստանի միւս քաղաքների ու գիւղերի նման՝ Վանը ևս իր գոյութեան ընթացքում շատ բռնութիւնների և աւերումների է ենթարկուել: — Շապուհը հայոց Արշակ երկրորդի ժամանակ

*) Վարագի ստորոտից Վան իջնող, Արծրունու հիմնած ջրանցքն այժմ էլ գեւ մնում է: Ա.

աւերանքի ենթարկեց և միայն գերի՝ 23,000 մարդ տարաւ:

Սրահանգ ներքինին XI դարում պաշարում է Վանը, մարզկանց սրի բերան անում ու քաղաքն այրում: Լէնկթէմուրը XIV դարում գրաւում է Վանը և այնպիսի սարափելի կոտորած անում, որ, ըստ պատմիչների, բերդից ձգուած մարզիկ այլևս չէին մեռնում, որովհետև սպանուածների դիակոյտերը մինչև բերդն էին բարձրացել: XV դարում, երկարատև պաշարումից յետոյ Իսկանդարը վերցրաւ քաղաքը՝ բռնաւորներին յատուկ բարբարոսութեամբ: Վերջին անգամ, 1553 թուին տաճիկները գրաւեցին, որոնց ձեռքին տազնապում է ահա մինչև այսօր:

Չկան այլևս այնտեղ Արծրունեաց ոսկեգօծ ապարանքները, ոչ ճանապարհը՝ «աստիճանեալ ներքուստ ի վեր», և ոչ էլ միւս հրաշալիքները, որի մասին մեր պատմութիւնն է խօսում: Բայց այնտեղ կան միայն աւերակներ, աւերակներ ու աւերակներ, որ «ցուցանեն զգործ խզօրաց և նախնեաց», մարզկանց սիրտը լցնելով դառնութեամբ ու թախծով:

Շատ գեղեցիկ է Վանայ դիրքն ու բնութիւնը. Այգեաստանը մի եղեմ է, այգիներով պճնագարգուած. — պտղատու ծառեր, ծաղիկներ, քաղցր, ախորժանամ ջուր: Կանայք՝ գեղեցիկ,

տղամարդիկ՝ ժիր, աշխատասէր և բողոքող, ըմբոստ այն օրուանից, երբ հայ մարտիկի խօսքն ու գործը սաղմնաւորուեց Վասպուրականում: Ժիր ու աշխատասէր, բայց միշտ չքաւոր, միշտ աղքատ... տաճկական ազրուկն անգույ եռանդով ծծում էր նրան, հիւթերը քամում՝ դանդաղ մահով մեռցնելու համար. բայց Վասպուրականը չմեռաւ, վրէժինդրութեամբ լցուած՝ վերջապէս նա շարժուեց, թափ տուաւ թևերը, իջան հարուածները և քուրդ ու տաճիկները գարմացան հրաշքից. — մեռեալ կարծուածը՝ կենդանանում էր... այդ դեռ ոչինչ, դարկում էլ էր:

Այդ արդէն տանել չէր կարելի. և քրդական եաթաղաններն ու գօրքերի սուխններն աւելի եռանդուն կերպով սկսեցին գործել. — զիւղերի տեղ՝ մոխիր. արտերի տեղ՝ խոպան դաշտեր. այգիների տեղ՝ ճղակոտոր չոր ծառեր. — այդ ձևով ցանկացաւ բաւարարել տաճիկ կառավարութիւնը իրան անդող հպատակներին. բայց մի անգամ արդէն ազատագրման ճանապարհը բռնած՝ հայն այլևս յետ կանգնել չէր կարող և նա իր վերջին քսանհինգամեայ պատմութիւնը ոսկեղէն էջերով զարդարեց:

Այդ էջերը պարբարատող անմոռանալի հերոսների յիշատակն է, որ ահա ինձ առիթ է հանդիսանում նրանց գործերի մասին փոքր ինչ խօսելու:

II

Վարդանը, Գուրգէնը, ես և ուրիշ երկու ընկերներ՝ արդէն 10 օր էր, որ ապրում էինք հիւսն Ա-ի տանը, Վազգէնի հետ ծրագրելով մօտակայ անելիքնս: Ասում եմ՝ «տանը», — բայց դա տուն չէր, այլ երկյարկանի մեծ շինութեան ողորմելի բեկորներ, որի ներքեի յարկի «սենեակներից» մէկում մենք տեղաւորուել էինք՝ խիստ գաղտնի պահելով մեր տեղը, որովհետև «բարեմիտ» հայերի թիւն աւելացել էր, և մի փոքրիկ անզգուշութիւնը կարող էր մեզ Ֆէրբիզ Սաադէզզիւնի ճիրաններին մատնել:

Տանտիրոջ վերաբերմունքը գէպի մեզ անշափ լաւ էր. տան բոլոր անդամներն աշխատում էին ամեն կերպ դիւրացնել մեր աննախանձելի կացութիւնը: Նրանք չէին վախենում այն պատուհաններից, որ մեր պատճառով կարող էին իրանց գլխին թափուել. նրանք չէին «խրատուել», չնայելով, որ իրանց տան անդամներից մէկը երկու ամիս առաջ գոհ գնաց ծպտուած զօրքերի ու կատաղած քրդերի գնդակին, և բազմասենեակ, երկյարկանի շինութիւնը մատնուեց կրակի. ընդհակառակը, Ա-ի փոքրիկ, 14 տարեկան աղջիկը, սիրուն թագերը, հրդեհից առա-

ջացած ու մի կողմ ամբարած ածուխը ցոյց տալով՝ ծաղրում էր կառավարութեանը:

— Շնորհակալ եմ Սաադէզզիւնից, — ասում էր նա, — մեզ մի ամբողջ տարուայ ածուխի պաշար հասցրեց:

Եւ մենակ թագերը չէր. ամբողջ Վասպուրականն սպարտական համբերութեամբ տանում էր երկու ամիս առաջ ստացած սոսկալի հարուածներն ու զգալի կերպով նկատուում էր, որ վէրքերն սպիանում են և Վասպուրականի սիրտը, Վանը անխորտակելի առողջութեան նշաններ է ցոյց տալիս:

Երկու ամիս առաջ... իսկ ի՞նչ էր պատահել այն ժամանակ. — եօթնօրեայ ճակատամարտ, հերոսական կռիւ և... աղէտալի վախճան:

Առիթը մի չնչին բան էր եղել. այնքան չնչին, որ միայն սուլթան Համիդին կարող էր զէնք ծառայել ընդհարումներ ստեղծելու, կոտորածներն արդարացնելու համար:*) — Քրդերն անմաքս ապրանք բերելուց՝ դէմ առ դէմ են ելնում տաճիկ պահակներին. «օրէնքը» գործա-

*) Իր ժամանակին՝ Վասպուրականի դէպքերի մասին ընդարձակօրէն գրել եմ մի գրքում. ներելի է, եթէ Վանում տեղի ունեցող ներկայիս յուզումնալից դէպքերն ինձ ստիպում են տեղ-տեղ մտածաբ վերագտնալ արդէն հրատարակած յուշերիս:

II

Վարդանը, Գուրգէնը, ես և ուրիշ երկու ընկերներ՝ արդէն 10 օր էր, որ ապրում էինք հիւան Ա-ի տանը, Վազգէնի հետ ծրագրելով մօտակայ անելիքներս: Ասում եմ՝ «տանը», — բայց դա տուն չէր, այլ երկյարկանի մեծ շինութեան ողորմելի բեկորներ, որի ներքեի յարկի «սենեակներից» մէկում մենք տեղաւորուել էինք՝ խիստ գաղտնի պահելով մեր տեղը, որովհետեւ «բարեմիտ» հայերի թիւն աւելացել էր, և մի փոքրիկ անզգուշութիւնը կարող էր մեզ Ֆէրբիզ Սաադէզդիւնի ճիրաններին մատնել:

Տանտիրոջ վերաբերմունքը դէպի մեզ անչափ լաւ էր. տան բոլոր անդամներն աշխատում էին ամեն կերպ դիւրացնել մեր աննախանձելի կացութիւնը: Նրանք չէին վախենում այն պատուհաններից, որ մեր պատճառով կարող էին իրանց գլխին թափուել. նրանք չէին «խրատուել», չնայելով, որ իրանց տան անդամներից մէկը երկու ամիս առաջ զոհ գնաց ծպտուած զօրքերի ու կատաղած քրդերի զնդակին, և բազմասենեակ, երկյարկանի շինութիւնը մատնուեց կրակի. ընդհակառակը, Ա-ի փոքրիկ, 14 տարեկան աղջիկը, սիրուն Թագերը, հրդեհից առա-

ջացած ու մի կողմ ամբարած ածուխը ցոյց տալով՝ ծաղրում էր կառավարութեանը:

— Ծնորհակալ եմ Սաադէզդիւնից, — ասում էր նա, — մեզ մի ամբողջ տարուայ ածուխի պաշար հասցրեց:

Եւ մենակ Թագերը չէր. ամբողջ Վասպուրականն սպարտական համբերութեամբ տանում էր երկու ամիս առաջ ստացած սոսկալի հարուածներն ու զգալի կերպով նկատուում էր, որ վէրքերն սպիանում են և Վասպուրականի սիրտը, Վանը անխորտակելի առողջութեան նշաններ է ցոյց տալիս:

Երկու ամիս առաջ... իսկ ի՞նչ էր պատահել այն ժամանակ. — եօթնօրեայ ճակատամարտ, հերոսական կռիւ և... աղէտալի վախճան:

Առիթը մի չնչին բան էր եղել. այնքան չնչին, որ միայն սուլթան Համիդին կարող էր զէնք ծառայել ընդհարումներ ստեղծելու, կոտորածներն արդարացնելու համար:*) — Քրդերն անմաքս ապրանք բերելուց՝ դէմ առ դէմ են ելնում տաճիկ պահակներին. «օրէնքը» գործա-

*) Իր ժամանակին՝ Վասպուրականի դէպքերի մասին ընդարձակօրէն գրել եմ մի գրքում. ներքի է, եթէ Վանում տեղի ունեցող ներկայիս յուզումնալից դէպքերն ինձ ստիպում են տեղ-տեղ մատամբ վերագտնալ արդէն հրատարակած յուշերիս:

դրելու ժամանակ՝ սպանուում է մի փոխ-սպայ և վերաւորուում մի զինուոր: Ասում են նոյնպէս, որ ընդհարումը տեղի է ունենում ոչ թէ քրդերի, այլ Հնչակեանների մի խմբակի հետ, որ Վարազից գիշերը վերադառնում էր Վան:

Այսպէս թէ այնպէս՝ սպանութիւնը կատարուել էր. իսկ թէ ում՝ ձեռքով, — այդ արդէն աւելորդ մանրամասնութիւն էր կառավարութեան համար. նրան հայի արիւնն էր հարկաւոր, և ոչ յանցաւորներին ճարելը: Ուրեմն՝ էլ ի՞նչ գարմանալու բան, եթէ հետեւեալ օրն իսկ սպանուածին ու վիրաւորին զնելով պատգարակների վրայ, սկսում են ման ածել փողոցները՝ «կոտորել գեաւուրներին» աղաղակներով ու գազանների ախորժակը գրգռող թալանի կոչերով. և էլ ո՞ր օրուայ համար էին 15,000-աչափ արիւնկզակ քրդերը վազօրօք Վան հաւաքուել բոլոր կողմերից:

Սուլթանի գլըոցում կրթուած աւագակ քուրդ ցեղապետները, պաշտօնեաներն ու հրահանգուած, նշանի սպասող խուժանը գրանից աւելի յարմար ժամանակ չէին գտնի թէ հարստանալու, և թէ հայերի ցնցումները վերջնականապէս լռեցնելու:

Եւ 1896 թուի յունիսի 2-ին՝ քուրդ ու տաճիկ հօրդաները կատաղի աղաղակներով յարձակուում են դրսի թաղերի վրայ, հայերին զնե-

լով նեղ դրութեան մէջ: Ժողովուրդը յանկարձակիի եկած՝ մանաւանդ ծայրերի անուորները, սարսափահար զէպի հիւպատոսարաններն են վազում՝ ախտեղ ապաստանելու: Մութը վրայ է հասնում. գազանները յետ են դառնում, լուսաբացին՝ տաճիկ հոգևորականների քարոզած «սուրբ գործը» վերսկսելու:

Հայերը տեսնելով, թէ Իլդիզի դահիճը սրպիսի հրէշային դաւեր է նիւթում իրանց համար, վճռում են մեռնել, բայց ոչ անպատիւ մահով: Հազար, հազար հինգ հարիւրի շափ զինուած կտրիճներ (մի խոշոր թիւ՝ սրսորդական ու շէշխանայ հրացաններով), զինուորական համազգեստ հագած, — Արմենականներ, Իաշնակցականներ և Հնչակեաններ միացած մի սուրբ գաղափարով, ձեռք-ձեռքի տուած հանդէս են գալիս՝ բազմաշարշար ժողովրդի դատը հրացանների գնդակներին ապաւինելու: Հնչակեանների ընդհանուր խմբապետ-հրամանատարն էր Ղարաբաղի Վարանդա գաւառի Փիլըշամալ գիւղացի Մարտիկը (Մարտիրոս Սարուխանեան, ուսանող Պետրօզրազի համալս.), Իաշնակցականներինը՝ Պետօն (Ալէքսանդր Պետրոսեան, Ալէքսանդրապօլցի), իսկ Արմենականներինը՝ Մկրտիչ Աւետիսեան Թէրլէմէզեանը՝ Վանեցի: Կոռուղները բաժանուելով 30—35 խմբակների, տարածուում

են Սյգեստանում՝ թշնամուն արժանաւոր կերպով ընդունելու համար:

Հետեւեալ օրը կռիւն սկսուեալ է, որ շարունակուեալ է մինչև յունիսի 8-ի իրիկունը. ամբողջ եօթն օր մի բուն հայ կարիճները զարմանալի հերոսութեամբ դիմադրում են քսան հազարից աւել քրդերին ու գօրքերին, դիմադրուում բերդից ցած բերած թնդանօթներին, նոյն իսկ նրանցից երկուսը գրաւում մի խիզախ յարձակումով, և ո՞վ գիտէ, ինչով կը վերջանար, եթէ տաճիկ կառավարութիւնը կանխած չլինէր այն հոյակապ ծրագիրը, որ Գաշնակցութիւնն էր ծրագրել Վասպուրականի վերաբերմամբ:

Մեծ է լինում կռիւր, արիւնհեղ, կատաղի, պատերազմական բոլոր կանոններով. — դիրքեր, ջրերով լցրած-լճացրած փողոցներ, կարրտած, իրար վրայ գարսած ծառեր, գրոհներ, հակազրոհներ, դիակներ... արիւն ու կրակ: Նկարագրել այդ կռիւն սկզբից մինչև վերջը՝ կը նշանակէր մի ամբողջ գիրք գրել, այնքան շատ են միջնագէտներն ու հետեւները:

Հինգշաբթի օրը, յունիսի 6-ին, անդլիական հիւպատոս միստր Ուիլեամսը երևում է հայ մարտիկների դիրքերի առաջ և պնդում, որ ապաւինեն սուլթանի ողորմածութեանն ու ցած գնեն զէնքերին. հայերը մերժում են՝ շատ լաւ ծանօթ լինելով սուլթանական ողորմածութեանը:

Դրանից յետոյ աւելի կատաղի թափ է ստանում կռիւր, իսկ իրիկնադէմին ամերիկական միսիօնէր Ռէյնօլդսն է գնդակներից աներկիւղ պտտում հայոց թաղերն ու բարձրաձայն կանչում, որ կանայք, աղջկերք ու երեխաներ անպայման հաւաքուեն բողոքականաց տները: Սյգ նշանակում էր, որ մի զարհուրելի բան պէտք է տեղի ունենար. բայց մահից աւելի ուրիշ ինչ կարող էր լինել. իսկ մահից վախեցող չկար:

Յունիսի 7-ին հիւպատոսները, նախնական բանակցութիւն ունենալուց յետոյ, ժամը 11-ին գալիս են թիւթիւն շեանցների տունը, այնտեղ են գալիս և Աւետիսեանը, Պետօն, Մարտիկն իրենց թիկնապահներով և միստր Ռէյնօլդսը: Ջինաթափման և անձնատուր լինելու պահանջը մերժում է. պարսից հիւպատոս Միրզա-Հուսէյին խանը արտասուքն աչքերին՝ խնդրում է ամեն կերպ զիջել, արիւնհեղութեան առաջն առնելու: Վերջապէս, երկար խօսակցութիւնից և անդլիական հիւպատոսի տաճիկ կառավարութեան ներկայացուցչի հետ բանակցելուց յետոյ՝ ընդունուում է հետեւեալ պայմանը. — վաթսուն զինուած մարդիկ իրենց զէնքերով յանձնուեն ուսաց, պարսից և անդլիական հիւպատոսներին. այդ մարդկանց մի փոքր մասը, երաշխաւորութեամբ և ապահովութեամբ թիրքաց երկրից հեռացուելով՝ եւրոպական մի օրև է

նաւահանգիստ կը հանուի, իսկ միւս մասը, նոյն տէրութիւնների դեսպանների միջամտութեամբ սուլթանական ներման պիտի արժանանայ. թիւը ու քրդերից էլ 60 հոգի կաքսորուեն և երկիրը կը խաղաղուի:

Սաադէդդին փաշայի կողմից այդ բոլորը ժամանակ շահելու համար էր. հայերն այդ գգում էին. գիտէին, որ փաշան բանակցութիւնների ժամանակ զազանային դաւեր է նիւթում: Ուստի կազմ ու պատրաստ նորից ընդունեցին սառնասրտութեամբ այն որոտոցները, որ շաբաթ օրն առաւօտեան թնդացին քուրդ-տաճկական գիրքերից:

Այդ օրուայ կռիւն աւելի ուժգին էր ու ահաւոր. յաղթութիւնն էլի հայերի կողմն էր: Բայց մթերքը բաւականութիւն կը տամբ հետեւեալ օրերի կռիւը շարունակելու... Ինչ է կատարուում գաւառներում... մի շաբաթ է՝ կը լուծուում են. ինչ է անում քրիստոնեայ եւրոպան... Մտքեր, մէկը միւսից դառն, պաշարում են կարիճներին. և նրանք կարճ խորհրդակցութիւնից յետոյ՝ ուղիղ են դատում, թէ սխալ, որոշում են հէնց այդ գիշեր հեռանալ Վանից, ենթադրելով, որ իրանց ելնելուց յետոյ, այլ ևս վանում կուտող ոյժ չլինելով՝ կռիւը կը զազարէ, հիւպատոսները կը միջամտեն և գաւառներում

անշուշտ տեղի ունեցող աւերթ-ալան-կոտորածին ևս վերջ կը դնուի:

Գիշերը դուրս են գալիս զինուած խմբերն ու բարձրանում վարագ. այդտեղ ամեն կողմերից գալիս, միանում են բազմաթիւ անգլէներ՝ տաճկական դժոխքից Պարսկաստան փախչելու, մինչդեռ կառավարութիւնը լինելիք եզեռնագործութիւնն էր պատրաստում: Եւ երբ Պետոն ու Մարտիկը 82 հոգով, իսկ Աւետիսեանը 700 հոգով, խոշորագոյն մասն անգլէն, զանազան ուղղութեամբ ճանապարհուում են դէպի սահմանագլուխ, կատարուում է ծրագրուած ոճիրը. դարանամուտ քրդերը, թուով 12,000, Բարդուղիմէոս Առաքելոյ վանքի մօտերը յարձակուում են Աւետիսեանի վրայ. երկօրեայ կատաղի կռուից յետոյ՝ բոլորն ընկնում են Չօլ-Չիմանում. ազատուում են միայն 30 հոգի...

Հինգ հազարից աւելի քրդեր էլ Սալլախանայում Պետոն ու Մարտիկն են շրջապատում. քաջերը կուտում են մինչև վերջին փամփուշտը, ապա հրացաններն քարերին գարկելով, փշրելով՝ իրանք էլ ընկնում են հերոսաբար. ազատուում է միայն մի հոգի...

Այն ըոպէին, երբ վշտամորմոք, բազմահազար ժողովուրդը վարագ հաւաքուած՝ լաց ու կոծով գոռում էր Պետոյին ու միւսներին գառնալով, թէ՛ ջարդեցէք, կոտորեցէք մեզ, լաւ է ձեր

ձեռքից մեռնել, քան թէ քրդի ու տաճկի, մենք այստեղ չենք մնայ, մենք էլ ենք դուրս գալիս ձեզ հետ դէպի սահման, — այդ բուպէին Վազգէնն է դուրս գալիս, Վասպուրականի այդ անգուգահան գործիչը, և սրտի յուզմունք ու կրակն աչքերում ցուցնելով՝ կանչում:

— Չէ, չէ... մենք ոչ մի տեղ չենք գնայ. մենք կըմնանք մեր երկիրը շէնացնելու. մնանք, ես էլ ձեզ հետ եմ:

Եւ ժողովուրդը մի քիչ յուսադրուած, սակաւ բացառութեամբ՝ մնում է:

Մնում է և՛ Վազգէնը:

Ահա այդ Վազգէնն էր, որ 1896 թուի օգոստոսի 18-ի լոյս 19-ի դիշերը Վարդանի հետ դիմաւորեցին մեզ Այգեստանի արևելեան ծայրում գտնուող մի անակում:

III

Վազգէնը (Տիգրան Դէրօյեան) բուն Վանեցի էր. տուն ունէր, բայց այստեղ ապրել չէր կարող, նախ, որ տաճկական «արդարադատութիւնը» նրան որոնում էր, և երկրորդ, որ տունը դադարկ էր: Քոյրը, Զարուհին ձերբակալուած՝ մօր հետ բանառումն էր, իսկ միւս երկու փոքրիկները, քոյր և եղբայր՝ մնացել էին իրենց անաղջիկ Խոռիկի ինամատարութեան տակ, բարեկամների մօտ:

Նրանց ահագին, շէն տունը նոր էր դադարկուել, մայիսի վերջին օրերին: Գալիս են տաճիկ սուրիականները՝ տունը խուզարկելու. Վազգէնը խոյս է տալիս, ազատում. իսկ խուզարկուները Զարուհու մօտ և տան դադանի պահարաններից մէկում գտնում են Դաշնակցութեան պատկանող այնպիսի իրեր ու թղթեր, որոնցով հեշտութեամբ կարելի էր ապացուցել, թէ՛ բացի Վազգէնը, այդ ստանն ապրում է և՛ մի ուրիշը, որ պատասխանատու դեր ունի Դաշնակցութեան գործում՝ սուլթանական կառավարութեան դէմ պայքարելու համար: Եւ իսկապէս, Պետօն այստեղ էր ապրում: Նրա Վանում լինելը գիտէին, բայց որտեղ ծածկուելը՝ չէ. ահա այդ գաղանիքը այժմ բացւում է, և Զարուհուն ու մօրը սպառնալով դժոխային պատիժներ՝ Վազգէնի ու Պետօի ուր փախչելն էին ուզում իմանալ: Խուզարկութեան ժամանակ գտնում են և՛ մի քանի տետրակներ. — դրանք Զարուհու տետրակներն էին. Պետօն նրան ուղեսերէն էր սովորեցնում և տետրակներում ուղեսերէն դասերն էին գրուած: Մանաւանդ դա շատ է բարկացնում կառավարութեան ներկայացուցիչներին, և նրանք էլ աւելի են խստացնում քննութիւնը, «յանցաւոր» օրիորդին բանտ ուղարկելով, որին ընկերակցում է և՛ մայրը:

Պետօն կովկասից Վասպուրական անցնելով՝

ձեռքից մեռնել, քան թէ քրդի ու տաճկի, մենք այստեղ չենք մնայ, մենք էլ ենք դուրս գալիս ձեզ հետ դէպի սահման, — այդ բոլորին Վաղգէնն է դուրս գալիս, Վասպուրականի այդ անգուգահան գործիչը, և սրաի յուզմունք ու կրակն աչքերում ցուրցնելով՝ կանչում:

— Չէ, չէ... մենք ոչ մի տեղ չենք գնայ. մենք կըմնանք մեր երկիրը շէնացնելու. մնանք, ես էլ ձեզ հետ եմ:

Եւ ժողովուրդը մի քիչ յուսադրուած, սակաւ բացառութեամբ՝ մնում է:

Մնում է և՛ Վաղգէնը:

Անա այդ Վաղգէնն էր, որ 1896 թուի օգոստոսի 18-ի լոյս 19-ի դիշերը Վարդանի հետ զիմաւորեցին մեզ Այգեատանի արևելեան ծայրում գտնուող մի անակում:

III

Վաղգէնը (Տիգրան Դէրոյեան) բուն Վանեցի էր. տուն ունէր, բայց այնտեղ ապրել չէր կարող, նախ, որ տաճկական «արդարադատութիւնը» նրան որոնում էր, և երկրորդ, որ տունը դադարկ էր: Քոյրը, Զարուհին ձերբակալուած՝ մօր հետ բանտումն էր, իսկ միւս երկու փոքրիկները, քոյր և եղբայր՝ մնացել էին իրենց անաղջիկ Սոսիկի խնամատարութեան տակ, բարեկամների մօտ:

Նրանց ահագին, շէն տունը նոր էր դադարկուել, մայիսի վերջին օրերին: Դարիս են տաճիկ սուրիկանները՝ տունը խուզարկելու. Վաղգէնը խոյս է տալիս, ազատոււմ. իսկ խուզարկուները Զարուհու մօտ և տան գաղտնի պահարաններից մէկում գտնոււմ են Դաշնակցութեան պատկանող այնպիսի իրեր ու թղթեր, որոնցով հեշտութեամբ կարելի էր սպացուցել, թէ՛ բացի Վաղգէնը, այդ սմանն ապրում է և՛ մի ուրիշը, որ պատասխանատու դեր ունի Դաշնակցութեան գործում՝ սուլթանական կառավարութեան դէմ պայքարելու համար: Եւ իսկապէս, Պետօն այնտեղ էր ապրում: Նրա Վանում լինելը զիտէին, բայց որտեղ ծածկուելը՝ չէ. անա այդ գաղտնիքը այժմ բացոււմ է, և Զարուհուն ու մօրը սղառնալով դժօխային պատիժներ՝ Վաղգէնի ու Պետօի սըր փախչելն էին ուզում իմանալ: Խուզարկութեան ժամանակ գտնոււմ են և՛ մի քանի տետրակներ. — դրանք Զարուհու տետրակներն էին. Պետօն նրան ուռսերէն էր սովորեցնում և տետրակներում ուռսերէն գասերն էին գրուած: Մանաւանդ դա շատ է բարեկացնում կառավարութեան ներկայացուցիչներին, և նրանք էլ աւելի են խստացնում քննութիւնը, «յանցաւոր» օրիորդին բանտ ուղարկելով, որին ընկերակցում է և՛ մայրը:

Պետօն կովկասից Վասպուրական անցնելով՝

իր հետ միայն ազատագրութեան կրակն ու ծրագիրը չէր բերել. — սարերի խոռոչներում կրճկուելով, ցերեկները թագնուած, գիշերները ճանապարհ կտրելով՝ նա իր հետ բերել էր և՛ մի ուրիշ բան. — ռուսական կուլտուրան, ուսս գիրը: Եւ նա գաղտագողի, միշտ ձերբակալուելու վտանգին ենթակայ, որքան թոյլ էր տալիս դրութիւնը, ռուսական կուլտուրան էր պատուաստում Տաճկաստանի մի անկիւնում. կուլտուրա, որ տաճկականից անթիւ անգամ բարձր էր: Մենակ Պետոն չէր. ուրիշներն էլ իրանց թէև շատ աննշան, դերն ունէին այդպիսի գործերում... մի զարմանալի բնագոյ, մի գորեզ, ջերմ զգացմունք միշտ եղել է Վասպուրականի գործիչների մէջ գէպի Ռուսաստանը. և որքան էլ Ռուսաստանում չէին ուզում հասկանալ Տաճկաստանում գործող հայ գործիչներին և նոյն իսկ գանուեցաւ մի տարր, որ միանգամայն անբարեհաճ վերաբերմունք ցոյց տուաւ գէպի տաճկահայ գառը, այնուամենայնիւ հայերը չը թերացան իրենց հաւատքի մէջ գէպի Ռուսաստանը և մեծ յուսով սպասում էին, որ վերջիվերջոյ՝ հայի առաւելանքը կրճատողն այդ հզոր պետութիւնը պետք է լինի: Եւ Վազգէնը, այդ երգուեալ յեղափոխականը թարգման էր բոլորի տրամագրութեանը, երբ Արարուց թաղի մի կի-

սախանձ տան մէջ ունեցած մեր զրոյցի ժամանակ ասում էր.

— Ռուսաստանը եթէ մատը ցցի, սուլթանը ձեռք կըքաշէ մեզնից. Ռուսաստանը այդ չի անում. ինչո՞ւ համար. — որովհետեւ... — նա թափում էր այստեղ իր սրտի դաճնութիւնն ու աւելացնում. — բայց և այնպէս մենք չենք դադարի մեր գործը շարունակելուց՝ խորապէս համոզուած լինելով, որ երբ և իցէ Ռուսաստանը կըզգայ իր իրական շահերը Տաճկա-Հայաստանում. և նա այդ զգաց թէ չէ՝ կըվերջանան մեր տանջանքները: Ապա սկսում էր սպացուցել, թէ ինչո՞ւ ոչ Անգլիան, Ֆրանսիան կամ Գերմանիան, մի խօսքով՝ Եւրոպան, այլ Ռուսաստանը, նրա կամքը միայն կարող է մեզ օգնութեան հասնել:

Չուրանալով ու շեշտելով Ռուսաստանի կարևոր դերը հայկական հարցում, Վազգէնը մի առանձին, անզրդուելի հաւատ ունէր գէպի հայի կորովը, գէպի գէնքը, մարտիկ ուժերն ու գէպի Վասպուրականի, մանաւանդ Վանի ժողովուրդը: Եւ երբ մի վէճի ժամանակ, Վազգէնի հետ չհամաձայնելով՝ վշտացած սրտով սկսեցի դատափեռել Վանի ժողովուրդին, որ նրանք թուրամորթներ են, որ ազատագրման գաղափարը նրանից շատ հեռու է, զրան սպացոյց՝ որ մեզ տեղ չեն տալիս, տոմսակներով, նամակներով ու գանա-

զան միջոցներով ումբակոծում են մեզ ու գրեթէ պահանջում թողնել Վանը, դուրս գալ այնտեղից, որ Վանեցիք նոյնիսկ պատրաստ են մեզ մասնելու, կառավարութեան ձեռքը յանձնելու, երբ այդ բոլորը գառնութեամբ դուրս թափեցի, Վազգէնը սրբապղծութիւն գտնելով ասածներին մէջ՝ գրեթէ գոռաց.

— Լոբր, լոբր... Ռուսաստանից հայնոյմնք ես բերել մեզ համար... Կոյր, միայն կոյր պէտք է լինել, կամ վերին աստիճանի անխիղճ՝ այդ տեսակ վճիռներ կարգալու համար, մինչդեռ մեր քաջերի (Վանեցիների) արիւնը դեռ չէ չորացել:— Ապա խիստ համոզեցուցիչ ու ոգևորւած կերպով իր միտքն ընդարձակելով՝ վերջացրեց. — Պէտք է կռուել, միշտ կռուել, շարունակ կռուել, թէև ամբողջ Հայաստանում մի հատիկ հայդուկ միայն մնայ:— Մի առարկութիւն, որին հոգով, սրտով համաձայն էի, որ իմ դաւանանքս էր:

Իսկ Վազգէնի միւս պատճառաբանութիւնները, որ բերուած էին իմ կարծիքս ջրելու Վանեցիների վերաբերմամբ, ես գտայ չհիմնաւորուած, բայց դեռ մեր վէճը չէր հնացել, որ փաստերը եկան իմ ասածներս, յուրախութիւն իմ՝ կատարելապէս, առանց մնացորդի հերքելու: Փաստեր, որոնց արձանագրելու միտքը չունիմ այստեղ:

IV

Վանն արդէն խմորուած էր ազատման կրակով. ոչ մի թնդանօթ, ոչ մի արեան հեղեղ նրան հանդցնել այլ ևս չէր կարող: Ծիշտ է, յունիսեան արհաւիրքներից յետոյ հրդեհը հանգածի էր նմանում, սակայն այդ՝ առերևոյթս միայն մոխիրների տակից առկայծուող կրակի ջերմութիւնն էր զգացոււմ, որ պատրաստ էր առաջին իսկ յարմար հրահրումից՝ գարձեալ բացերի խուրձեր դուրս շարտելու:

Չնայելով կառավարութեան ձեռք առած զրակօնական միջոցներին՝ Վանը, Վասպուրականի կենսատու երակը գործում էր գաղտնի, բայց յարաճուն եռանդով: Այդ ծանր, մղձաւանջային օրերում՝ Վանը մի փոքրիկ պարլամէնտ էր ներկայացնում իրանով, այս ու այն վրատակներում, այս ու այն անկիւններում, այդ բոպէին՝ Մեծ գործի համար աշխատում էին շատ տեղերի մարտիկ-գործիչները. Խաչէնը, Վարանդան, Գողթնիքը, Հայոց-Չորը, Շատախը, Մոկսը, Բուլանը իրանց որդիներն ունէին այդտեղ, իսկ Վանը՝ իր երիտասարդութեան, մաւնաւանդ պատանիների մեծամասնութիւնը:

Այդ պատանիներն էին, որ ազատագրութեան գաղափարի աւազանում մկրտուած՝ այժմ

երիտասարդներ դարձած, Վանի անթառամ պա-
կին՝ մայիսին նոր դափնիներ աւելացրին... և
այդ պատանիներն էին, որ այն ժամանակ մեղ-
մում էին մեր ծանր կացութիւնն իրանց ան-
գնահատելի ծառայութիւններով: Իրանց մի տեղ
«Գավրօշներ» էի անուանել. բայց Վ. Հիւզօն
Գավրօշին ստեղծել էր իր բօմանտիկ գրչի ուժ-
գին շարժումով, հսկայական երեւկայութեան
յուժկու թափով, մինչդեռ, — կեցցէ Վանը, — նրա
Գավրօշները մեր աչքի առաջ էին, և նրանց կա-
տարածը՝ շօշափելի: Այդ 14—15 տարեկան Գավ-
րօշներն էին, որ երբ մենք ամբողջ խմբով Վա-
րագայ ձերպերին թառած սովից մղկտում էինք,
նրանք Վանից, որտեղից, ինչպէս ասում են,
թռչունն իր թևով դուրս թռչել չէր կարող
տաճկական օդակներից, շարսկով մեզ համար հաց
և Վարդանի տոմսակը բերին... յոգնած, քրտնա-
թոր, բայց երանաւէտ ժպտով...

V

Վազգէնի փափազը կատարուեց. 1896 թ.
սեպտեմբերի 10-ին, Ազուխսաձորի թաղում տա-
ճիկ գօրքերը յարձակուեցին Պետրոս Սերեմ-
ճեանի դիրքի վրայ. կռիւն սկսուեց, բայց Վազ-
գէնը մասնակցել չէր կարող: Ես, Վարդանն ու
Գուրգէնը կազդուրուել էինք հիւանդութիւնից,

իսկ նա դեռ զառանցում էր տիֆի ջերմութիւ-
նից, բայց հէնց որ հրացանների առաջին ճոռոց-
ները տարածուեցին Այգեստանում, Վազգէնը
կարծես մի կենարար տեղից կեսնք ստացած՝
կմախքացած մարմնով բարձրացաւ տեղից, հրա-
ցանի փողը զգուեց և դեղնած դէմքը զէպի Ա-
զուխսաձորի կողմը դարձրած՝ յուզմունքով լի
աչքերը յառեց տարածութեան մէջ և մրմնջաց
դալկացած շրթունքներով. — կռիւ, կռիւ... ապա
ուժերն սպառուած՝ նորից ընկաւ, իրան յանձ-
նելով զառանցանքներին:

Հետևեալ օրը Շաքիր փաշան Վան ժամա-
նեց. նա եկել էր հայերին «շնորհուած» ու-
ֆօրմներն իրագործելու. — Ռէֆօրմներ իրագոր-
ծել... այդ մենք շատ լաւ էինք հասկանում.
աւելի քան լաւ գիտէինք, թէ Շաքիր փաշան
ծրագիրներն ինչպէս պէտք է իրագործէ, և
սպասում էինք, պէտք է խոստովանուել, միան-
գամայն հանգիստ սրտով: Եւտով սկսեցին ու-
ֆօրմներն «իրագործել». — Թնդանօթներն ու հրա-
ցանները Այգեստանի զանազան թաղերում ու
մեր դիրքերում զզրգալով Շաքիրի բերած «բա-
րենորոգումներն» աւետեցին:

Վազգէնին կնկայ շորեր հագցնելով, թևերի
տակ մտած՝ մի կերպ մի ապահով տեղ թոցրին
Վարդանի դիրքից, որ ումբակոծուում էր լեռնա-
յին թնդանօթներով: Մեր դիրքի դէմուդէմ՝ Վա-

նեցի Պօղոսի այգին էր գտնուում: Պօղոսը ուշք չդարձնելով վտանգին՝ մի անազին կթոց խազող բերաւ մեզ մօտ ու դուրս վագեց՝ միւս գիրքերից տեղեկութիւններ բերելու: Իսկ Պօղոսն էր, Պօղոս-Պետրոսը, որ 1896-ից մինչև 1908-ը բոլորանուէր իր գործը շարունակեց, անտարականի անուան տակ կարավանով գէնքեր ներմուծելով վան, և որ 1908-ին Խաչանում Սարայի գայմագամ Ալվղէթ-բէյի ու Շամսկիի քուրդ ցեղապետ Քեամալ-բէյի ձեռքն ընկնելով՝ մեռաւ հերոսական մահով, և գէնքերի տեղը ցոյց չտուաւ մինչև անգամ այն ժամանակ, երբ իր 12—13 տարեկան որդուն իր աչքերի առաջ նայեցին*):

Ժամը 4-ին մօտերը, երբ կոիւն աւելի կատաղի բնոյթ է ստանում, հիւպատոսներից մէկը ցանկանում է տեսնուել հայ մարտիկների հետ, բայց ինչ-ինչ նկատումներով մերժում է: Այն ժամանակ, նա գրաւոր կերպով դիմում է. «Եթէ ժողովրդի բարելաւութեան, անդորրութեան նախանձախնդիր էք, դադարեցրէք կոիւր, անձնատուր եղէք. ձեզ ոչ մի վտանգ չի սպառնում. ուղտահպատակները երաշխաւորութեամբ և ամենայն ազահովութեամբ Ռուսաս-

*) Այդ սխրագործութեան համար Ալվղէթ-բէյը «պայտաս» տիտղոսին արժանացաւ, և այնուհետև «նալբանդ» գայմագամ էր կոչուում:

տան կուղարկուեն, իսկ տեղացիները թեթև պատիժ կը կրեն»:

Իրան բերանացի պատասխան է տրուում. — «Մենք երբէք անձնատուր չենք լինի. և եթէ հարկ եղաւ՝ պէտք է կուենք մինչև մեր արեան վերջին կաթիլը: Իսկ եթէ խնայում էք ժողովրդին, միջնորդեցէք, որ դադարեցնեն պաշարումը և մենք դուրս կըգանք այստեղից»:

Միջնորդութիւնն իսկապէս եղաւ, բայց պաշարումն աւելի սաստկացաւ: Մինչև մութն ընկնելը կուելուց յետոյ, բոլոր խմբերը գիշերը դուրս եկան վանից և ուղղուեցին դէպի Հայոց-Չորը՝ այնտեղից Շատախի կողմերն անցնելու: Այդ միացումը, ճանապարհից սխալուելու պատճառով, տեղի չունեցաւ, և մի մասը, Վարդանի առաջնորդութեամբ, ծուում է դէպի Պարսկաստան, իսկ մենք՝ դէպի Շատախ—Մոկս:

Երբ այժմ յիշում եմ վանի այդ դէպքերի մանրամասնութիւնները, ես չեմ գարմանում, թէ ինչպէ՞ս պատահեց, որ կանոնաւոր զօրքերը թնգանօթներով հանդերձ՝ չկարողացան մեզ ոչնչացնել և իրանց բազմաթիւ զոհերի դէմ՝ մեզնից միայն մի զոհ տարան, կարճկանցի Գրիգորին. — այլ հիանում, սքանչանում եմ Արծրունեաց քաղաքի արծուի ճուտերով, այն երիտասարդներով ու անձնուէր օրիորդներով, և այն պատանիներով, որ պատից-պատ, այգուց-այգի

թռչելով, արհամարհելով ամեն տեսակ վտանգներ՝ դիրքից-դիրք էին վազում, թշնամու շարժումներն ուսումնասիրում և մեզ տեղեկացնում:

Շաբաթներ անցնելուց յետոյ, երբ մենք դարձեալ Վարազայ սարն էինք բարձրացել և ըստ սովորականին տանջում էինք քաղցից, «Ձիաթնուկի» վրայ երեք հոգի երեացին՝ շալկներին ինչ որ բեռ ունենալով. նրանք եկան, հասան մեզ ու ցած դրին բեռները՝ լի հացով:— Մեր հոգու հատորներն էին նրանք, Վանայ պատանիները, 15—16 տարեկան, որ մեր նեղ ժամանակն էլի օգնութեան էին հասնում...

Վանից դուրս գալուց յետոյ՝ այն ամերը, որտեղ մենք դիրք էինք բռնել, կառավարութիւնը վառել, գետնին էր հաւասարեցրել: Այգտներից մէկը գեղեցիկ, մեծ, երկյարկանի շինութիւն էր, որտեղ դիրք էր գրաւել Սերեմձեանը՝ 10 հոգով: Նրա տեղն էլ այժմ մոխիր էր... Եւ այժմ, երբ մենք Վանից բերուած հացն էինք վայելում, պատանիներից մէկը հոգեգմայլ, ոգևորութիւն ցուցադրող հայեացքով մեզ ու մեր սպառազինութեանն էր նայում: Ծանաչեցինք: Հէնց այն տան պատանին էր, ուր Սերեմձեանը դիրք էր բռնել և որ տաճիկները վառել էին... Այդպէս, մեր պատճառով նրանց տունը հիմնայատակ աւերել էին, իսկ նա մեզ համար շալակած հաց էր բերում...

Գիշերը ցուրտ էր, իսկ պատանիներն ան-

պատճառ ցանկանում էին գոնէ մի գիշեր հայդուկային կեանք անցկացնել, մեզ հետ մնալ: Մենք ցրտերին վաղուց արդէն սովոր էինք. իսկ նրանք՝ մատաղ, դեռ չհասունացած կազմուածքով. նրանցից մէկին տուի փատտակա, որ ծածկուի, և տուրակա, որ դնի զլխատակին. նոյնը և ընկերներս՝ միւս պատանիներին. — միայն այդ ձևով կարողացանք ցոյց տալ մեր անվերջ սէրը, մեր քիբլացող զգացմունքները դէպի այդ փոքրիկ հերոսները, դէպի Վանայ, Վասպուրականի այդ չքնաղ գաւազները, որոնց հոգու մէջ արդէն իսկ Վազգէնի, Աւետիսեանի ու միւսների դաւանանքն էր պլպլում: Նայում էինք նրանց ու միխթարում, թէ՛—չէ՛, Վանը չի մեռնի, Տաճկա-Հայաստանը կը վերածնուի երբեք, որովհետեւ նա աշապիւսի գաւազներ է ծնում:

VI

«Պատմական Վասպուրականն ունէր 37 գաւառներ. — Տոսպ, Ռշտունիք, Կրճունիք, Ծուաշոտտ, Անձախաձոր»... — շարում էինք մենք մի ժամանակ զպրոցում՝ աշխատելով Մխիթարեանների քարտէզի վրայ նրանց սահմանները որոշելու: Այն ժամանակ դա մեզ համար միայն Հայաստանի աշխարհագրութեան մի դաս էր, որ պէտք է լաւ սովորէինք՝ դասարանում չմնալու

համար. բայց տաճիկ կառավարութիւնն օգնութեան հասաւ, և յետագայում կարողացանք ըմբռնել, որ Վասպուրականը (ինչպէս և ամբողջ Տաճկա-Հայաստանը) լոկ մի աշխարհագրական տարածութիւն չէ՝ սահմանաւորուած գունաւոր գծերով, այլ մի կենդանի օրգանիզմ, որ հազարաւոր տարիների կեանք ունի և մենք մասնիկներն ենք այդ օրգանիզմի, և որ նրան հասնող հարուածներն ու ժգնօրէն անդրադառնում են մեր հոգու, մեր սրտի վրայ. մենք գիտակցօրէն զգացինք մեր երկրի գոյութիւնը. գիտակցեցինք, որ այդ երկիրը հայերինն է եղել և պե՛տք է լինի. որ նա մի երկիր է, որտեղ ամեն մի քար բարձրաձայն աղաղակում է հայի անցեալի մասին, ուր մենք մեր փառքն ու վիշտն ենք ունեցել, և որտեղ ահա գիշակեր գազաններն են ժանիքնին կափկափում, հայութեան օրրանում պատսպարուած մնացորդները բզբտելու, հայի անունը գերեզմանաքարին գրելու. և մի ներքին ազնիւ ձայն կանչում էր հրամայողաբար. — Զո՛նեցե՛ք ամեն ինչ, փրկեցե՛ք Տաճկա-Հայաստանը: —

Եւ երբ սահմանն անցնելով՝ Վասպուրականի հողը մտանք, սարերն ու ձորերը, գետերն ու դաշտերը բերան առած՝ խօսում էին մեզ հետ, և մենք տասնեակ դարերի հնութեան միջից մեր նախնիքների շունչն էինք զգում, նրանց ձայնը լսում...

Այստեղ, որտեղ ահա մենք ենք կանգնած, աչքերնիս Վանին յառած, նոյն այս տեղը դարեր-դարեր առաջ Ռշտունեաց տէր Գարեգինը չէ՞ր կանգնել, արդեօք, և վրիժոյ հուրը սրտում, հայեացքը շեշտակի սևեռել Վանին, ուր Ռշտունեաց տիկինը, Վարդանի քոյր Համագասպուհին էր արգելուած ազգադաւ Մեհրուժանի ու Վահանի ձեռքով:

Այս կարկաչուն աղբիւրները, որ այսպէս մեղմախօս խոխոջիւնով իջնում են Վարագի կուրծքն ի վար, նոյն այս տեղը հազարաւոր տարիներ առաջ Գաղիկ թագաւորը չի՞ զուարճացել ջրի պաղութիւնով, չի՞ հիացել սքանչելի տեսարաններով, չի՞ ասել. «Անուշ են իմ երկրիս ջրերն ու բնութիւնը»:

Անցնում ենք Խօյից Վան իջնող մեծ ճանապարհով. և ս՛վ գիտէ, հէնց նոյն այս ճանապարհով, նոյն այս ժայռի կողքովը 1500 տարի առաջ չի՞ անցել Վարդանը իր վաթսուն հազարանոց բանակի հետ դէպի Արտազու դաշտը, այնտեղ ճակատելու թշնամու զէմ:

Առաջներս է Շամիրամայ ջուրը, վճիտ, յստակ... Արա-Գեղեցիկ, Շամիրամ... յարալէզք... Ահա և Անզղը. — զօրքերի ու քրդերի գնդակներն են տեղում ամեն կողմերից. ընկնում է Խէչօն, ընկնում է Դաւիթը, վերաւորւում մի քանիսը. — պատմութիւնը կրկնւում է: — 15 դար սրանից

առաջ Ղևոնդ երէցը ժողովրդի հետ միացած՝ դա-
 գանակներով դիմաւորեց Անգղ զիւղում պար-
 սից մոգերին, որոնք գալիս էին Հայաստանում
 պարսկական ատրուշանները կանգնելու. և 15
 դար յետոյ, այսօր, երբ ինչօն, Դաւիթը գնդա-
 կահար ընկան այստեղ, իրանց երկրի ազատու-
 թեան համար մղուած կռոււմ, նոյն այս տեղը
 չի գլորուել, արդեօք, մէկն այն մոգերից, որ
 հայի կրօնը, եկեղեցին ջնջելու էր եկած, և այն
 Ղևոնդ երէցի ոգին չէր, որ դարերի հնութիւնից
 վեր սաւառնած՝ իջել էր Դաւթի ու ինչօի վրայ,
 նրանց մղելով դէպի մահ, յանուն ազգի փրկու-
 թեան...

Այդպէս էինք մտածում մենք, «գրսեցիներս».
 հապա ինպէս կը մտածէին իրենք՝ Վասպուրա-
 կանցիները, որ վաղուց արդէն գիտակցել էին
 իրանց իրաւունքները, այդ իրաւունքների հա-
 մար կռուելու քաղցրութիւնն զգացել. նրանք,
 որ մշտական հանդիսատեսն էին նախածօրց յի-
 շատակարաններին. մանաւանդ նրանք, որոնք
 բացի այսօրուայ, իրանց ապրած պատմութիւ-
 նից, գիտէին և հինը, հայի անցեալ պատմու-
 թիւնը:— Իսկ այդպիսիների թիւը քիչ չէր Վաս-
 պուրականում և նրանք արժանաւոր ժառանգ-
 ներ եղան Ռշտունիների, Արծրունիների...

Թէոզորոս Ռշտունի, Սահակ եպիսկոպոս
 Ռշտունի, Մանաճիւր Ռշտունի, Գրիգոր Նարե-

կացի Ռշտունեաց գաւառի... սովորեցնում էր
 մեզ մեր պատմութիւնը, և Վասպուրականի
 Ռշտունիքն էինք աշխատում պատկերացնել մեզ
 իր լեռներով, ահաւոր անգունդներով, իշխանա-
 նիստ Ոստանով ու վահաններով զինուած բնա-
 կիչներով.— Ես ինչ իմանամ, այժմ այդ քաջա-
 մարտիկ, հռչակաւոր մարդկանց մէկն ու մէկի
 սերունդերից չէր Ախպէրը, որ Մոկաց լեռնե-
 րում ազատեց մեզ յուսահատ գրութիւնից:

Աւելի կարճահասակ քան միջահասակ, նոսր,
 բայց երկար միրուքով մի մարդ էր նա. Մոկ-
 սից Շատախ, Շատախից Հայոց-Չոր, այդտեղից՝
 Վան, Վանից՝ Պարսկաստան, դարձեալ Վան,
 Աբաղա, Փիսան-դաշտ, Գեաւաշ, — ամբողջ Վաս-
 պուրական ու Մոկսի մի մասը նա ոտի տակ էր
 տուել, միշտ կռիւներում, հրացանը ձեռքին:
 Գուցէ ուրիշ անուն ևս ունէր նա. մենք չգի-
 տէինք. նրան բոլորն Ախպէր էին կանչում և
 գիտէինք, որ Ռշտունեաց գաւառից է ու շատ է
 սիրում Նարեկայ վանքը, երեւի նրա համար, որ
 ինքն ու Գրիգոր Նարեկացին միևնոյն գաւառից
 էին:

Ախպէրը կրօնասէր հայ էր. չորս փամփըշ-
 տակալներ մէջքին ու ուսերին ամբարցրած, հրա-
 ցանը ձեռքին, կռուին հարկաւոր շատ պատ-
 կանելիքներ գօտկուց կախկիսած՝ նա գօտկուց
 կախած մի փոքրիկ քսակ ևս ունէր և նրա մէջը

խնամքով գրած մի փայտակագմ Նարեկ... Հրացան ու Նարեկ.—հակառակ ծայրեր.—մէկը վառօղ է ծխում, միւսը՝ կնգրուկ. բայց երկուսն էլ անբաժան Ախպօրից: Ախպէրը սիրում էր աղօթել, սիրում էր եկեղեցին. բայց նրան չէին թողնում ագաս աղօթելու, իսկ եկեղեցիներն աւերում էին. և Ախպէրը վերցրել էր հրացանը՝ իր Նարեկը պաշտպանելու համար.—Թէոդորոս Ռշտունին և Գրիգոր Նարեկացին ի մի ձուլուելով՝ դարեր յետոյ Ռշտունիքում մեր առաջն էին դուրս եկել ի գէմս Ախպօր:

Այդպիսի Ախպէրների թիւը որքան տւելացաւ մի քանի տարի յետոյ. էլ ի՞նչ ոյժ կարող էր նրանց խեղդել, մը սուրբ՝ արմատից կտրել. երկիրն ինքը յղացած հրաշագեղ երկունքով Ախպէրներ, Վազգէններ, Բագիկներ ու Աւետիսեաններ էր ծնում: Գէորգ-Չառուշ, Սերոբ-Փաշա, Փոխիկներ, Շահէններ ընկան պայքարում, բայց երկիրը բեղմնաւորուած՝ մէկի տեղ տասը, տասնի տեղ հարիւրներ հասցրեց և երեսկայականը շօշափելի դարձաւ, վերացականը՝ կերպարանաւորուեց. ազատագրման գաղափարը հաւատոյ հանգանակ դարձաւ հայերի համար:

Եւ եթէ Տաճկա-Հայաստանը մի օր սար ու ձոր թնդացրեց ուրախական ճիչով, թէ՛—ես ազատ եմ,—որին հաւատում ենք անդրդուելի հաւատով,—ապա գրա մէջ Վասպուրականը, Վանը

ևս իր նշանաւոր զերն ունեցած կրիինի:

Անցեալ տարի, հոկտեմբերի 16-ին, տաճկական երկու յաժանաւեր գաղտնագողի մօտենալով Սև-Ծովի ափերին՝ ոմբակոծեցին մի քանի քաղաքներ: Տաճկաստանը շահագործելով Ռուսաստանի համբերութիւնը, ամիսների ընթացքում էշերով ու ուղտերով զօրք ու ռազմամթերք կենտրոնացնելով Կովկասի սահմաններում, առանց կոխ յայտարարելու՝ անակնկալ կերպով յարձակում է գործում, յանկարծակիի բերելու հօր հարեանին: Սակայն Ռուսաստանը կատարեալ հանգստութեամբ ընդունեց այդ մարտահրաւէրը և Կայսրը նոյն ամսի 20-ին մի հրովարտակով, որ սրատերագին սկսուելն էր յայտարարում, ասում է. «Առաջին անգամը չէ, որ ռուսական յողթական զէնքը յողթածարում է տաճկական հօրդաներին. նա այս անգամ էլ կը յողթէ մեր Հայրենիքի յանդուգն թշնամուն», «քրիստոնէական հաւատի հին հալածողին»:

Ռուսաստանը հանգստութեամբ ընդունեց իսկ հայերը... ինչպիսի՞նք զգացմունքներ արթնացան նրանց մէջ զէպի «քրիստոնէական հաւատի հին հալածողը», Տաճկա-Հայաստանն արեամբ ուղողը, հայի աղջկերք ու հարսներ առեանգործնաբարողը, դարերի ընթացքում չքնաղ Հայաստանին իր գարշելի շօշափուկներով սեղմող:

խեղդողը... Այդ գգացմունքների մասին խօսելն աւելորդ է, որովհետեւ բոլորն արդէն գիտէին ու հաւատում էին, որ դումբերի առաջին որսուցքը Ռուս-Տաճկական սահմաններում հայի բախտի որոշումն է աւետում:

Մենք գիտէինք նոյնպէս, որ Տաճկաստանն այս պատերազմի ընթացքում, իր անզօր կատաղութեան թոյնը պիտի թափէ քառութեան մշտական նոխազ հայերի գլխին. բայց աշխատում էինք ափովել մեզ նրանով, որ գոնէ սա վերջինը կըլինի, կըփշրուեն տաճկական շղթաներն ու հայը լիաթօք կըշնչէ:

Այն, այդ մենք գիտէինք. Չինգիզխաների աւանդապանները ձեռք չպիտի քաշէին բազմաչարչար Հայաստանի մարմինը յօշոտելուց. և այժմ, մինչդեռ մի կողմից հայի որդիներն էր հազարներով ու տասնեակ հազարներով հաւաքում իր զօրքերի շարքերը լրացնելու, միւս կողմից էլ արիւնկղակ քրդերին ու կանոնաւոր զօրքերին օրհնելով ճանապարհ գրաւ տաճկական սուրբ ուխտը կառարելու, անպաշտպան մնացած հայերին բնաջաջելու, գիւղերն աւերելու:

Սակայն կենդանի է պատմական քաջարի ու նորագոյն նահատակ մարտիկների ողին տաճկահայ ժողովրդի մէջ. նա ստրկական խոնարհութիւնը վաղուց էր դէն շալրաել, և հեշտութեամբ դուխը չէր դնի բարբարոսների ետթազանի տակ:

Եւ Վանն էր, դարձեալ Վանը, որ հսկայամարմին Գողիաթի դէմ ծառացաւ իր փոքրիկ, բայց սողոլատէ բուռնցքով: Եւ այդ բուռնցքն էր, որ իջաւ ուժեղ թափով՝ բռնակալի շղթաներին:

Փնօք Վանին...



Ն Ի Կ Օ Լ

(Յիշողութիւններ)

I

Տասնևութ տարի առաջ, 1896 թ. մայիսի 25-ին նստած Ուրմիայից քիչ հեռու գտնուող ամերիկացիների կոլլէջի մի սենեակում, վանեցի Մանտեսի-Յովհաննէսի սիրալիր հիւրասիրութիւնն էի վայելում:

Սակայն արամադրութիւնս վատ էր, և վախենում էի, որ ծով պահողի դէմքովս բարբի հիւրընկալիս սիրտը կընեղացնեմ: Վատ էր, որովհետև Ասորեստանում կատարելիք մի խոշոր գործը, որ ինձ և Ագայում լինող մի ընկերոջս էր յանձնուած, զանազան պատճառներով առաջ չէր գնում. ոչ միայն առաջ չէր գնում, այլ նոյնիսկ մի ամսուայ ընթացքում չէինք էլ կարողացել մտնել Ասորեստան:

Տխուր էի, և մտքումս դատապարտում էի թէ ինձ, որ ընդունել էի, և թէ ընկերներիս, որ այնպիսի մի վերին աստիճանի պատասխանատու, հայկական դատի համար ահագին նշանակութիւն ունեցող գործ ինձ ու մի ուրիշին էին յանձնել, և այն էլ այն պայմանով, որ զլուխ բերէինք քիչ ամիսների ընթացքում:

Իրիկնադէմին ինձ մօտ մտաւ Ուրմիում ապրող, մեր գործը յարգողներից մէկը, հեռուից ինձ համար եկած երկու ծրարները մեկնեց ու զլուխը շարժեց խորհրդաւոր կերպով:

— Ի՞նչ կայ. — հետաքրքրութեամբ դարձայ նրան:

— Ի՞նչ պէտք է լինի... Նիկոլը ձերբակալուած է. — պատասխանեց նա ու հառաչեց անկեղծ հառաչանքով:

Մանտեսին տեղն ու անդը չօքեց, յարձակուելու պատրաստուողի նման վիզը տնկած՝ աչքերը շոնեց ու կանչեց.

— Ի՞նչ ես գուրս տալիս... ասածիդ գորութիւնը հասկանում ես:

Վանեցին չէր ուզում հաւատալ, չէր էլ ուզում լսել, որ իրանց պաշտած, վանեցիների սիրած Գումանը կարող է ձերբակալուած լինել. նա խորապէս վրդովուած էր, որ լրարբեր յանդգնեց մի այդպիսի խօսք թոցնել բերնից:

— Քեօհնա-Շհարում է ձերբակալուել. — աւելացրեց նամակաբերն ու լոնց, վանեցու ազնիւ բարկութիւնը յարգելով:

Կոտրուած սրտով, յուզուած՝ բաց արի նամակները. — մեր ստանձնած միասիան շտապեցնող տողերի հետ՝ այնտեղ հաստատուած էր և այն, որին չէր ուզում հաւատալ վանեցին. — Նիկոլը ձերբակալուած էր իր զինուորներով...

1895—96 թուականներին մի տենդային գործունէութիւն կար Տաճկահայ դատին նուիրուածներէ շարքերում, վճռուած էր այդ տարին ասպարէզ հանել բոլոր ուժերը, և այդ կռուի գրօշակն այս անգամ պարզել միաժամանակ Վասպուրականի բոլոր անկիւններում, և ապրտամբութեանն աջակից պէտք է լինէին ՄարՇիմօնն ու ասորիներէ մեղիքներն իրանց լեռնականներով: Իսկ այդպիսի մի հսկայական ծրագիր գլուխ բերելու համար փող և զէնք էր հարկաւոր:

Զէնք... բայց ինչպէս: Մի հատ փամփուշտը յայտնի տեղից մինչև երկու սահման անցկացնեն ու Տաճկա-Հայաստան մտցնելը 40 կուպէկ էր նստում... Իսկ ատրճանակները, հրացանները, միւս անհրաժեշտ մթերքները... Սակայն ի՞նչ հոգ. մարդիկ գործում էին խելագարութեան հասնող հոգեկան թռիչքներով. ոգևորութիւնը վարակել էր լաւագոյն հայ երիտասարդներին, և ծանր բեռը, թէև գանդաղ, այնուամենայնիւ՝ առաջ էր շարժում:

Եւ այդ բեռնակիրների մէջ իր նշանաւոր տեղն էր գրաւում Նիկօլը, որ իր մարտական կորովը ժամանակաւորապէս մի կողմ դրած՝ այս անգամ գուրս էր եկել գործելու, իբրև ուղղամթերք փոխադրող զինակիր խմբի մի առաջնորդ:

Իմ յիշատակարանից գուրս եմ գրում այն

տղերը, որ Նիկօլի ձերբակալման զէպքին է վերաբերում:

Գումանը 54 հոգուց բաղկացած զինակիր խմբով Վանից դուրս գալով՝ մօտենում է տաճկա-պարսկական սահմանին: Խմբից միայն 10 հոգի էին զինուած, իսկ 44 հոգի անզէն էին, որ Սալմաստից զէնքերի բեռ վերցնելով՝ պէտք է մտցնէին երկիր: Խումբն ապահովութեամբ անցնում է սահմանն ու կանգ առնում մեր երազանքների մշտական վկայ, մեր սիրած-պաշտած Դերիկի զէմուղէմ, մի քիչ հանգստանալու: Այդտեղ նրանց նկատում են սահմանի քրդերն ու հաւար կանչում մօտակայ աշիրաթներին: Նիկօլն իսկոյն և եթ կարգադրում է որոշ տեղերում դիրքեր բռնել. իսկ Դերիկն առատ է ապահով և թշնամու համար սպառնալից դիրքերով, որ և գրաւում են զէնք ունեցողները: Քրդերն անագին բազմութեամբ գալիս, նոյնպէս դիրքեր են գրաւում և սկսում գանազան կողմերից գնդակներ տեղալ: Բոլորովին ցանկութիւն չունենալով սահմանգլխի պատահական կռուով քաղաքական աղմուկ բարձրացնելու, Նիկօլը պատուիրում է իւրայիներին ոչ մի զնգակ չարձակել, մինչև ինքը նշան չտայ, իսկ քրդերը խմբի լուսթիւնից սիրտ առած՝ աւելի են ուժեղացնում հրացանաձգութիւնն ու կամաց-կամաց մօտենում: Այն ժամանակ Նիկօլը խմբի վալաղի

բերնով յայտնում է քրդերին, որ իրանք խազազ մարդիկ են, քրդերի հետ բարեկամ լինելու ձգտում ունին և ոչ թշնամութեան, և նրանք զուր են կռուի հաւաքուել: Մակայն այդ յայտարարութիւնը քրդերը վախենալու նշան են համարում և խլացնող աղաղակներով նոր դիրքեր գրաւում ու գնդակների տարափ տեղում:

Տեսնելով, որ կռուելուց խոյս տալու այլևս հնար չկայ, Նիկոլը նշան է տալիս՝ պատասխանել քրդերին: Տասն հրացանների առաջին ճոճը սոցներից քրդերը ծածկւում են դիրքերում, մի քիչ սպասում, ապա զանազան ուղղութեամբ բուռն յարձակմամբ ընկնում հայդուկների վրայ, բայց միայն տասն հրացանը նրանց զարձեւել յետ է մղում:

Միջի տարածութիւնը 300 քայլ է քնում: Քրդերը վերեւ կողմը պաշտպանող չորս հայդուկների դիրքն աւելի թոյլ ու մատչելի համարելով՝ մեծ թափով գրոհ են տալիս այն տեղի վրայ, բայց մի գոհ տալով յետ են նահանջում: Չորս հայդուկներից երեքը ոգևորուելով՝ դուրս են թռչում դիրքից, նետում քրդերի մէջ, նրանցից մի քանիսին գլորում, բայց իրանք ևս էլ յետ դառնալ չկարողանալով ընկնում են այնտեղ, որոնցից երկուսը՝ Շատախցի Յակօբն ու աննման Շէրօն:

Այդ դիրքում մնացած միակ հայդուկը, Մի-

քօն, ընկերների վախճանը տեսնելով՝ դուրս է վազում դիրքից և Նիկոլին յայտնում պատահածը, իսկ քրդերն արագութեամբ գրաւում են անպաշտպան մնացած ու միւս դիրքերին հրամայող դիրքն ու կռուողներին նեղ գրութեան մէջ գնում: Այն ժամանակ Նիկոլը հրամայում է մտնել Դերիկայ վանքը, որի միայն չորս պատերն էին ամբողջ մնացած, իսկ առաստաղը քանդուած էր տաճկաց հիւպատոսի եռանդուն դիմումներով, որ առարկել էր, թէ հայերն այնտեղ բերդ են շինում՝ տաճիկ կառավարութեան դէմ կռուելու համար և անկամ պարսիկ կառավարութիւնը հրամայել էր քանդել պարսիպն ու վանքը...

Քրդերն անմիջապէս դուրս են գալիս իրենց բռնած տեղերից, վանքը շրջապատում ու փորձում բարձրանալ տանիքը, այնտեղից գնդակակոծելու վեց կռուողներին: Բայց առաջին իսկ երկուսին, որ գլխին ցոյց են տալիս պատից, գնդակահարում է Նիկոլը, նրանց յաջորդում են ուրիշ երկուսը, որ զարձեւալ գլորւում են հայդուկների գնդակներից ու քրդերը թողնում են փորձերը, սպասելով, որ գոնից երեւի դուրս կը վազեն և նրանց տեղն ու տեղը սրախողխող կանեն:

Մութն ընկնում է. հարկաւոր էր օգուտ քաղել մթութիւնից ու հեռանալ. սակայն վանքի դուռը քրդերը բռնել էին շատ յաջող կերպով և

առաջին դուրս թուշոյն առաջին գոհը կը լինէր: Դրութիւնն աւելի ծանր է դառնում, երբ թշնամին սկսում է տանիքից ներս շարտել վառած ցախերի անթիւ խուրձեր և վանքը լքցնել հեղձուկ ծուխի քուլաներով:

Էլ երկար սպասելու տեղը չէր. Նիկոյն իսկոյն որոշում է անելիքը. կանչում է, որ բոլորը պատրաստ լինեն և հետեւեն իրեն, երբ դուռը կապահովէ քրդերից: Ապա հանելով ատրճանակը, արագ ոստիւններով դուրս է թուշում, ատրճանակի աջ-ձախ հարուածներով շփոթեցնում թըշնամուն, յետոյ հրացանը գործի դնելով՝ շէմքն ազատում, այդ միջոցին էլ դուրս են վազում վանքից մնացած բոլորն ու անյայտանում մթութեան մէջ:

Վանքից դուրս գալուց յետոյ, Նիկոյը 43 հոգով իջնում է ներքև, իսկ ութ հոգի խմբից սխալուելով ուրիշ ճանապարհով գալիս, հասնում են այն տեղ, որտեղ պէտք է գնային:

Ուրիշ վիճակ էր սպասում Նիկոյին՝ իր ընկերներով: Նրանք գիշերը գալիս, հասնում են Սալմաստի Քեօհնա-Շհար գիւղաքաղաքին: Հայդուկներից մէկը գնում, բաղխում է մի դուռ. դուրս է գալիս մի պարսիկ. տեղ են խնդրում մնալու, մանաւանդ որ Սալմաստի պարսիկները մեծ յարգանքով էին վերաբերում հայ «Փիլալիներին», և քիչ չէր պատահել, որ գնահատելի

ծառայութիւններ էին ցոյց տուել: Պարսիկն ուրախութեամբ տեղ է տալիս, բայց հէնց որ յոգնած, շարդուած տղերքը քուն են մտնում, անպիտան տանտէրն իսկոյն իմաց է տալիս Դիլիման, պարսիկ կառավարութեանը, թէ իր տանն այսքան-այսքան հայ դաշախներ կան:

Լուսաբացին պարսիկ զօրքը շրջապատում է տունը: Նիկոյը տեսնում է, որ մատնուած է, բայց ամենախիստ կերպով պատուիրում է ոչ մի զիմադրութիւն ցոյց չտալ, հետեւելով այն մի անգամ ընդմիշտ ընդունուած կէտին, որ այս ինչ, այն ինչ նկատումներով երբէք Սալմաստում պարսիկ կառավարութեան հետ վտանգաւոր պատմութիւն չստեղծել:

Այդտեղ բոլորին ձերբակալելով՝ տանում, Դիլիմանի բանտն են լցնում:

Թէև Նիկոյը բանտում երկար չի մնում և Սալմաստում գանուող մեր ընկերները նրան շատ շուտով ազատում են, այն էլ իր հրացանով, փամփշտակալները կապած, բայց և այնպէս այդ ինձ յայտնի լինել չէր կարող, որովհետև նամակը գրուած օրը նա դեռ բանտումն էր եղել, և ազատուելու մասին ոչինչ գրել չէին կարող:

Նամակը ձեռքիս, գլուխս քաշ գցած, ես ինձ վատ, շատ վատ զգացի. այն մաքուր, անազարտ սէրը, որ այն ժամանակուայ բոլոր ըն-

կերները տաժում էին դէպի միմեանց, այն անկաշառ, իգէալական զգացմունքները, որ այն ժամանակուայ գործողներն ունէին իրենց սրբտում դէպի իրենց զաղափարակիցները, չէին կարող չստիպել, որ բոլորը չվշտանային մէկն ու մէկին մի գժբախտութիւն, մի անյաջողութիւն պատահելուց. իսկ այս անգամ Նիկօլն էր. մէկը, որի անունը դեռ հեռուից հեռու հմայում էր մարդկանց, որի կատարած գործերով հպարտանում էինք, որին տեսնողը ինքնաբաւականութեամբ կարողանում էր ասել. — ես Նիկօլին տեսել եմ:

Իսկ ես Նիկօլին տեսել էի 1884—86 թուերին, և այն յոյսն էի փայփայում, որ 10—12 տարի անցնելուց յետոյ նրան նորից կը պատահեմ այլ պայմաններում, այլ ասպարիզում:

Եւ ես տեսայ նրան:

II

Նոյն թուի յունիսի 18-ին, սնգանգան ձիուս կողերը տանջելով, կարաւաշատ Փիրչաուուը յետես թողած՝ դէպի Մալմաստ էի շտապում: Գեղեցիկ Ղալասարի սպիտակ պատերն արդէն երեւում էին և ես բարկանում էի ձիուս վրայ, որ յոգնած՝ շատ դանդաղ էր առաջ շարժւում, մինչդեռ ցանկանում էի մի ժամ, երկու ժամ շուտ տեղ հասնել:

Անհամբերութիւնս հասկանալի էր. Նիկօլի բանտից ազատուելն արդէն լսել էի, նա այժմ ազատ էր ու Ղալասար էր գտնւում. շտապում էի օր-առաջ հանդիպել նրան, թէև սիրտս կրրծում էր այն գաղտնի երկիւղը, թէ Նիկօլը կարող է նեղանալ իմ ստանձնած միասիայի անյաջող ելքով:

Լաւ չեմ յիշում, բայց կարծեմ 1885 թէ 86 թուին՝ Շուշի ինչ-որ խորհրդաւոր գործ էր սկսուել. աղօտ կերպով մտքումս ինչ-որ անկերպարան, մութ յիշողութիւններ են մնացել. յիշում եմ, որ մէկի մօտ էին հաւաքւում զանազան ծանօթ ու անծանօթ մարդիկ, և, թէև ցած ձայնով, բայց վիճում յուզուած, բարձր արամադրութեամբ, երբեմն էլ՝ բարկացած. նրանց խօսակցութիւնից ու վէճերից իմացայ, որ կայ մի տետրակ, որին «Ոսկէ Մատեան» (կարծեմ) անունն են տալիս, որ այդ Մատեանն են մտցնւում «անձնուէրների» անուններ, որ ւււ անուն Մատեան մտաւ, նա էլ յետ կանգնել չի կարող, և նա պէտք է դնայ Տաճկաշայաստան՝ զոհուելու համար: — Չէին ասում կռուելու, այլ՝ զոհուելու:

Չգիտեմ, նրանց բոլորի՞ անունները մտել էին Մատեանի մէջ, բայց գիտեմ, որ իմ ձանաչածներից երկուսը դեռ կենդանի են, Բար-

սեղը կախուեց Պօլսում, Մարտիրէն սպանուեց Սալլա-Սնանայում, իսկ Նիկօլը...

Այդպէս՝ դեռ վաղուց նրան ճանաչելիս, և այժմ, երբ նա իր ընտրած պանծալի ճանապարհին հերոսի անուն էր վաստակել և ամեն պատահող «Դուժման» էր կանչում պարծանքով, բնական էր, որ ուժեղ լինէր նրան նորից տեսնելու ցանկութիւնս:

Մտայ Ղալասար: Նիկօլն այդտեղ չէր...

Հետեւեալ օրն իրիկնադէմին ես ու բժիշկը նստել էինք բակում, ծառի տակ և թէյ էինք խմում. բժիշկն ինձ վստահեցրել էր, որ Նիկօլը «հիմա որտեղ որ է, երես կանի», և ես շղայնացած՝ անհամբերութեամբ սպասում էի:

Իսկապէս՝ մի քանի րոպէ յետոյ Փայաշուկից մեզ մօտ մտաւ մի բարձրահասակ, միջակ կազմուածքով, մազ ու միրուքով, երկարավիզ կօշիկները հագին տղամարդ:

Նիկօլն էր դա...

Դարերով հառաչող՝ «վախկոտ», «թուլասիրտ» հայն ըմբոստացել էր, և անձ այդ ըմբոստացման ոգին, բողոքի շունչը մարմնաւորուած՝ կանգնել էր իմ առաջ Նիկօլի կերպարանքով. այդ րոպէին ես Նիկօլին չէի տեսնում, այլ՝ Թաթուլ-Կարճին, Գայլ-Վահանին, Թէոդորոս Ռշտունուն, — հայի քաջութիւնը՝ դարերի

մոխիրների տակից յարութիւն առած ի դէմս Նիկօլի:

Եթէ մի «Բուլգար աւագակապետ», մի «Դանչօ» ժամանակին կարողացել էր մի ամբողջ սերունդ ոգևորել, ապա հասկանալի պէտք է լինի զգացմունքների այն յորդութիւնը, որ ինձ էր համակել, իմ առաջ «Դանչօներից» գլխովին բարձր Նիկօլին տեսնելով:

III

Այնուհետև բաւականին մնացինք միասին, և ես վկայ եղայ, որ Նիկօլը միանգամայն արժանի է այն հեղինակաւորութեանը, որ ունի:

Նրա ռազմական ընդունակութիւններն արդէն յայտնի էին. բայց Սալմաստի ժամանակաւոր և համեմատաբար խաղաղ գործունէութիւնը ցոյց տուին, որ նա խոր վարչական հրմտութիւն ևս ունի:

Դրսից նորանոր զինուորներ գալիս էին ու գալիս. տաճկահայ գատը մի զարմանալի ուժով հայութեան բոլոր պուճախներից անձնուէր երիտասարդներ էր քաշում, բերում դէպի Թաւրիզ, Սալմաստ. և նրանք հաւաքուում էին՝ մի կողմից ուրախութիւն, միւս կողմից հոգսեր բերելով իրենց հետ. ուրախութիւն, որ խտանում էին կռուողների շարքերը, հոգս, որ այդ բազմու-

Թիւնը տեղաւորելու, կերակրելու անհրաժեշտութիւն կար, իսկ միջոցները պակասում էին: Այդ օրերին էր, որ Դիլիմանի բանտում գրոտնուող, Նիկոլի հետ եկած ու բռնուած զինուորներն էլ ազատուեցին, ճանաչուելով իբրև գաղթականներ, որ տաճիկ բարբարոս կառավարութիւնից փախած՝ «եկել էին պարսից Շահի խնամատարութեանն ու ողորմածութեանն ապաստանելու»: Դրանց հետ միասին՝ զինուորների թիւը փոքրիկ Սալմաստում անցաւ հարիւրներից. ինչպէ՞ս անել, որտե՞ղ տեղաւորել, ինչպէ՞ս կերակրել... գլուխներս կորցրել էինք. բոլորի յոյսը Նիկոլին էր:

Իսկ Նիկոլը մի սովորութիւն ունէր. նա երբեմն սպասում էր, որ մի որևէ գործ գլուխ բերելու համար ընկերները շարչարուին, և երբ բան չէր գուրս գալիս, իսկոյն թափով տարածում էր ձեռներն ու վերանում էին գժուարութիւնները:

Այս անգամ էլ այդպէս եղաւ. մինչդեռ ամենքը խոհուն, մտածկոտ դէմքերով գլուխ էին կոտրում բաւական ժամանակ, թէ ի՞նչ եղանակով կարգաւորեն զինուորների գործը և միջոց չէր գտնուում, հասաւ Նիկոլը, բոլոր զինուորներին տասնեակների բաժանելով՝ ցրուեց զիւղերում, հրամայելով, որ իւրաքանչիւր զինուոր պարտաւոր է զիւղական աշխատանքներ կատարել

ուրիշ աշխատանք համար, որտեղ ապրում է և այդ տան հացն ուտում, ամեն մի գիւղում երկու վերահսկողներ նշանակեց, որ նրանք շթողնեն զինուորներին անկարգութիւններ անել, միևնոյն ժամանակ հրահանգելով, որ, քանի որ շուտով կամ արշաւանք կրլինի կամ կանցնեն Վասպուրական, ապա վերահսկողները պարտաւոր են իրենց յանձնուած զինուորների բոլոր զինուորական մանր պէտքերը հոգալ, — արեխներ, ջրաման, տոպրակ, իւղաման, և այլն:

Նիկոլին սիրող ու պաշտող Սալմաստի գարմանալի ժողովուրդը, նրա կարգադրութեան համաձայն, զինուորներին սիրով ընդունեց, առանց դժգոհութեան մի նշանի: Եւ Նիկոլի անունն էր, որ Ղալասար, Փայաջուկ, Հաֆթվան, Մահլամ, Սառնա և Սաւրա տեղաւորուած զինուորութեանը զսպած պահում էր կարգապահութեան սահմաններում, բացի մէկից, որ մի կնոջ ինչ որ սգեղ ակնարկութիւն էր արել, և որին Նիկոլը 48 ժամում գուրս քշեց Պարսկաստանի սահմաններից, գոհութիւն և հիացմունք պատճառելով ընկերներին ու սալմաստեցիներին:

Նա որքան կարող էր ներքին գործերը վարելու մէջ, նոյնքան էլ վարպետ էր արտաքին յարաբերութիւնները յարդարելու, վարկ պահպանելու մէջ: Քաղաքագէտ էր և շրջապատի հոգեբանութիւնն արագօրէն ըմբռնող: — Յուլիսի

սկզբներում գէպի սահմանագլուխ մի քանի վաշտ պարսիկ զօրքեր եկան, որ ուղարկուած էին իբրև թէ սահմանը պաշտպանելու քրդերի յարձակումներից: Այդ անվարտիկ զինուորներից մարդ չէր կարողանում աչք բաց անել. վա՛յ էր, եթէ մի գիւղից մի այլ գիւղ անցնող հայ դրանց պատահէր. իսկոյն կըթալանուէր: Հայ զինուորներն իրենց երկար զսպելուց յետոյ, մի օր տեսնում են, որ մի քանի պարսիկ զինուորներ մտել են Ղալասարցի մէկի այգին և իրենց քէֆին աուուոյտ են հնձում. հայերից երեք հոգի համնում են, նրանց շատ ծեծում, որոնցից մէկի ձեռքը վիրաւորում է՝ իր իսկ մերկացրած սրից:

Մինչև այդ գէպքը կըքննուէր, պարսիկ զինուորներն աւելի են լրբանում ու սկսում հետամտել մանաւանդ տաճկաստանցիներին: Դրա համար բժիշկը մի քանի անգամ խիստ դիմումներ արաւ Դիլիմանի հաքիմին, ու թէև նա խոստումներ շոայլեց, բայց անկարգութիւնները վերջ չառան, և էլ աւելի թափ ստացան:

Նիկոլը լաւ ճանաչելով պարսիկներին, վեր է կենում և ուղղակի գնում Սալմաստի սարֆարաստ Հիւսէյին խանի մօտ. Հիւսէյին խանը մեծ պատուով ընդունում է նրան և ուրախութիւն յայտնում, որ «բախտ ունեցաւ Դումանին անձամբ տեսնելու»: Սակայն Նիկոլը պարսկական շոյանքներից շրա-

ցողը չէր և Հիւսէյին խանի գովասանքներին պատասխանում է յանդիմանանքով:

— Այսպէս էք խնամում այն մարդկանց, — գոչում է Նիկոլը, — որոնց ինքը՝ Շահն է իր ողորմած խնամատարութեան տակն առել:

Սպա սպանում է, որ եթէ այսուհետև «իր մարդկանց» կաշոյ լինի, այնուհետև ինքը պատասխանատու չէ հետևանքների մասին:

— Երևի, սարդար (զօրապետ), չեն իմացել, որ քո մարդիկն են. — վախուորած պատասխանում է սարֆարաստը, խօսք տալով խիստ հսկողութիւն նշանակել:

Եւ իսկապէս՝ այնուհետև պարսիկ զինուորներ այլևս շատ դժուարութեամբ սկսեցին երեւալ հայ գիւղերում, իսկ Ղալասար, որտեղ Նիկոլն էր ապրում, բոլորովին չերևացին:

Դրանցով չէր վերջանում Նիկոլի գործունէութիւնը. նա մեծ ուշադրութեամբ գանազան խնդիրներ ընկերների հետ միասին հարթելուց յետոյ՝ ամբողջապէս կլանում էր զինուորական գործերով:

Վանում տեղի ունեցած յունիսեան եօթնօրեայ ճակատամարտներից յետոյ Պետօն, Մարտիկն ու Աւետիսեանը դուրս էին եկել Վանից՝ հիւպատոսների հաւաստիացումներին հաւատալով, և նոյն ամսուայ 10—12-ին բացարձակ անհաւասար կռուի բռնուելով քիւրդերի ու

ծպտուած զօրքերի հետ, իրենց բազմատանջ գլխին զնում Սալլա-Սանայում ու Չոլ-Չիմանում: Ահա այդ հերոս նահատակների արեան վրէժ լուծելն էր համակել Սալմաստում բոլոր գանուողներին, իսկ Նիկոլն առանձնապէս, մենակ մնացած ժամանակները միայն այդ վրիժառութեան ցանկալի բոպէսներն էր փայփայում իր սրտում և արշաւանքի հակառակորդներին անգամ վարպետութեամբ թեքելով, քայլ առ քայլ Սանասօրը պատրաստում:

Որպիսի հրճուանքով էր նա գիշերներն ընդառաջում հեռու տեղերից փոխադրուող գէնքերի բեռներին. ինչպիսի հաճութեամբ էր զրգւում իւրաքանչիւր օր ստացուած հրացանի փողը:

Այդ պատրաստութիւնները տեսնելու օրերին հարկաւոր էր մի նայել Նիկոլին. նա աւելի էր մեծացել, աւելի վեհացել, դէպի իրան սէր ու պատկառանք ներշնչելով բոլորին, թէ ընկերներին, թէ զինուորներին և թէ ժողովրդին: Եւ որքան ուրախ էր նա. ինչպէս ախորժալուր էր հնչում նրա առողջ ծիծաղը:

Գուցէ նա վիշտ ունէր սրտում. բայց ոչնչով երբէք այդ չէր արտայայտել, միայն մի անգամ այդ օրերը նկատեցի, որ նա վայրկենապէս մռայլուեց, տխրեց: Այդ այն օրն էր, երբ Վասպուրականը յունիսեան օրերում Համիդի

ճանկերում տնքալով՝ այժմ մի քիչ ուշաբերուել էր, և Վարդանի ու Վազգէնի նամակներն էին հասել մեզ, որտեղ երկրի գրութիւնը նկարագրելուց յետոյ, հետեեալ երկտողը ևս կար. «Մեր գէնքերն այդտեղ (Սալմաստում) թափուած, զինուորները յօրանջելիս, իսկ այստեղ ժողովուրդը հազարներով է մորթուում...»

Մռայլուեց երևի նրա համար, որ այդ նամակները գալիս էին արշաւանքի ծրագիրը ճեղքելու, որի համար ինքը գիշեր ու ցերեկ աշխատում էր, և դեռ մի խմբակ էլ, 12 հոգուց բաղկացած, գրեթէ ըմբոստացած՝ պահանջ էր դրել թողնել առ այժմ արշաւանքի միաքն ու անցնել երկիր, ինչ գնով էլ լինի:

IV

Երկար մաքառումից յետոյ, Վան անցնել ցանկացողները վերջապէս հասան իրենց նպատակին. արշաւանքի թունդ կողմնակիցները կակղեցին մի քիչ. Նիկոլն էլ զիջեց և 12 հոգուց բաղկացած մի խումբ՝ ուրախ սրտով, գուարթ գէմքերով՝ յուլիսի 31-ի իրիկունը մութն ընկնելուց՝ մէջքներնին կապեցին հացի ու ռազմամթերքի տոպրակները, գօտկուց կախեցին ջրաման-իւղամաննին և հրացաննին բռնած՝ շարքով

կանգնեցին Փայաջուկ գիւղի մի տան բակում, սպասելով Նիկոլի վերջին հրաժեշտին:

Մեզ ճանապարհելու համար Ղալասարից եկել էին մեր սիրելիները, — Կարօն, Մարօն, բժիշկը, — իսկ Նիկոլը դեռ կէսօրուանից մեզ հետ էր և մենք սպանում էինք, որ անա կը գնանք ու նրա դավիտները կը խենք Տաճկա-Հայաստանում, — և նա ծիծաղում էր իր այն քլքլան ծիծաղով:

Վերջին ըտպէին նա կանգնեց մեր առաջ, նայեց մեզ մի անմեկնելի փաղաքշող հայեացքով, ապա դեկավարող խօսքեր ուղղելով խորհուրդներ տուաւ, և երբ ձայնը մատնեց նրա հոգեկան զրութիւնը, որ այնքան վարպետօրէն միշտ ծածկել գիտէր, մօտեցաւ մեզ, ու, չհամբուրուեց, այլ համբուրեց բոլորիս մէկ-մէկ, և մենք ճանապարհ ընկանք՝ տանելով մեզ հետ Նիկոլի համբոյրը, Նիկոլի ոգին. — ոգին, որ կարծես համբոյրի հետ առատօրէն մացրեց մեր սիրտը...

Նրանելի ժամանակներ, երանելի շրջան, որ մաքրութիւնը, ընկերսիրութիւնն առաջին պայմանն էր համարում, անձնագոհութիւնը՝ կեանքի գերագոյն նպատակ: Ահա ինչու մեր հոգին լցուեց քաղցրութեամբ, երբ ընկերսիրութեան և անձնագոհութեան տիպար Նիկոլը իր համբոյրը մեզ ուղեկից տուաւ:

Սէյրավարում մեզ տեսչելու եկան Աբաղայի դաշտից ու Վանից պարսկական սահմաններն ապաւինած տաճկահայեր. նրանք չէին ծածկում մեզնով ոգևորուելին, անվերջ խօսում էին, պատմում, գովում Վազգէնին, գովում Աւետիսեանին, իսկ Նիկոլը՝ առանցքն էր բոլորի խօսակցութեան. — մեռնեմ Դումանին. — Դումանին զուրբան. — խօսքի տակին, զլիին կրկնում էին նրանք. իսկ մէկն այնքան ոգևորուեց, որ առանց խնդրելու, ինքն իրան սկսեց մի քրդերէն երգ կլկլացնել, որ հերոսասէր քրդերն էին յօրինել՝ Նիկոլի հետ Սարայ-Բօղազ-Քեասանում ունեցած կռուից յետոյ: Ես խնդրեցի թարգմանել. երգիչը մի առանձին սիրով, հազար ու մի գովեստներ թափելով «ազգասէր Դումանի» հասցէին, ձախ ծունկը դրաւ տակին, աջը ցցեց, ձեռքն ականջին դիմար տուեց, մի անգամ էլ երգեց, յետոյ սկսեց թարգմանել:

Ֆրայիններն անցան Կոտորի կիրճով,

Շամսկանցիները հետքը վերցրին.

Նրանց յետևից մինչև Սարայ եկան,

և Սարայում նրանց հասան:

Սարան առատ է շրով, աղբիւրով.

Տարաբախտ մնաց Սարայը զրանցով.

Աւերակ Սարայը լցուեց արիւնով,

Բօղազ-Քեասանում կռին սկսուեց...

Կտրուեց Ջնդօյի ու Շաւէշի ցեղը.

Դուժանի և իր ֆրայիների տունը

Աստուած քարուքանդ անէ,— և այն...

Այսպէս մի երկար երգ, որտեղ Ջորջ, Շաւէշի սպանուիլն էր երգւում, և Նիկօլի գէնքերն ու կուռի ձևը նկարագրւում:

Անցանք Վասպուրական. Պատիկ-Գիւղի ուէյսի տանը նստած՝ խօսում ենք. այդտեղ ևս Նիկօլի անունն է հնչում: Հասանք Վան. առաջին հանդիպողը՝ Նիկօլ, վերջին հանդիպողը՝ Նիկօլ է հարցնում:

Արարուց թաղում հիւսն Ղազարենց տանը, տանտէրը փողոցին նայող երկու հրդեհուած սենեակներն է ցոյց տալիս, և զաղանի հպարտութեամբ աւելացնում.— Նիկօլը մի ամբողջ ամիս այնտեղ է մնացել:

Մինչև անգամ Վազգէնը, Վասպուրականի նշանաւոր յեղափոխականների այդ աննման գոհարը, նա էլ մի առանձին հիացմունքով էր խօսում Նիկօլի մասին, և այդ ոչ թէ ընկերական զգացմունքներից դրդուած, այլ Նիկօլի ռազմական ու վարչական ընդունակութիւնների նկատմամբ ունեցած համոզմունքից:

Այդպէս՝ Նիկօլը դեռ 1896 թուին արդէն մի հեղինակաւոր անձնաւորութիւն, մի պատկառելի մեծութիւն էր, և մենք տեսնում, զգում էինք, որ Նիկօլը մեզ նման չէ իր մի քանի շեշտուող յատկութիւններով, որ Նիկօլն իր ընտ-

րած ճանապարհին՝ իրան արժանի մի սերունդ է կրթում, հայ դատին նուիրուած մի շարք նշանաւոր գործիչների հետ ձեռք-ձեռքի տուած:

Այնուհետև մենք շատ ու շատ անգամներ պատահեցինք զանազան պայմաններում ու տարիներում. և այժմ Նիկօլին պատահելուս առաջին օրերի յիշողութիւնները տալով՝ անյարմար կը լինէր, եթէ ասէի, որ արդէն Նիկօլի պատկերը ներկայացրի: Այն օրերից տասնևութ երկար ու ձիգ տարիներ են անցել. այդ տարիներն այնքան են մրրկայոյզ եղել, գործունէութեան աշխատի բեղմնաւորութիւն է ցոյց տուել Նիկօլը և այնպիսի բարձրութեան հասել, որ թռուցիկ յիշողութիւններում այդ բոլորը պարփակել՝ շատ դժուար է:

Նիկօլները, Սիմոնները,— առհասարակ հայի ազատագրման համար մարտնչող հերոսները, ինչ կուսակցութեան էլ պատկանելիս լինին,— արժանի են առանձին գրքերի, և նրանք գրչի են սպասում:

Միայն Նիկօլին փոքր ինչ բնոյթագծելու համար պէտք է աւելացնեմ, որ նա չունէր Սիմոնի համբերողութիւնը՝ զրկանքների օրերում, կորովը՝ տեսական խնդիրներում, և ոչ էլ Քրիստափորի թռիչքները՝ գրեթէ զարհուրեցնող ծրագրերում: Սակայն Նիկօլը մի զարմանալի

յատկութիւն ունէր. նա չպէտք է ասէր՝—այսպէս պէտք է լինի.—երբ ասաց, պրծաւ, պէտք է կատարէր, որքան էլ վտանգաւոր, որքան էլ յանդուգն լինէր ձեռնարկը:

Ռազմական, վարչական տաղանդով, և կռիւների ժամանակ անձնական անվեհերութեամբ նախանձելի լինելով՝ Նիկօյն ուժեղ չէր տեսական խնդիրներում. նա ծանրակշիռ հարցերը լուսաբանում էր ինքնաբուղիս փիլիսոփայութեամբ, և թէև մէկ-մէկ սիրով լսում էր «տեսականներին» (ինչպէս ինքն էր ասում), բայց աչքով աչք չունէր տեսնելու նրանց, որ հրի ու սրի օրերին, Պիղատոսի նման ձեռներնին լուացած մի կողմ էին կանգնում, բայց հանգիստ օրեր բացուելուց՝ բերաննին լայն բաց արած՝ ասպարէզ նետում, «քննելու», «պարզաբանելու», զանազան խնդիրներ երկար ու բարակ ծեծելու համար:

Ատում էր խօսքի ասպետներին, կենդանի գործի այդ յուզարկաւորներին, և կորցնում իրան յատուկ սառնասրտութիւնը, երբ Պիղատոսները դատում և անպատճառ դատապարտում էին այն գործը, որ ինքն էր սիրել հոգով ու սրտով, որ իր ընկերների արիւնով էր սրբագործուած:

Վերջին տարիներս մի ժողովում հաւաքուել էին զանազան հոսանքների ականաւոր

ներկայացուցիչներ, մի քանի հարցեր քննութեան առնելու, աւելի շուտ՝ միմեանց մեղադրելու: Սօսուեց երկար ու շատ. իսկ երբ խօսքը հասաւ հողային հարցին, և երբ տաճկահայ դատը իւրատեսակ «պաշտպանողներն» իրենց տեսակէտն սկսեցին պարզել, Նիկօյը մի սուր շարժում գործեց, բարձրացաւ տեղից ու հեռացաւ:

Հետեւեալ օրը նրան հարցրի.

— Ինչո՞ւ դուրս եկար, վէճը հետաքրքիր էր:

Նիկօյը բարկացածի պէս նայեց ինձ, ապա լայն շարժումներով, մատը օդի մէջ ծանր-ծանր թափ տալով՝ ասաց.

— Քուրդ ու տաճիկը հողային հարցը հրացանով են լուծում. և քանի որ զեղեցիկ բառերը ոչինչ են զնդակների առաջ, ապա ես միայն հրացան կը քարոզեմ, համոզուած լինելով, որ (ներկայ պայմաններում միայն զբանով կը լուծուի հողային հարցը Տաճկա-Հայաստանում: Մնացածը՝ շատախօսութիւն է և փախուստ՝ գործից:



ԿԱՐՕՆ ՈՒ ՄԱՐՕՆ

(Յիշողութիւններ)

I

Սարօն ժպտաց:

— Ընդհակառակն, — ասաց նա, — դժուարութիւնը շատ անգամ գուարճութիւն է պատճառում: Այ, Կարօն ասում է, որ իր ձերբակալուելն իր կեանքի լաւ ընթացքից մէկն էր: Յուզմունքը, լարուածութիւնը, յաջող փախուստը նրան վերաստեղծել, կարծես նոր մարդ էր դարձել:

— Բայց մի՞թէ Կարօն բռնուած է եղել. մենք այդ մասին բան չենք լսել, — ասացինք մենք:

— Չէիք էլ կարող լսած լինել, որովհետեւ նրա բռնուած ժամանակը դուք ճանապարհին էք եղել:

— Իսկ երբ է բռնուել, սրտեղ և ինչպէս է փախել. — այնպիսի եղանակով վրայ տուինք մենք, որ Սարօն ուրախ-ուրախ ծիծաղեց:

— Պատմեմ. — սկսեց նա... — Այսպէս, այն օրուանից Կարօյին մի քանի անգամ ցանկանում

են թակարդ գցել ու ձերբակալել, բայց չի աշողում: Գործը հեշտացնելու համար, նրա լուսանկարներն են տարածում Պարսկաստանի գրեթէ բոլոր քաղաքներում, միևնոյն ժամանակ խստիւ պատուիրելով, որ աշխատեն բռնել, ու իբրև ուսանալատակի յանձնել ուսուցանողութեանը, որ նա դատէ: Մենք այդ գիտէինք. գիտէր և Կարօն, բայց ուշք չէր դարձնում ամենեին. իր գործն էր շարունակում: Մօտերքս Թաւրիզ պէտք եղաւ, որ մէկն անպայման անցնի սահմանը կարճ ժամանակով ու կարևոր գործերով: Այդ յանձնարարութիւնը կատարելու համար մարդիկ գործով այս ու այն կողմ էին անցած, միւսներն էլ դեռ անփորձ էին: Կարօն, չնայած իր զբաղուած լինելուն ու վտանգուած դրութեանը, չանսալով ընկերների առարկութիւններին՝ վեր է կենում, հրացանն ուսը գցում, ձին հեծնում, մի խուրճին լի թղթերով ու նամակներով սնդագնում գաւակին ու ճանապարհ ընկնում Ջուլֆա:

Հասնում է Ջուլֆա, իջնում մաքսատան մօտ և սպասում, թէ երբ է գալու քարշանաւը, որ միւս ափ անցնէ, կամ իմաց անէ միւս ափում գտնուող մեր մի ընկերին, որ պատրաստ լինի: Եւ երբ նա իր համար հանգիստ ման էր գալիս Արաքսի ափին, ինչ որ պատրուակով կանչում են մաքսատուն, և հէնց այդտեղ էլ

յայտնում, որ նա ճանաչուած է ու ձերբակալուած: Ապա գցում են մի «սենեակ», հրացանը, խուրջինը պնդացնում և դուռը դրսից կողպելով՝ Կարօյին թողնում, որ իր դրութեան մասին այնտեղ մի լաւ մտածէ:

Կարօն զգում է, որ գործը լաւ տեղ չմթնեց. բայց չի շփոթւում, իրեն չի կորցնում. այլ իսկոյն կենտրոնանում է այն մտքի վրայ, թէ՛ պէտք է փախչել: Գիշերուայ ժամը 10-ին խարխափելով գտնում է ցերեկը նկատած մի կտոր երկաթ, հմուտ փականագործ լինելով՝ յաջողութեամբ բաց անում պահարանի դուռը, հրացանն ու խուրջինը հանում, ապա բարձրանում ցածրիկ լուսամուտը՝ դրսից մի հոտ առնելու: Տեսնում է, որ պահապանը դեռ արթուն է և քայլում է լուսամուտի տակով: Բայց Կարօն շատ լաւ գիտէր, որ պարսիկ պահապանը հազիւ թէ երկար արթուն մնայ, ուստի և սկսում է հանգիստ սրտով սպասել: Իսկապէս ժամը 11 և կէսին պահապանի ոտնաձայնը դադարում է: Մի քիչ էլ ուշադրութեամբ ականջ դնելուց յետոյ համոզւում է, որ հսկողն անշուշտ քաղցր երազներ է տեսնում, մի ուժգին թափով աքացիով թոցնում է լուսամուտի բարակ տախտակեայ փեղկերն ու ցատկում դուրս, խուրջինն ուսին, հրացանը ձեռքին: Պահապանը յանկարծակիի եկած՝ սարսափահար մի կողմ է թռչում, և երբ

Կարօն քսան-երեսուն քայլ հեռացած է լինում, նոր միայն սկսում է հարայ տալ: Կարօի բախտից՝ գիշերը շատ մութն է լինում. վազում է բաւականաչափ տեղ և աւելի հեռանալն անյարմար համարելով՝ մի ապահով տեղ դիրք բռնում թէ՛ հանգստանալու և թէ՛ չորս կողմը դիտելու: Հետապնդողները հետները շներ վերցրած՝ գալիս են, մի քիչ «հայ-հօյ» անում ու յետ դառնում, իսկ Կարօն դուրս է գալիս՝ դիրքից ու հեռանում:

— Ո՛ւր, ո՛ւր է հեռանում. — անհամբերութեամբ հարցրինք մենք:

— Իր բունը... ՆուխաՎկայ:

Սաքօն վերջացրեց. մենք համբուրուեցինք ու բաժանուեցինք իրարուց, Սաքօն դէպի հիւսիս, մենք՝ դէպի հարաւ:

II

Մարօն կարճահասակ էր ու մի ոտից խիտ կաղում էր. շատ տարիներ առաջ, ծառից ընկնելուց՝ ոտը մնացել էր ձիւղի արանքում, Մարօյին ցմահ կաղ մնալու դատապարտելով:

Դէմքը գրաւիչ էր. բայց գեղեցիկ աչքերը ժպտալու, ծիծաղելու ժամանակ անգամ մի տեսակ տխրութիւն էին արտայայտում. երևի Փիզիքական պակասութեան վիշտն էր դա:

Չարմանալի յստակ հոգի ունէր և ամբողջ էութեամբ նուիրուած էր գործին: Դպրոցում դասերը վերջացնելուց յետոյ կը գար տուն, կուզէր տետրակներն ու անմիջապէս ձեռքը կառնէր Հայաստանի մեծ դրօշակը ձեռագործելու, քթի տակ մեղմ ձայնով «Լէ-լէ, աման» երգի եղանակը երգելով: Յոգնելուց՝ մի կողմ էր դնում դրօշակն ու սկսում հայդուկների համար մէջքի տոպրակները կարել: Նրան պարապ չէր կարելի գտնել. միշտ զբաղուած էր և նրա ձեռքով արուած կարկատաններն առանձին զին ունէին:

Մարօն սիրում էր Կարօյին. Կարօն նոյնպէս սիրում էր Մարօյին. և երկուսից՝ մէկը միւսից լաւ: Բայց նրանք հպարտանալու տեղիք չունէին, որովհետեւ մնացած ընկերները պակաս չէին սիրում այդ ջուխտին:

Այդ էր պատճառը, որ մարտի 14-ին, Չատիկ իրիկունը քէֆներս տեղը չէր, որովհետեւ Մարօն չկար. իսկ Մարօն չկար, որովհետեւ Կարօն էլ չկար: Շարունակ ուշադրութիւնն իս դուրսը, ցանկանում էինք մի կերպ արամադրութիւնն իս բարձրացնել, որ գուռը բացուեց ու շէմքում երևացին Կարօն ու Մարօն՝ թեանցուկ:

Սենեակը լայնացաւ. ուրախութիւնն առատ հոսանքով ներս խուժեց լուսամուտներից:

Կարօյին գրկից-գիրկ քաշելով՝ համբոյրներով ողջունեցին:

Մարօն շնորհակալութեամբ լի հայեացքով նայում էր բոլորին, որ Կարօյին այդքան սիրում են:

— Տօ, գէ մի պատմիր, տեսնենք էդ ի՞նչ օյին է եկել գլուխդ է, — կանչեց Թորոսը՝ Կարօյին իր կողմը քաշելով:

Կարօն պատմեց Ձուլֆայում ձերբակալուէն ու Նախավկայ փախչելը:

— Իսկ Նախավկայից:

— Այնտեղից էլ եկայ, էլի... պարսիկ քարվանշու շորեր հագայ, գլուխս ածիլեցի ուղղափառ մահմեդականի բոլոր կարգ ու կանոնով, միրուքս հինա դրի ու մի էշ առաջս արած՝ խառնուեցի կարաւանի հետ, եկայ, ձեզ հասայ, որ Չատիկը մենակ չանէք:

Մեր ծիծաղն ու ուրախութիւնը թնդաց. իսկ Մարօյի աչքերն այս անգամ դաւաճանում էին նրան, որովհետեւ շատ էին փայլում:

Բնական էր, որ Կարօյի ազատուիլը բոլորին պէտք է գոհութիւն պատճառէր: Նա անձանձիր աշխատող էր, հմուտ զինագործ, զէնքերի համար սահմանի այն կողմից հում նիւթեր մատակարարող, վտանգն արհամարհող և, առանց չափազանցութեան ասենք՝ անշեղ հրացանաձիգ:

Թուխ դէմք ունէր, սև, փայլուն աչքեր և ուժեղ, դուրս ընկած մկանունքներ:

Աշխատում էր օրն ի բուն և դժգոհում, որ գործը դանդաղ է առաջ գնում: Շտապող էր, անշնորհակալ իրենից և ընկերներից, որովհետև զէնքերը զեռ հազարներով չէին հաշուում, փամփուշտները՝ հարիւր-հազարներով: Ու կարծում էր, որ եթէ բոլորն անքուն աշխատեն, ռազմամթերքները կը թափուին պահեստ:

III

Կարօն այլևս արհեստանոցում աշխատել չէր կարող, որովհետև նրան աւելի ևս խստօրէն էին որոնում: Այդ յայտնի դարձաւ մանաւանդ այն ժամանակ, երբ մեր բարեկամ պարսիկներից մէկը յայտնեց, որ Կարօյի այստեղ լինելը յայտնի է կառավարութեանն ու հետամուտ է լինում: Այդ պատճառով Թորոսը յարմարեցրեց մի ուրիշ աեղ, որ Կարօն այնտեղ աշխատէ, արհեստանոցում տանելիք գործի ծանրութիւնը վերցնելով իր և ընկեր-օգնականների վզին:

Կարօյի որտեղ լինելու գաղտնիքը միայն Թորոսը գիտէր և մի-երկուսը մերոնցից, որոնք ի պաշտօնէ՝ յարաբերութեան մէջ պէտք է լինէին Կարօյի հետ: Միւս ընկերները չպէտք է հետաքրքրուէին և կարիք էլ չկար. բաւական էր, որ Կարօն ազատ էր և աշխատում էր:

Այդ միջոցներում ես ու մի ուրիշը մի քանի օրից յետոյ պէտք է ճանապարհուէինք զէպի մի որոշուած տեղ: Ժամանակը կարճ էր, հարկաւոր էր տեսնուել ընկերների հետ. զնացի զէպի Մարօն:

— Եթէ տղայ լինէի, կընախանձէի քեզ. — ժպտալով ասաց Մարօն՝ ներս մտնելս տեսնելով:

— Հետաքրքիր է. ինչո՞ւ. — հարցրի նրան:

— Որովհետև նախանձելի գործ ես ստանձնել:

— Բայց ես տղայ եմ ու նախանձում եմ քեզ: Այ, եթէ իմ ստանձնած գործիս հետ քո հոգին ես ունենայի... այն ժամանակ՝ ուրիշ բան:

Մարօն սկսեց ինձ ծաղրել, որ ես քաղաքում ապրած լինելով՝ կօմպլիմէնտներ ասելն եմ սովորել: Ապա իր այլբօմբ տուաւ, որ մի բան գրեմ այնտեղ:

Այդ միջոցին յատակի տակ ինչ որ զըրթ-զըրթոցներ լսեցի:

— Էս ինչ զըրթ-զըրթոց է. — ահանջներս լարած՝ հարցրի Մարօյին:

Մարօն ժպտաց և երեք անգամ ոտքով զարկեց յատակին: Զըրթ-զըրթոցն անմիջապէս դադարեց ու մի ըոպէ չանցած՝ չեմ իմանում որտեղից՝ երևաց Կարօն, երեսը մրոտ, մի հրացանի կիսայղկած «գատվօր» ձեռքին:

— Վանճ.—արի ես.—ուրեմն դու այստեղ ես բան անում. գեանափոր տեղ կայներքևում:

— Խլուրդ եմ դառել, խլուրդ.—ծիծաղեց Կարօն.—էնքան էլ վատ չէ. ճիշտ է, տեղը խոր է, բայց յարմար է:

— Դէ լուացուիր, լուացուիր. — կանչեց Մարօն.—այսօր շոայլութիւն պէտք է անենք:

Այսինքն՝ սուրճ պէտք է խմենք. շաբաթը մի անգամ այդպիսի շոայլութիւն Մարօն իրան թոյլ էր տալիս այս կամ այն դէպքի պատճառով:

Եւ մինչդեռ նա կաղէ-կաղ բաժակներն էր մօտ բերում; ես գրեցի այլբօմում.

— Գուցէ իմ ծանր գործի ժամանակ Կը գտնեմ հանգիստ սառ հողի գրկում:

Ուստի, օրիորդ, իբրև յիշատակ՝

Մի երկու տող եմ թողնում քո գրքում»:

Գրեցի մի երկու տուն էլ և երբ Կարօն իր տեղը բռնեց և ես տետրակը մի կողմ էի ուզում դնել, Մարօն առաւ ձեռքիցս, կարգաց ու կանչեց նեղացած.

— Տօ, սա ինչեր ես գրել. էս ի՞նչ ողբեր են.— ու տետրակը մեկնեց Կարօյին.—տես ի՞նչ է գրել, Կարօ. եթէ իմանայի, թէ էսպէս բաներ ես գրելու, տետրակս չէի տալ:

— Բա ուզում էիր որ ի՞նչ գրի. սո՛ւրճդ

գովէ.—բարկացրեց Կարօն, ու դարձաւ ինձ.— է՛, ախպէր-Չան, երբ ես գնում:

— Տեսնենք. աշխատում ենք շուտ գնալ, եթէ կարողանաս զէնքերը շուտ հասցնել:

— Կըհասցնեմ, կըհասցնեմ.— շտապելով սասաց նա ու վռագ-վռագ բաժակը վերցրաւ.— կըհասցնեմ, մանաւանդ որ՝ երեւի ես էլ պէտք է գնամ:

Մարօն իբրև թէ սառնասրտութեամբ լսեց Կարօյի վերջին խօսքերը, բայց խկոյն կարելի էր նկատել, որ նրա դէմքը թէև ժպտում է, բայց աչքերը վարագուրուած են մի ուրիշ քօղով:

— Իսկ դո՛ւ ուր ես ուզում գնալ.—հարցրի ես:

— Սալմաստ. այնտեղ էլ կայ կատարելու շատ գործ:

— Դու միշտ այդպէս ես,—տրտնջաց Մարօն.—մի տեղ դադար առնելու համբերութիւն չունիս. դրա համար էլ մի անգամ խստիւ կը պատժուես:

— Մի բաժակ սուրճ ես տուել, քթիփս պիտի հանես.—հանաք արաւ Կարօն ու նորից իջաւ իր նկուղը:

Իսկ ես մի քիչ էլ նստեցի ու դուրս ելայ՝ որոշ պատրաստութիւններ տեսնելու:

IV

Շուտով սարերը կըբացուէին ձիւնից. հարկաւոր էր միջոցներ ձեռք առնել՝ ծրագրուած մեծ ապստամբութեան ելքն ապահովելու. իսկ զրա համար՝ անշուշտ հարկաւոր էր ռազմամթերքի առատութիւն և աշխատող ձեռք՝ հրացանները կարգի բերելու:

Թորոսը, Լևոնը, Սամսոնը, Պետրոսը գիշերցերեկ անխոնջ, անդադար աշխատում էին. ճաշին մինչև անգամ հանդիստ չէին առնում. միմի բաժակ թէյ խմում էին հաց ու պանրով, և նորից չախմախն ու խարտոցը ձեռներնին առնում: Կարօն էլ յատակի տակ իր գործն էր տեսնում:

Անհրաժեշտ էր, որ Թաւրիզ գտնուող զէնքերը կենտրոնացնուին Տաճկաստանի սահմանին մօտիկ մի յարմար վայրում: Իսկ այդպիսի յարմար տեղը Սալմաստն էր, ուր գործունէութեան զլխաւոր երակն էր խփում և որտեղ գտննւում էր մայր-պահեստը, Բժշկի հսկողութեան տակ:

Երբ զէնքերը տեղափոխելու խնդիրը բարձրացաւ ժողովում, Կարօն կանգնեց, թէ՛ Թորոսը տեղից շարժուել չի կարող. եթէ նա այս տենդալին օրերում թողնէ արհեստանոցը, նրան

փոխարինող-կառավարիչ չի լինելու. նոյնիսկ արհեստանոցը կարող է վտանգուել. Թորոսը կապեր ունի, բարձրագոյն հովանաւորութիւն է շահել, որ մեծապէս նպաստում է գործին: Իսկ ինքը գեանի տակ շատ բան կատարել չի կարող. այդ պատճառով առաջարկում է, որ թէ՛ զէնքերի փոխադրութիւնը և թէ՛ Սալմաստում նրանց պակաս-պռատը լրացնելու գործը յանձնուի իրան:

Կարճ վէճից յետով ժողովը եկաւ այն եզրակացութեան, որ, իսկապէս, ուրիշ ելք չկայ, Կարօն պէտք է գնայ, որին շուտով պէտք կը լինի ուղարկել և՛ մի օգնական:

Այդ որոշումը լինելուց յետոյ՝ Կարօն ու Թորոսն էլ գիշեր-ցերեկ շասացին. — Թորոսը ցերեկը, Կարօն՝ գիշերը, յղկում էին, տաշում, խարտոցում, փամփուշտները դասաւորում, հրացանների մասերն առանձին-առանձին իւզում, կապտում, ամրացնում արկղներում, արկղները փաթաթում խսիրով, և նրանք շունչ չառան, մինչև որ բոլոր հակերը կապտած, պատրաստ՝ մի կողմ դրին:

Կէսօրուայ դէմ ես ու Կարօն պատրաստւում էինք Մարօյի մի փոքրիկ շռայլութեանը մասնակցելու, — սուրճ խմելու, — որ ներս մտաւ մեր մշտական չարվաղարն ու յայտնեց, որ մութն ընկնելուց՝ կարավանը ճանապարհուելու

է, Կարօն թող պատրաստ լինի. — ասաց ու գնաց: Իսկ ես գաղտնի կերպով ուշադրութիւնս դարձրի դէպի Մարօն: — Երբ չարվադարը պատրաստ լինելու անունը տուաւ, Մարօն ընդհատեց հազիւ լսուող երգը, որ սկսել էր, և սկսեց ուրիշ բանով զբաղուել. մի զբաղմունք, որ աննպատակութիւնն էր ցոյց տալիս: Ապա նրա խօսեմ աչքերը երբեմն լի մտահոգութեամբ դառնում էին Կարօյին, որի առնական դէմքին փայլում էին այդ ըռպէին եռանդն ու փութկոտութիւնը:

Զգիտեմ, Մարօն շատ էր մտածում իր ֆիզիքական պակասութեան մասին. սակայն ինչ նշանակութիւն կարող էր ունենալ մարմնի պակասութիւնը այն գեղեցիկ հոգու, այն խելօք գլխի, այն վսեմ զգացմունքներով լի սրտի առաջ, և ես մտածեցի, որ լաւ կը լինէր, եթէ նա էլ գնար Կարօյի հետ. թողնէր դպրոցն ու գնար. լաւ կը լինէր. նա Կարօյին չէր խանգարի:

Ամեն կողմից խիստ հետապնդելիս, Կարօն գիշերը դուրս եկաւ կարավանի հետ, ծպտուած, իսկ ես առաւօտեան շտապեցի Մարօյենց մօտ: Օրիորդ Կ.Ն թէյի բաժակն առաջը դրած՝ իր շրջագգեստի քանդուած կարերն էր սնդաղնում, իսկ Մարօն՝ թերատ դրօշակն էր շարունակում ձեռագործել:

Ո՛չ մի փոփոխութիւն չգտայ նրանում, որքան էլ զննողի աչքով նայեցի. նոյն յստակ աչ-

քերը մելամաղձութեան թափանցիկ քօղով, նոյն քիչ գունաթափ, համակրելի դէմքը:

— Տեսնես Կարօն սրտեղ կը լինի այժմ. մի բան չպատահէ... քիչ այս ու այն կողմից խօսելուց յետոյ, ասացի ես:

Մարօն ոչինչ չպատասխանեց, թւում էր, որ այդ ըռպէին նա չէր էլ ուզում Կարօյի մասին խօսող լինի, թերևս նրա համար, որ մենակ ինքը խօսէ իր մտքում:

Բայց երբ խօսքը հասաւ արձակուրդներին, Մարօն համաձայնեց, որ պարապութիւնից սիրտը կը ճաքէ, եթէ մի լուրջ գործով չզբաղուի, ուստի և արձակուրդի երեք ամիսներն անպատճառ անց կը կացնի Սալմաստում:

Երկու օր յետոյ ես էլ ճանապարհուեցի դէպի իմ և ընկերոջս գնալիք տեղը, ու նրանց մէկ էլ պատահեցի Սալմաստում, երկու ամիս անց:

V

Ուրիշ անկողին չկար. Բժիշկը դէպի լուսամուտը, ես դէպի պատը պառկեցինք, վերմակը գցեցինք մեզ վրայ ու մէջք-մէջքի տալով՝ սկսեցինք խօսել. բայց մեր գրոյցը երկար չտևեց, որովհետև ես շուտով քուն մտայ:

Գիշերուայ ժամը երկուսին քնիս մէջ դանազան ձայներ լսեցի ու թմրութիւնից սթափուելով՝ դրսումն ինչ-որ շատուորների ներկայութիւնն զգացի:

Դուլիս բարձրացրի և տեսայ, որ Բժիշկը կանգնած է լուսամտաի առաջ, «շատուորների» հասցէին ածականներ է թուցնում, ուրախանում, ծիծաղում:

— Էս ի՞նչ հարսանիք է.— մտածեցի ինքսինձ, ու կամաց-կամաց սկսեցի հագնուել:

Հէնց այդ միջոցին մէկը ներս թռաւ լուսամտաով, դուռն էլ թափով բացուեց ու դրսից կատարելապէս ներս խուժեցին Սաթենիկը, Երևանդը, Կարօն, Մարօն ու մի հինգերորդը, որ նոր անձնաւորութիւն էր և ես չէի ճանաչում:

Ծիծաղ, քրքիջ, հարայ-հրոց... կարծեօ անմահութեան կաթիլները գտած լինէին:

Այդ ժամանակ ես էլ հագնուած՝ կանգնեցի տեղս. ճրագ չկար, բայց նորեկները տեսան, որ մի նոր անձնաւորութիւն ևս կերպարանաւորուեց մթութեան մէջ:

— Բժիշկ, ո՞վ է մեր հետը,— հարցրեց Սաթենիկը:

Բժիշկը պատասխանեց:

Իմ գալուս երկու օր էր, և նրանք ինձ երբէք այդտեղ չէին սպասում:

— Վա՛... դ՞ու, այստե՞ղ...— զարմացած բա-

ցականչեցին այս ու այն կողմերից, — տօ, դու էստեղ ի՞նչ ես շինում. իսկ մենք կարծում էինք, որ դու արդէն...

Համառօտ կերպով պատմեցին վերջին երկու ամսուայ անցուդարձը, ապա դուրս եկանք բակը, տեսնելու՝ թէ թաւրիզից մերօնք ինչ էին բերել:

Կարօն Սալմաստ գալուց յետոյ նորից անցել էր թաւրիզ և այս անգամ ընկերների հետ վերադառնելով՝ իրենց հետ բերել էին վեց բեռ հրացաններ, փամփուշտներ և զինուորների համար էլ մի բեռ տոպրակներ, որ օրիորդներն էին կարել:

Բաւականաչափ զէնքերի ներկայութիւնն ու յաջող փոխադրութիւնը մեր ուրախ տրամադրութիւնն էլ բարձրացրեց, իսկ Բժիշկը քիչ էր մնում ընկերներին համբուրելուց յետոյ՝ հրացանների կապոցներն էլ համբուրէ, տոպրակների հակերն էլ, այնքան էր ուրախացել:

Մի քանի զինուորների օգնութեամբ ամեն բան իր տեղը դասաւորելուց յետոյ, դարձանք զէպի տուն: Մինչև բակից կանցնէինք, Մարօն դարձաւ ինձ.

— Իսկ դու գիտե՞ս Կարօն ճանապարհին ինչ արաւ:

— Հետաքրքիր է. ի՞նչ արաւ.— հարցրի ես:

— Երեք հարիւր քայլի վրայ երկու անգամ

հրացան արձակեց մի փայտէ նշանի, և գնդակը նստացրեց գնդակի վրայ: Ահա.— ասաց նա և հանեց արձիճէ մի գունդ, ուր երկու գնդակները, իսկապէս՝ հիւսուել էին միմեանց:

Որ Կարօն կարող էր նրանց վրայից երրորդ գնդակն էլ հագցնել զեռ էլ հեռու տարածութիւնից, ես դրան հաւատում էի. բայց որ Մարօն Կարօյի անունովն է միայն ապրում, այժմ դրա մէջ էլ որեւէ կասկած չունէի:

Մտանք տուն. լուսանալուն քիչ էր մնում. բայց մարդիկ պէտք է հանգստանային. և ամեն մէկը մի բան զցելով վրէ՛ն՝ պառկեցին այս ու այն անկիւնում և խաղաղ, հանգիստ քուն մտան:

VI

Քանի գնում, մարդկանց թիւը շատանում էր. ամեն կողմից գալիս էին ու գալիս. գալիս էին տուն-տեղ, ծնողներ թողած՝ Հայաստանի ազատագրութեան գործում իրենց բաժինն ևս ունենալու: Էլ Ղալասար մնալ, տեղաւորուել չէինք կարող, հարկաւոր էր բաժան-բաժան լինել:

Ես, Սէրէմճեանը, Գուրգէնն ու Ասոնը գնացինք Փայաջուկ, որտեղ էր և Յարօն. շուտով «մեր» գիւղը եկան և Յովսէփն իր եղբօր հետ, Թեանը, որ Թէհրանից կարծես նրա համար էր

եկել, որ մեզ միշտ ուրախ պահէ, ու անվերջ ծիծաղեցնէ, մէկ-մէկ էլ Սաքօն էր մտնում մեզ մօտ, երբ գործից ազատ էր լինում:

Երբ Փայաջուկ հաստատուեցինք, մի քանի ժամանակից յետոյ նոր-նոր հանգամանքներ ստեղծուեցին, որոնց շնորհիւ Փայաջուկի և Ղալասարի մէջ մի թունդ պայքար առաջացաւ. Փայաջուկը պահանջում էր առանց վայրկեան անգամ կորցնելու, խմբերն իրար յետևից անց կացնել Վասպուրական, Ղալասարը պնդում էր, որ այդ անկարելի է, պէտք է բոլորն սպասեն արշաւանքին: Առաջնի պաշտպանօրն էինք ես, Սէրէմճեանը, Ասոնը, Յարօն ու Կարօն, երկրորդինը՝ Նիկօլը, Երուանդը, Յովսէփը, և... Թաւրիզը: Եթէ նոյնիսկ Թաւրիզն էլ չլինէր, հէնց մենակ Նիկօլի անհամաձայնութիւնը հերիք էր, որ մենք պարտուէինք, բայց մաքառելը ձեռքից չէինք տալիս, աշխատելով հակառակորդներին թէ համոզել փաստերով և թէ տեղն ընկած ժամանակը՝ զիմել խորամանկ միջոցների: Այդպէս՝ երբ Յովսէփը կարգում էր անգլիերենից թարգմանած «Կղզիների լօրդը», ես բերանբաց գովում էի, որ այդպիսի յաջող թարգմանութիւն հազիւ թէ ուրիշը կարողանար անել, և «գմայլուում էի նրա անթերի, ճոխ» հայերէնով. իսկ նրա հայերէնը, ճիշտ որ օրինակելի էր: Այդ գովքն անելուց յետոյ, Վասպուրական անցնելու

հարցն էի մէջ տեղ բերում, յուսալով, որ Յովսէփը գովքիս փոխարէնը կը վճարէ, բայց բան չէր դուրս գալիս: Յարօն Նիկօլի եախէն էր բռնում, Պետրոսը մի ուրիշի. թեքուող չէր լինում. Բժիշկը կողմնակից էր թէ մէկին և թէ միւսին. երկուսն էլ համազօր էր գտնում: Այդ խնդրում օրիորդներն էլ իրենց դերն ունէին. Մարօն ցանկանում էր, որ մեր առաջարկութիւնն անցնի, ցանկանում էր, բայց նրա պաշտպանութիւնը մեղմ էր իր բնաւորութեան պէս: Իսկ Սաթենիկն արշաւանքից բացի՝ ուրիշ բան չէր ուզում, և բուն կերպով յարձակուում էր բոլոր նրանց վրայ, որ արշաւանքի գործն էին ուզում «խանգարել»: Սաթենիկն ունէր որոշ հեղինակաւորութիւն: Դերիկի պատմութեան մէջ նա էլ իր բաժինն ունէր, տեմպերամենտով օրիորդ էր, և իր յարձակումները դէպի մեր ծրագիրը՝ ասնում էր տղամարդօրէն: Սակայն վերջապէս մեր յամառութիւնն ու մի նպաստաւոր հանգամանք յաղթող հանդիսացաւ, և պատրաստուեցինք ճանապարհուելու դէպի Վան:

Բայց բարձրացաւ մի նոր խոչընդոտ. զինուորները կանգնեցին, թէ՛ մենք Սալմաստում գեղեցիկ օրեր անցկացնելու համար չենք խրմբուել, մենք էլ ենք գնում: Նիկօլը իր հեղինակաւորութեամբ կարողացաւ նրանց հանգստաց-

նել. բայց ո՞վ կարող էր հանգստացնել Կարօյին, որ ծագելիք զալմաղախ ի նկատի ունենալով՝ ծածուկ կերպով իր բոլոր զէնքերն ու իրեղէնները պատրաստել էր, որ խումբը դուրս գայ թէ չէ՝ ինքն էլ հասնէ Սանամէրիկ, և այնտեղ միանայ հետները: Ո՛չ մի խօսք, ո՛չ մի ծանրակշիռ առարկութիւն չէր ուզում:

— Եղբայր, չեմ ուզում մնալ, չեմ ուզում, չեմ ուզում.— գոռում էր Կարօն.— Կօ չեմ կարող ամբողջ կեանքս խաբտոցի վրայ անցկացնել.— և բարկութիւնից՝ շարտում էր բոլորը, ինչ որ ձեռքն էր ընկնում:

— Կարօ, ախր մի մտածիր է, — մեղմութեամբ նկատում էին Բժիշկն ու Նիկօլը.— էս դու գնացիր, շատ լաւ, իսկ այստեղ... ի՞նչ պէտք է անենք. ո՞վ պէտք է զէնքերը պատրաստէ:

— Այդ իմ բանս չէ. դուք գիտէք. պէտք է ես գնամ.— աւելի գրգռուած՝ գոչում էր Կարօն:

Զինուորների խիստ յուզուած զրուիւնը, անցնել ցանկացողների բազմութիւնն ու ծագելիք թիւրիմացութիւնների հնարաւորութիւնն ի նկատի առնելով՝ իսկոյն մի ժողով գումարուեց, որտեղ և որոշուեց.— Արշաւանքի վճիռը մնում է անփոփոխ վճիռ. այնուամենայնիւ՝ անցկացնել երկիր մի քանի խմբեր, մէկը միւսից երեք օր յետոյ. երրորդ խումբը կը գնայ Կարօյի ա-

ուսնորդութեամբ, առաջին խմբի դուրս գալուց վեց օր անց:

Այդ որոշումը մի քիչ կակղեցրեց Կարօյին:

— Ձեանդամը ձեր գլուխը.—ասաց նա.—
այս անգամ էլ թող ձեր ասածը լինի:

Հեռեկալ օրը մենք ճանապարհ ընկանք, և
այնուհետև ես Կարօյին մի անգամ միայն տեսայ, իսկ Մարօյին՝ երբէք:

VII

Մարօյի սրտում ինչ-որ գաղտնի կռիւ էր
տեղի ունենում անշուշտ. մի կռիւ, որի մասին
ոչ ոքի երբէք ոչ մի բան չէր ասել: Նա տեսնում էր, որ տաճկահայի ազատագրման մեծ
գործին նուիրուածները թողել են իրենց սիրելիներին, թողել են ծննդեանիք, թողել են ամեն
ինչ և աննահանջ գնում են իրենց ճանապարհով. տեսնում էր, և իր զգայուն հոգու մէջ
զլուխ էր բարձրացնում մի ծանր, ամպոտ զգացմունք, թէ ինքն արգելք է հանդիսանում Կարօյի թուիչքներին, որ, եթէ ինքը չլինէր, Կարօյի գործունէութիւնն աւելի բեղմնաւոր կը լինէր, և ինքն է պատճառը, որ Կարօն մինչև այժմ չի անցել Տաճկա-Հայաստան:

Երկար ժամանակ այդ զառը մտքերը տան-

Չում են նրան, ու վերջապէս վճռում է՝ «ազատել» Կարօյին:

Մի տոմսակ է գրում. «Նաւերն այրում եմ. էլ վերադարձ չկայ. քեզ ազատում եմ կապանքներից: Գնա՛, Կարօ, քո սուրբ ճանապարհով»:

Գրում է, ու ատրճանակը դնում սրտին...

Թաղելու ժամանակ Կարօն մօտենում է դագաղին.

— Երդուում եմ. կրգնամ՝ բայց էլ չեմ վերադառնայ:

Եւ գնաց Կարօն*) ու չվերադարձաւ:

Ընկաւ նա Խանասորի արշաւանքում. բայց թէ ճրտեղ, ի՞նչ պայմաններում—ընկերներից ոչ ոք չիմացաւ:



*) Արխատակէս Զօրեան



« Ազգային գրադարան



NL0412127

6029

